

கு²த³த³கனிகாயே

இதிவுத்தகபாளி

1. ஏககனிபாதோ

1. பட²மவக்³கோ³

1. லோப⁴ஸுத்தங்

1. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“ஏகத⁴ம்மங், பி⁴க்க²வே, பஜஹத²; அஹங் வோ பாடிபோ⁴கோ³ அனாகா³மிதாய. கதமங் ஏகத⁴ம்மங்? லோப⁴ங், பி⁴க்க²வே, ஏகத⁴ம்மங் பஜஹத²; அஹங் வோ பாடிபோ⁴கோ³ அனாகா³மிதாயா”தி. ஏதமத்த²ங் ப⁴க³வா அவோச. தத்தே²தங் இதி வுச்சதி -

“யேன லோபே⁴ன லுத்தா⁴ஸே, ஸத்தா க³ச்ச²ந்தி து³க்³திங்; தங் லோப⁴ங் ஸம்மத³ஞ்ஞாய, பஜஹந்தி விபஸ்ஸினோ; பஹாய ந புனாயந்தி, இமங் லோகங் குதா³சன”ந்தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. பட²மங்.

2. தோ³ஸஸுத்தங்

2. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“ஏகத⁴ம்மங், பி⁴க்க²வே, பஜஹத²; அஹங் வோ பாடிபோ⁴கோ³ அனாகா³மிதாய. கதமங் ஏகத⁴ம்மங்? தோ³ஸங், பி⁴க்க²வே, ஏகத⁴ம்மங் பஜஹத²; அஹங் வோ பாடிபோ⁴கோ³ அனாகா³மிதாயா”தி. ஏதமத்த²ங் ப⁴க³வா அவோச. தத்தே²தங் இதி வுச்சதி -

“யேன தோ³ஸேன து³ட்டா²ஸே, ஸத்தா க³ச்ச²ந்தி து³க்³திங்; தங் தோ³ஸங் ஸம்மத³ஞ்ஞாய, பஜஹந்தி விபஸ்ஸினோ; பஹாய ந புனாயந்தி, இமங் லோகங் குதா³சன”ந்தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. து³தியங்.

3. மோஹஸுத்தங்

3. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“ஏகத⁴ம்மங், பி⁴க்க²வே, பஜஹத²; அஹங் வோ பாடிபோ⁴கோ³ அனாகா³மிதாய. கதமங் ஏகத⁴ம்மங்? மோஹங், பி⁴க்க²வே, ஏகத⁴ம்மங் பஜஹத²; அஹங் வோ பாடிபோ⁴கோ³ அனாகா³மிதாயா”தி. ஏதமத்த²ங் ப⁴க³வா அவோச. தத்தே²தங் இதி வுச்சதி -

“யேன மோஹேன மூள்ஹாஸே, ஸத்தா க³ச்ச²ந்தி து³க்³திங்;
தங் மோஹங் ஸம்மத³ஞ்ஞாய, பஜஹந்தி விபஸ்ஸினோ;
பஹாய ந புனாயந்தி, இமங் லோகங் குதா³சன”ந்தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. ததியங்.

4. கோத⁴ஸுத்தங்

4. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“ஏகத⁴ம்மங், பி⁴க்க²வே, பஜஹத²; அஹங் வோ பாடிபோ⁴கோ³ அனாகா³மிதாய. கதமங் ஏகத⁴ம்மங்? கோத⁴ங், பி⁴க்க²வே, ஏகத⁴ம்மங் பஜஹத²; அஹங் வோ பாடிபோ⁴கோ³ அனாகா³மிதாயா”தி. ஏதமத்த²ங் ப⁴க³வா அவோச. தத்தே²தங் இதி வுச்சதி -

“யேன கோதே⁴ன குத்தா⁴ஸே, ஸத்தா க³ச்ச²ந்தி து³க்³திங்;
தங் கோத⁴ங் ஸம்மத³ஞ்ஞாய, பஜஹந்தி விபஸ்ஸினோ;
பஹாய ந புனாயந்தி, இமங் லோகங் குதா³சன”ந்தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. சதுத்த²ங்.

5. மக்க²ஸுத்தங்

5. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“ஏகத⁴ம்மங், பி⁴க்க²வே, பஜஹத²; அஹங் வோ பாடிபோ⁴கோ³ அனாகா³மிதாய. கதமங் ஏகத⁴ம்மங்? மக்க²ங், பி⁴க்க²வே, ஏகத⁴ம்மங் பஜஹத²; அஹங் வோ பாடிபோ⁴கோ³ அனாகா³மிதாயா”தி. ஏதமத்த²ங் ப⁴க³வா அவோச. தத்தே²தங் இதி வுச்சதி -

“யேன மக்கே²ன மக்கா²ஸே [மக்கி²தாஸே (ஸ்யா)], ஸத்தா க³ச்ச²ந்தி து³க்³திங்;
தங் மக்க²ங் ஸம்மத³ஞ்ஞாய, பஜஹந்தி விபஸ்ஸினோ;

பஹாய ந புனாயந்தி, இமங் லோகங் குதா³சன"ந்தி.

அயம்பி அத்தோ² வுத்தோ ப்⁴க³வதா, இதி மே ஸுதந்தி. பஞ்சமங்.

6. மானஸுத்தங்

6. வுத்தஞ்ஹேதங் ப்⁴க³வதா, வுத்தமரஹதாதி மே ஸுதங் -

“ஏகத்⁴ம்மங், பி்⁴க்க²வே, பஜஹத²; அஹங் வோ பாடிபோ்⁴கோ³ அனாகா³மிதாய. கதமங் ஏகத்⁴ம்மங்? மானங், பி்⁴க்க²வே, ஏகத்⁴ம்மங் பஜஹத²; அஹங் வோ பாடிபோ்⁴கோ³ அனாகா³மிதாயா”தி. ஏதமத்த²ங் ப்⁴க³வா அவோச. தத்தே²தங் இதி வுச்சதி -

“யேன மானேன மத்தாஸே, ஸத்தா க³ச்ச²ந்தி து³க்க³திங்;
தங் மானங் ஸம்மத³ஞ்ஞாய, பஜஹந்தி விபஸ்ஸினோ;
பஹாய ந புனாயந்தி, இமங் லோகங் குதா³சன"ந்தி.

அயம்பி அத்தோ² வுத்தோ ப்⁴க³வதா, இதி மே ஸுதந்தி. ச²ட்ட²ங்.

7. ஸப்³ப³பரிஞ்ஞாஸுத்தங்

7. வுத்தஞ்ஹேதங் ப்⁴க³வதா, வுத்தமரஹதாதி மே ஸுதங் -

“ஸப்³ப³ங், பி்⁴க்க²வே, அனபி்⁴ஜானங் அபரிஜானங் தத்த² சித்தங் அவிராஜயங் அப்பஜஹங் அப்⁴ப³போ³ து³க்க²க்க²யாய. ஸப்³ப³ஞ்ச கோ², பி்⁴க்க²வே, அபி்⁴ஜானங் பரிஜானங் தத்த² சித்தங் விராஜயங் பஜஹங் ப்⁴ப³போ³ து³க்க²க்க²யாயா”தி. ஏதமத்த²ங் ப்⁴க³வா அவோச. தத்தே²தங் இதி வுச்சதி -

“யோ ஸப்³ப³ங் ஸப்³ப³தோ ஞத்வா, ஸப்³ப³த்தே²ஸு ந ரஜ்ஜதி;
ஸ வே ஸப்³ப³பரிஞ்ஞா [ஸப்³ப³ங் பரிஞ்ஞா (ஸ்யா. பீ.)] ஸோ,
ஸப்³ப³து³க்க²முபச்சகா³”தி [ஸப்³ப³ங் து³க்க²ங் உபச்சகா³தி (ஸ்யா.),
ஸப்³ப³து³க்க²ங் உபச்சகா³தி (பீ. அட்ட².)].

அயம்பி அத்தோ² வுத்தோ ப்⁴க³வதா, இதி மே ஸுதந்தி. ஸத்தமங்.

8. மானபரிஞ்ஞாஸுத்தங்

8. வுத்தஞ்ஹேதங் ப்⁴க³வதா, வுத்தமரஹதாதி மே ஸுதங் -

“மானங், பி்⁴க்க²வே, அனபி்⁴ஜானங் அபரிஜானங் தத்த² சித்தங் அவிராஜயங் அப்பஜஹங் அப்⁴ப³போ³ து³க்க²க்க²யாய . மானஞ்ச கோ²,

பி⁴க்க²வே, அபி⁴ஜானங் பரிஜானங் தத்த² சித்தங் விராஜயங் பஜஹங்
ப⁴ப்³போ³ து³க்க²க்க²யாயா³தி. ஏதமத்த²ங் ப⁴க³வா அவோச. தத்தே²தங் இதி
வுச்சதி -

“மானுபேதா அயங் பஜா, மானக³ந்தா² ப⁴வே ரதா;
மானங் அபரிஜானந்தா, ஆக³ந்தாரோ புனப்³ப⁴வங்.

“யே ச மானங் பஹந்த்வான, விமுத்தா மானஸங்க²யே;
தே மானக³ந்தா²பி⁴பு⁴னோ, ஸப்³பு³து³க்க²முபச்சகு³ந்தி [ஸப்³பு³து³க்க²ங்
உபச்சகு³ந்தி (பீ.), ஸப்³பு³ங் து³க்க²ங் உபச்சகு³ந்தி (அட்ட²கதா²)].

அயம்பி அத்தோ² வுத்தோ ப⁴க³வதா, இதி மே ஸுதந்தி. அட்ட²மங்.

9. லோப⁴பரிஞ்ஞாஸுத்தங்

9. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“லோப⁴ங், பி⁴க்க²வே , அனபி⁴ஜானங் அபரிஜானங் தத்த² சித்தங்
அவிராஜயங் அப்பஜஹங் அப⁴ப்³போ³ து³க்க²க்க²யாய. லோப⁴ஞ்ச கோ²,
பி⁴க்க²வே, அபி⁴ஜானங் பரிஜானங் தத்த² சித்தங் விராஜயங் பஜஹங்
ப⁴ப்³போ³ து³க்க²க்க²யாயா³தி. ஏதமத்த²ங் ப⁴க³வா அவோச. தத்தே²தங் இதி
வுச்சதி -

“யேன லோபே⁴ன லுத்தா⁴ஸே, ஸத்தா க³ச்ச²ந்தி து³க்க³திங்;
தங் லோப⁴ங் ஸம்மத³ஞ்ஞாய, பஜஹந்தி விபஸ்ஸினோ;
பஹாய ந புனாயந்தி, இமங் லோகங் குதா³சன³ந்தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. நவமங்.

10. தோ³ஸபரிஞ்ஞாஸுத்தங்

10. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“தோ³ஸங், பி⁴க்க²வே, அனபி⁴ஜானங் அபரிஜானங் தத்த² சித்தங்
அவிராஜயங் அப்பஜஹங் அப⁴ப்³போ³ து³க்க²க்க²யாய. தோ³ஸஞ்ச கோ²,
பி⁴க்க²வே, அபி⁴ஜானங் பரிஜானங் தத்த² சித்தங் விராஜயங் பஜஹங்
ப⁴ப்³போ³ து³க்க²க்க²யாயா³தி. ஏதமத்த²ங் ப⁴க³வா அவோச. தத்தே²தங் இதி
வுச்சதி -

“யேன தோ³ஸேன து³ட்டா²ஸே, ஸத்தா க³ச்ச²ந்தி து³க்க³திங்;
தங் தோ³ஸங் ஸம்மத³ஞ்ஞாய, பஜஹந்தி விபஸ்ஸினோ;
பஹாய ந புனாயந்தி, இமங் லோகங் குதா³சன³ந்தி.

அயம்பி அத்தோ² வத்தோ ப⁴க³வதா, இதி மே ஸுதந்தி. த³ஸமங்.

பட²மோ வக்³கோ³ நிட்டி²தோ.

தஸ்ஸுத்³தா³னங் -

ராக³தோ³ஸா அத² மோஹோ, கோத⁴மக்கா² மானங் ஸப்³பங்;
மானதோ ராக³தோ³ஸா புன த்³வே, பகாஸிதா வக்³க³மாஹு பட²மந்தி.

2. து³தியவக்³கோ³

1. மோஹபரிஞ்ஞாஸுத்தங்

11. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“மோஹங், பி⁴க்க²வே, அனபி⁴ஜானங் அபரிஜானங் தத்த² சித்தங்
அவிராஜயங் அப்பஜஹங் அப⁴ப்³போ³ து³க்க²க்க²யாய. மோஹஞ்ச கோ²,
பி⁴க்க²வே, அபி⁴ஜானங் பரிஜானங் தத்த² சித்தங் விராஜயங் பஜஹங்
ப⁴ப்³போ³ து³க்க²க்க²யாயா”தி. ஏதமத்த²ங் ப⁴க³வா அவோச. தத்தே²தங் இதி
வுச்சதி -

“யேன மோஹேன மூள்ஹாஸே, ஸத்தா க³ச்ச²ந்தி து³க்³க³திங்;
தங் மோஹங் ஸம்மத³ஞ்ஞாய, பஜஹந்தி விபஸ்ஸினோ;
பஹாய ந புனாயந்தி, இமங் லோகங் குதா³சன”ந்தி.

அயம்பி அத்தோ² வத்தோ ப⁴க³வதா, இதி மே ஸுதந்தி. பட²மங்.

2. கோத⁴பரிஞ்ஞாஸுத்தங்

12. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“கோத⁴ங், பி⁴க்க²வே, அனபி⁴ஜானங் அபரிஜானங் தத்த² சித்தங்
அவிராஜயங் அப்பஜஹங் அப⁴ப்³போ³ து³க்க²க்க²யாய. கோத⁴ஞ்ச கோ²,
பி⁴க்க²வே, அபி⁴ஜானங் பரிஜானங் தத்த² சித்தங் விராஜயங் பஜஹங்
ப⁴ப்³போ³ து³க்க²க்க²யாயா”தி. ஏதமத்த²ங் ப⁴க³வா அவோச. தத்தே²தங் இதி
வுச்சதி -

“யேன கோதே⁴ன குத்தா⁴ஸே, ஸத்தா க³ச்ச²ந்தி து³க்³க³திங்;
தங் கோத⁴ங் ஸம்மத³ஞ்ஞாய, பஜஹந்தி விபஸ்ஸினோ;
பஹாய ந புனாயந்தி, இமங் லோகங் குதா³சன”ந்தி.

அயம்பி அத்தோ² வத்தோ ப⁴க³வதா, இதி மே ஸுதந்தி. து³தியங்.

3.மக்க²பரிஞ்ஞாஸுத்தங்

13. வுத்தஞ்ஹேதங் ப்⁴க³வதா, வுத்தமரஹதாதி மே ஸுதங் -

“மக்க²ங், பி்⁴க்க²வே, அனபி்⁴ஜானங் அபரிஜானங் தத்த² சித்தங்
அவிராஜயங் அப்பஜஹங் அப்⁴ப்³போ³ து³க்க²க்க²யாய. மக்க²ஞ்ச கோ²,
பி்⁴க்க²வே, அபி்⁴ஜானங் பரிஜானங் தத்த² சித்தங் விராஜயங் பஜஹங்
ப்⁴ப்³போ³ து³க்க²க்க²யாயா”தி. ஏதமத்த²ங் ப்⁴க³வா அவோச. தத்தே²தங் இதி
வுச்சதி -

“யேன மக்கே²ன மக்கா²ஸே, ஸத்தா க³ச்ச²ந்தி து³க்க³திங்;
தங் மக்க²ங் ஸம்மத³ஞ்ஞாய, பஜஹந்தி விபஸ்ஸினோ;
பஹாய ந புனாயந்தி, இமங் லோகங் குதா³சன”ந்தி.

அயம்பி அத்தோ² வுத்தோ ப்⁴க³வதா, இதி மே ஸுதந்தி. ததியங்.

4. அவிஜ்ஜானீவரணஸுத்தங்

14. வுத்தஞ்ஹேதங் ப்⁴க³வதா, வுத்தமரஹதாதி மே ஸுதங் -

“நாஹங், பி்⁴க்க²வே, அஞ்ஞங் ஏகனீவரணம்பி ஸமனுபஸ்ஸாமி யேன
[யேனேவங் (?)] நீவரணேன நிவுதா பஜா தீ³க்⁴ரத்தங் ஸந்தா்⁴வந்தி
ஸங்ஸரந்தி யத²யித³ங், பி்⁴க்க²வே, அவிஜ்ஜானீவரணங் [அவிஜ்ஜானீவரணேன
(?)]. அவிஜ்ஜானீவரணேன ஹி, பி்⁴க்க²வே, நிவுதா பஜா தீ³க்⁴ரத்தங்
ஸந்தா்⁴வந்தி ஸங்ஸரந்தீ”தி. ஏதமத்த²ங் ப்⁴க³வா அவோச. தத்தே²தங் இதி
வுச்சதி -

“நத்த²ஞ்ஞோ ஏகத்⁴ம்மோபி, யேனேவங் [யேனேவ (ஸீ. பீ. க.)] நிவுதா
பஜா;
ஸங்ஸரந்தி அஹோரத்தங், யதா² மோஹேன ஆவுதா.

“யே ச மோஹங் பஹந்த்வான, தமோக²ந்த்⁴ங் [தமொக்க²ந்த்⁴ங் (ஸீ.
ஸ்யா. பீ.)] பதா³லயுங்;
ந தே புன ஸங்ஸரந்தி, ஹேது தேஸங் ந விஜ்ஜதீ”தி.

அயம்பி அத்தோ² வுத்தோ ப்⁴க³வதா, இதி மே ஸுதந்தி. சதுத்த²ங்.

5. தண்ஹாஸங்யோஜனஸுத்தங்

15. வுத்தஞ்ஹேதங் ப்⁴க³வதா, வுத்தமரஹதாதி மே ஸுதங் -

“நாஹங், பி⁴க்க²வே, அஞ்ஞங் ஏகஸங்யோஜனம்பி ஸமனுபஸ்ஸாமி யேன [யேனேவங் (ஸ்யா.)] ஸங்யோஜனேன ஸங்யுத்தா ஸத்தா தீ³க⁴ரத்தங் ஸந்தா⁴வந்தி ஸங்ஸரந்தி யத²யித³ங், பி⁴க்க²வே, தண்ஹாஸங்யோஜனங் [தண்ஹாஸங்யோஜனேன (?)]. தண்ஹாஸங்யோஜனேன ஹி, பி⁴க்க²வே, ஸங்யுத்தா ஸத்தா தீ³க⁴ரத்தங் ஸந்தா⁴வந்தி ஸங்ஸரந்தி”தி. ஏதமத்த²ங் ப⁴க³வா அவோச. தத்தே²தங் இதி வுச்சதி -

“தண்ஹாது³தியோ புரிஸோ, தீ³க⁴மத்³தா⁴ன ஸங்ஸரங்; இத்த²பா⁴வஞ்ஞதா²பா⁴வங் [இத்த²ம்பா⁴வஞ்ஞதா²பா⁴வங் (ஸ்யா.)], ஸங்ஸாரங் நாதிவத்ததி.

“ஏதமாதீ³னவங் [ஏவமாதீ³னவங் (ஸீ. பீ. க.)] ஞத்வா, தண்ஹங் [தண்ஹா (ஸீ. க.)] து³க்க²ஸ்ஸ ஸம்ப⁴வங்; வீததண்ஹோ அனாதா³னோ, ஸதோ பி⁴க்கு² பரிப்³ப³ஜே”தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. பஞ்சமங்.

6. பட²மஸேக²ஸுத்தங்

16. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“ஸேக²ஸ்ஸ, பி⁴க்க²வே, பி⁴க்கு²னோ அப்பத்தமானஸஸ்ஸ அனுத்தரங் யோக³க்கே²மங் பத்த²யமானஸஸ்ஸ விஹரதோ அஜ்ஜ²த்திகங் அங்க³ந்தி கரித்வா நாஞ்ஞங் ஏகங்க³ம்பி ஸமனுபஸ்ஸாமி யங் ஏவங் ப³ஹுபகாரங் யத²யித³ங், பி⁴க்க²வே, யோனிஸோ மனஸிகாரோ. யோனிஸோ, பி⁴க்க²வே, பி⁴க்கு² மனஸி கரொந்தோ அகுஸலங் பஜஹதி , குஸலங் பா⁴வேதீ”தி . ஏதமத்த²ங் ப⁴க³வா அவோச. தத்தே²தங் இதி வுச்சதி -

“யோனிஸோ மனஸிகாரோ, த⁴ம்மோ ஸேக²ஸ்ஸ பி⁴க்கு²னோ; நத்த²ஞ்ஞோ ஏவங் ப³ஹுகாரோ, உத்தமத்த²ஸ்ஸ பத்தியா; யோனிஸோ பத³ஹங் பி⁴க்கு², க²யங் து³க்க²ஸ்ஸ பாபுணே”தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. ச²ட்ட²ங்.

7. து³தியஸேக²ஸுத்தங்

17. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“ஸேக²ஸ்ஸ, பி⁴க்க²வே, பி⁴க்கு²னோ அப்பத்தமானஸஸ்ஸ அனுத்தரங் யோக³க்கே²மங் பத்த²யமானஸஸ்ஸ விஹரதோ பா³ஹிரங் அங்க³ந்தி கரித்வா நாஞ்ஞங் ஏகங்க³ம்பி ஸமனுபஸ்ஸாமி யங் ஏவங் ப³ஹுபகாரங் யத²யித³ங்,

பி⁴க்க²வே, கல்யாணமித்ததா. கல்யாணமித்தோ, பி⁴க்க²வே, பி⁴க்கு²
அகுஸலங் பஜஹதி, குஸலங் பா⁴வேதீ”தி. ஏதமத்த²ங் ப⁴க³வா அவோச.
தத்தே²தங் இதி வுச்சதி -

“கல்யாணமித்தோ யோ பி⁴க்கு², ஸப்பதிஸ்ஸோ ஸகா³ரவோ;
கரங் மித்தானங் வசனங், ஸம்பஜானோ பதிஸ்ஸதோ;
பாபுணே அனுபுப்³பே³ன, ஸப்³ப³ஸங்யோஜனக்க²ய”ந்தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. ஸத்தமங்.

8. ஸங்க⁴பே⁴த³ஸுத்தங்

18. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“ஏகத⁴ம்மோ, பி⁴க்க²வே, லோகே உப்பஜ்ஜமானோ உப்பஜ்ஜதி
ப³ஹுஜனாஹிதாய ப³ஹுஜனாஸுகா²ய ப³ஹுனோ ஜனஸ்ஸ அனத்தா²ய
அஹிதாய து³க்கா²ய தே³வமனுஸ்ஸானங். கதமோ ஏகத⁴ம்மோ?
ஸங்க⁴பே⁴தோ³. ஸங்கே⁴ கோ² பன, பி⁴க்க²வே, பி⁴ன்னே அஞ்ஞமஞ்ஞங்
ப⁴ண்ட³னானி சேவ ஹொந்தி, அஞ்ஞமஞ்ஞங் பரிபா⁴ஸா ச ஹொந்தி ,
அஞ்ஞமஞ்ஞங் பரிக்கே²பா ச ஹொந்தி, அஞ்ஞமஞ்ஞங் பரிச்சஜனா ச ஹொந்தி.
தத்த² அப்பஸன்னா சேவ நப்பஸீத³ந்தி, பஸன்னானஞ்ச ஏகச்சானங்
அஞ்ஞத²த்தங் ஹொதீ”தி. ஏதமத்த²ங் ப⁴க³வா அவோச. தத்தே²தங் இதி வுச்சதி
-

“ஆபாயிகோ நேரயிகோ, கப்பட்டோ² ஸங்க⁴பே⁴த³கோ;
வக்³கா³ராமோ அத⁴ம்மட்டோ², யோக³க்கே²மா பத⁴ங்ஸதி
[யோக³க்கே²மதோ த⁴ங்ஸதி (ஸ்யா. பீ.), யோக³க்கே²மா விமங்ஸதி
(ஸீ. க.)];
ஸங்க⁴ங் ஸமக்³ங் பெ⁴த்வான [பி⁴த்வான (ஸீ. க.), பி⁴ந்தி³த்வா
(சூளவ. 354; அ. நி. 10.39)], கப்பங் நிரயம்ஹி பச்சதீ”தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. அட்ட²மங்.

9. ஸங்க⁴ஸாமக்³ஸுத்தங்

19. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“ஏகத⁴ம்மோ, பி⁴க்க²வே, லோகே உப்பஜ்ஜமானோ உப்பஜ்ஜதி
ப³ஹுஜனாஹிதாய ப³ஹுஜனாஸுகா²ய ப³ஹுனோ ஜனஸ்ஸ அத்தா²ய ஹிதாய
ஸுகா²ய தே³வமனுஸ்ஸானங். கதமோ ஏகத⁴ம்மோ ? ஸங்க⁴ஸாமக்³.
ஸங்கே⁴ கோ² பன, பி⁴க்க²வே, ஸமக்³கே³ ந சேவ அஞ்ஞமஞ்ஞங்

புண்டனானி ஹொந்தி, ந ச அஞ்ஞமஞ்ஞங் பரிபாஸா ஹொந்தி, ந ச அஞ்ஞமஞ்ஞங் பரிக்கேபா ஹொந்தி, ந ச அஞ்ஞமஞ்ஞங் பரிச்சஜனா ஹொந்தி. தத்த அப்பஸன்னா சேவ பஸீதந்தி, பஸன்னானஞ்ச பிய்யோபாவோ ஹொதீதி. ஏதமத்தங் பகவா அவோச. தத்தேதங் இதி வுச்சதி -

“ஸுகா ஸங்கஸஸ ஸாமக்கீ, ஸமக்கானஞ்சனுக்கஹோ;
ஸமக்கரதோ தம்மட்டோ, யோக்கேமா ந தங்ஸதி;
ஸங்கங் ஸமக்கங் கத்வான, கப்பங் ஸக்கம்ஹி மோததீதி.

அயம்பி அத்தோ வுத்தோ பகவதா, இதி மே ஸுதந்தி. நவமங்.

10. பதுட்டசித்தஸுத்தங்

20. வுத்தஞ்ஹேதங் பகவதா, வுத்தமரஹதாதி மே ஸுதங் -

“இதாஹங், பிக்கவே, ஏகச்சங் புக்கலங் பதுட்டசித்தங் ஏவங் சேதஸா சேதோ பரிச்ச பஜானாமி - ‘இமம்ஹி சாயங் ஸமயே புக்கலோ காலங்கரெய்ய யதாபுதங் நிக்கித்தோ ஏவங் நிரயே’. தங் கிஸ்ஸ ஹேது? சித்தங் ஹிஸ்ஸ, பிக்கவே, பதுட்டங். சேதோபதோஸஹேது கோ பன, பிக்கவே, ஏவமிதேகச்சே ஸத்தா காயஸ்ஸ பேதா பரங் மரணா அபாயங் துக்கதிங் வினிபாதங் நிரயங் உபபஜ்ஜந்தீதி. ஏதமத்தங் பகவா அவோச. தத்தேதங் இதி வுச்சதி -

“பதுட்டசித்தங் ஞத்வான, ஏகச்சங் இத புக்கலங்;
ஏதமத்தஞ்ச ப்யாகாஸி, புத்தோ பிக்கன ஸந்திகே.

“இமம்ஹி சாயங் ஸமயே, காலங் கயிராத புக்கலோ;
நிரயங் உபபஜ்ஜெய்ய, சித்தங் ஹிஸ்ஸ பதுஸிதங்.

“யதா ஹரித்வா நிக்கிபெய்ய, ஏவமேவ ததாவிதோ;
சேதோபதோஸஹேது ஹி, ஸத்தா கச்சந்தி துக்கதி”ந்தி.

அயம்பி அத்தோ வுத்தோ பகவதா, இதி மே ஸுதந்தி. தஸமங்.

துதியோ வக்கோ நிட்டிதோ.

தஸ்ஸுத்தானங் -

மோஹோ கோதோ அத மக்கோ, விஜ்ஜா தண்ஹா ஸேகதுவே ச;
பேதோ ஸாமக்கிபுக்கலோ [மோஹகோத அத மக்காதோ,
மூஹா காமஸெக்கதுவே; பேதஸாமக்கிபுக்கலோ ச (ஸீ. க.)
மோஹகோதா அத மக்கோ மோஹகாமா ஸெக்கா துவே;

பே⁴த³மோதா³ புக்³லோ ச (ஸ்யா. பீ.), வக்³மாஹு து³தியந்தி
வுச்சதீதி.

3. ததியவக்³கோ³

1. பஸன்னசித்தஸுத்தங்

21. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“இதா⁴ஹங், பி⁴க்²வே, ஏகச்சங் புக்³லங் பஸன்னசித்தங் ஏவங்
சேதஸா சேதோ பரிச்ச பஜானாமி - ‘இமம்ஹி சாயங் ஸமயே புக்³லோ
காலங் கரெய்ய யதா²ப⁴தங் நிக்கி²த்தோ ஏவங் ஸக்³கே’. தங் கிஸ்ஸ ஹேது?
சித்தங் ஹிஸ்ஸ, பி⁴க்²வே, பஸன்னங். சேதோபஸாத³ஹேது கோ² பன,
பி⁴க்²வே, ஏவமிதே⁴கச்சே ஸத்தா காயஸ்ஸ பே⁴தா³ பரங் மரணா
ஸுக³திங் ஸக்³ங் லோகங் உபபஜ்ஜந்தீ”தி. ஏதமத்த²ங் ப⁴க³வா அவோச.
தத்தே²தங் இதி வுச்சதி -

“பஸன்னசித்தங் ஞத்வான, ஏகச்சங் இத⁴ புக்³லங்;
ஏதமத்த²ஞ்ச ப்யாகாஸி, புத்³தோ⁴ பி⁴க்²ன ஸந்திகே.

“இமம்ஹி சாயங் ஸமயே, காலங் கயிராத² புக்³லோ;
ஸுக³திங் உபபஜ்ஜெய்ய, சித்தங் ஹிஸ்ஸ பஸாதி³தங்.

“யதா² ஹரித்வா நிக்கி²பெய்ய, ஏவமேவ ததா²விதோ⁴;
சேதோபஸாத³ஹேது ஹி, ஸத்தா கச்சந்தி ஸுக³தி”ந்தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. பட²மங்.

2. மெத்தஸுத்தங்

22. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“மா, பி⁴க்²வே, புஞ்ஞானங் பா⁴யித்த² . ஸுக²ஸ்ஸேதங், பி⁴க்²வே,
அதி⁴வசனங் இட்ட²ஸ்ஸ கந்தஸ்ஸ பியஸ்ஸ மனாபஸ்ஸ யதி³தங்
புஞ்ஞானி [புஞ்ஞானந்தி, (அ. நி. 7.62)]. அபி⁴ஜானாமி கோ² பனாஹங்,
பி⁴க்²வே, தீக்⁴ரத்தங் கதானங் புஞ்ஞானங் இட்ட²ங் கந்தங் பியங் மனாபங்
விபாகங் பச்சனுபு⁴தங். ஸத்த வஸ்ஸானி மெத்தசித்தங் பா⁴வெத்வா ஸத்த
ஸங்வட்டவிவட்டகப்பே நயிமங் லோகங் புனராக³மாஸிங். ஸங்வட்டமானே
ஸுதங், பி⁴க்²வே, கப்பே ஆப⁴ஸ்ஸரூபகோ³ ஹோமி; விவட்டமானே
கப்பே ஸுஞ்ஞங் ப்ரஹ்மவிமானங் உபபஜ்ஜாமி.

“தத்ர ஸுத³ங், பி⁴க்க²வே, ப்³ரஹ்மா ஹோமி மஹாப்³ரஹ்மா அபி⁴பூ⁴
அனபி⁴பூ⁴தோ அஞ்ஞத³த்து²த³ஸோ வஸவத்தீ. ச²த்திங்ஸக்க²த்துங் கோ²
பனாஹங், பி⁴க்க²வே, ஸக்கோ அஹோஸிங் தே³வானமிந்தோ³;
அனேகஸதக்க²த்துங் ராஜா அஹோஸிங் சக்கவத்தீ த⁴ம்மிகோ த⁴ம்மராஜா
சாதுரந்தோ விஜிதாவீ ஜனபத³த்தா²வரியப்பத்தோ ஸத்தரதனஸமன்னாக³தோ.
கோ பன வாதோ³ பதே³ஸரஜ்ஜஸ்ஸ!

“தஸ்ஸ மய்ஹங், பி⁴க்க²வே, ஏதத³ஹோஸி - ‘கிஸ்ஸ நு கோ² மே இத³ங்
கம்மஸ்ஸ ப²லங், கிஸ்ஸ கம்மஸ்ஸ விபாகோ, யேனாஹங் ஏதரஹி
ஏவங்மஹித³தி⁴கோ ஏவங்மஹானுபா⁴வோதி? தஸ்ஸ மய்ஹங், பி⁴க்க²வே,
ஏதத³ஹோஸி - ‘திண்ணங் கோ² மே இத³ங் கம்மானங் ப²லங், திண்ணங்
கம்மானங் விபாகோ, யேனாஹங் ஏதரஹி ஏவங்மஹித³தி⁴கோ
ஏவங்மஹானுபா⁴வோதி, ஸெய்யதி²த³ங் [ஸெய்யதீ²த³ங் (ஸீ. ஸ்யா. கங். பீ.)]
- தா³னஸ்ஸ, த³மஸ்ஸ, ஸஞ்ஞமஸ்ஸா”தி. ஏதமத்த²ங் ப⁴க³வா அவோச.
தத்தே²தங் இதி வுச்சதி -

“புஞ்ஞமேவ ஸோ ஸிக்கெ²ய்ய, ஆயதக்³க³ங் ஸுகு²த்³ரயங்;
தா³னஞ்ச ஸமசரியஞ்ச, மெத்தசித்தஞ்ச பா⁴வயே.

“ஏதே த⁴ம்மே பா⁴வயித்வா, தயோ ஸுக²ஸமுத்³த³யே
[ஸுக²ஸமுத்³ரயே (ஸீ. அட்ட².)];

அப்யாபஜ்ஜ²ங் [அப்யாபஜ்ஜங் (ஸ்யா. க.), அப்யாபஜ்ஜ²ங் (?)] ஸுக²ங்
லோகங், பண்டி³தோ உபபஜ்ஜதீ”தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. து³தியங்.

3. உப⁴யத்த²ஸுத்தங்

23. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“ஏகத⁴ம்மோ , பி⁴க்க²வே, பா⁴விதோ ப³ஹுலீகதோ உபோ⁴ அத்தே²
ஸமதி⁴க³ய்ஹ திட்ட²தி - தி³ட்ட²த⁴ம்மிகஞ்சேவ அத்த²ங் ஸம்பராயிகஞ்ச.
கதமோ ஏகத⁴ம்மோ? அப்பமாதோ³ குஸலேஸு த⁴ம்மேஸு. அயங் கோ²,
பி⁴க்க²வே, ஏகத⁴ம்மோ பா⁴விதோ ப³ஹுலீகதோ உபோ⁴ அத்தே²
ஸமதி⁴க³ய்ஹ திட்ட²தி - தி³ட்ட²த⁴ம்மிகஞ்சேவ அத்த²ங் ஸம்பராயிகஞ்சா”தி.
ஏதமத்த²ங் ப⁴க³வா அவோச. தத்தே²தங் இதி வுச்சதி -

“அப்பமாத³ங் பஸங்ஸந்தி, புஞ்ஞகிரியாஸு பண்டி³தா;
அப்பமத்தோ உபோ⁴ அத்தே², அதி⁴க³ண்ஹாதி பண்டி³தோ.

“தி³ட்டே² த⁴ம்மே ச யோ அத்தோ², யோ சத்தோ² ஸம்பராயிகோ;

அத்தா²பி⁴ஸமயா தீ⁴ரோ, பண்டி³தோதி பவுச்சதீ²தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. ததியங்.

4. அட்டி²புஞ்ஜஸுத்தங்

24. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“ஏகபுக்³லஸ்ஸ, பி⁴க்க²வே, கப்பங் ஸந்தா⁴வதோ ஸங்ஸரதோ ஸியா ஏவங் மஹா அட்டி²கங்கலோ அட்டி²புஞ்ஜோ அட்டி²ராஸி யதா²யங் வேபுல்லோ பப்³புதோஃ. ஸசே ஸங்ஹாரகோ அஸ்ஸ, ஸம்ப⁴தஞ்ச ந வினஸ்ஸெய்யா”தி. ஏதமத்த²ங் ப⁴க³வா அவோச. தத்தே²தங் இதி வுச்சதி -

“ஏகஸ்ஸேகேன கப்பேன, புக்³லஸ்ஸட்டி²ஸஞ்சயோ;
ஸியா பப்³புதஸமோ ராஸி, இதி வுத்தங் மஹேஸினா.

“ஸோ கோ² பனாயங் அக்கா²தோ, வேபுல்லோ பப்³புதோ மஹா;
உத்தரோ கி³ஜ்ஜ²கூடஸ்ஸ, மக³தா⁴னங் கிரிப்³புஜே.

“யதோ ச அரியஸச்சானி, ஸம்மப்பஞ்ஞாய பஸ்ஸதி;
து³க்க²ங் து³க்க²ஸமுப்பாத³ங், து³க்க²ஸ்ஸ ச அதிகமங்;
அரியஞ்சட்ட²ங்கிகங் மக்³ங், து³க்க²பஸமகா³மினங்.

“ஸ ஸத்தக்க²த்துங் பரமங், ஸந்தா⁴வித்வான புக்³லோ;
து³க்க²ஸ்ஸந்தகரோ ஹோதி, ஸப்³புஸங்யோஜனக்க²யா”தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. சதுத்த²ங்.

5. முஸாவாத³ஸுத்தங்

25. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“ஏகத⁴ம்மங் அதீதஸ்ஸ, பி⁴க்க²வே, புரிஸபுக்³லஸ்ஸ நாஹங் தஸ்ஸ கிஞ்சி பாபகம்மங் அகரணியந்தி வதா³மி. கதமங் ஏகத⁴ம்மங்? யதி³த³ங் [யத²யித³ங் (ஸீ. ஸ்யா. க.), யதா²யித³ங் (பீ.)] பி⁴க்க²வே, ஸம்பஜானமுஸாவாதோ³”தி. ஏதமத்த²ங் ப⁴க³வா அவோச. தத்தே²தங் இதி வுச்சதி -

“ஏகத⁴ம்மங் அதீதஸ்ஸ, முஸாவாதி³ஸ்ஸ ஜந்துனோ;
விதிண்ணபரலோகஸ்ஸ, நத்தி² பாபங் அகாரிய”ந்தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. பஞ்சமங்.

6. தா³னஸுத்தங்

26. வுத்தஞ்ஹேதங் ப்⁴க³வதா, வுத்தமரஹதாதி மே ஸுதங் -

“ஏவஞ்சே, பி்⁴க்க²வே, ஸத்தா ஜானெய்யுங் தா³னஸங்விபா்⁴க³ஸ்ஸ விபாகங் யதா²ஹங் ஜானாமி, ந அத³த்வா பு்⁴ஞ்ஜெய்யுங், ந ச நேஸங் மச்சே²ரமலங் சித்தங் பரியாதா³ய திட்டெ²ய்ய. யோபி நேஸங் அஸ்ஸ சரிமோ ஆலோபோ சரிமங் கப³ளங், ததோபி ந அஸங்விபா்⁴ஜித்வா பு்⁴ஞ்ஜெய்யுங், ஸசே நேஸங் படிக்க³ஹகா அஸ்ஸ. யஸ்மா ச கோ², பி்⁴க்க²வே, ஸத்தா ந ஏவங் ஜானந்தி தா³னஸங்விபா்⁴க³ஸ்ஸ விபாகங் யதா²ஹங் ஜானாமி, தஸ்மா அத³த்வா பு்⁴ஞ்ஜந்தி, மச்சே²ரமலஞ்ச நேஸங் சித்தங் பரியாதா³ய திட்ட²தீ”தி. ஏதமத்த²ங் ப்⁴க³வா அவோச. தத்தே²தங் இதி வுச்சதி -

“ஏவங் சே ஸத்தா ஜானெய்யுங், யதா²வுத்தங் மஹேஸினா;
விபாகங் ஸங்விபா்⁴க³ஸ்ஸ, யதா² ஹோதி மஹப்ப²லங்.

“வினெய்ய மச்சே²ரமலங், விப்பஸன்னேன சேதஸா;
த³ஜ்ஜங் காலேன அரியேஸு, யத்த² தி³ன்னங் மஹப்ப²லங்.

“அன்னஞ்ச த³த்வா [த³த்வான (ஸ்யா.)] ப³ஹுனோ, த³க்கி²ணெய்யேஸு
த³க்கி²ணங்;
இதோ சுதா மனுஸ்ஸத்தா, ஸக்க³க³ங் க³ச்ச²ந்தி தா³யகா.

“தே ச ஸக்க³க³தா [ஸக்க³க³ங் க³தா (ஸீ. பீ. க.)] தத்த², மோத³ந்தி
காமகாமினோ;
விபாகங் ஸங்விபா்⁴க³ஸ்ஸ, அனுபொ்⁴ந்தி அமச்ச²ரா”தி.

அயம்பி அத்தோ² வுத்தோ ப்⁴க³வதா, இதி மே ஸுதந்தி. ச²ட்ட²ங்.

7. மெத்தாபா்⁴வனாஸுத்தங்

27. வுத்தஞ்ஹேதங் ப்⁴க³வதா, வுத்தமரஹதாதி மே ஸுதங் -

“யானி கானிசி, பி்⁴க்க²வே, ஓபதி்⁴கானி புஞ்ஞுகிரியவத்தூ²னி ஸப்³பா³னி
தானி மெத்தாய சேதோவிமுத்தியா கலங் நாக்க³்⁴ந்தி ஸோளஸிங்.
மெத்தாயேவ தானி சேதோவிமுத்தி அதி்⁴க³க³ஹேத்வா பா்⁴ஸதே ச தபதே ச
விரோசதி ச.

“ஸெய்யதா²பி, பி்⁴க்க²வே, யா காசி தாரகருபானங் பபா்⁴ ஸப்³பா³ தா
சந்தி³யா பபா்⁴ய கலங் நாக்க³்⁴ந்தி ஸோளஸிங், சந்த³பபா்⁴யேவ தா
அதி்⁴க³க³ஹேத்வா பா்⁴ஸதே ச தபதே ச விரோசதி ச; ஏவமேவ கோ²,

பி⁴க்க²வே, யானி கானிசி ஓபதி⁴கானி புஞ்ஞுகிரியவத்தூ²னி ஸப்³பா³னி தானி மெத்தாய சேதோவிமுத்தியா கலங் நாக்³க⁴ந்தி ஸோளஸிங், மெத்தாயேவ தானி சேதோவிமுத்தி அதி⁴க்³க³ஹெத்வா பா⁴ஸதே ச தபதே ச விரோசதி ச.

“ஸெய்யதா²பி, பி⁴க்க²வே, வஸ்ஸானங் பச்சி²மே மாஸே ஸரத³ஸமயே வித்³தே⁴ விக³தவலாஹகே தே³வே [நபே⁴ (ஸீ.)] ஆதி³ச்சோ நப⁴ங் அப்³பு⁴ஸ்ஸக்கமானோ [அப்³பு⁴க்³மமானோ (க. அட்ட².)] ஸப்³பா³ங் ஆகாஸக³தங் [ஆகாஸங் (ஸ்யா.)] தமக³தங் அபி⁴விஹச்ச [அபி⁴ஹச்ச (ஸ்யா.)] பா⁴ஸதே ச தபதே ச விரோசதி ச; ஏவமேவ கோ², பி⁴க்க²வே, யானி கானிசி ஓபதி⁴கானி புஞ்ஞுகிரியவத்தூ²னி ஸப்³பா³னி தானி மெத்தாய சேதோவிமுத்தியா கலங் நாக்³க⁴ந்தி ஸோளஸிங், மெத்தாயேவ தானி சேதோவிமுத்தி அதி⁴க்³க³ஹெத்வா பா⁴ஸதே ச தபதே ச விரோசதி ச.

“ஸெய்யதா²பி , பி⁴க்க²வே, ரத்தியா பச்சுஸஸமயங் ஓஸதி⁴தாரகா பா⁴ஸதே ச தபதே ச விரோசதி ச; ஏவமேவ கோ², பி⁴க்க²வே, யானி கானிசி ஓபதி⁴கானி புஞ்ஞுகிரியவத்தூ²னி ஸப்³பா³னி தானி மெத்தாய சேதோவிமுத்தியா கலங் நாக்³க⁴ந்தி ஸோளஸிங் , மெத்தாயேவ தானி சேதோவிமுத்தி அதி⁴க்³க³ஹெத்வா பா⁴ஸதே ச தபதே ச விரோசதி சா”தி. ஏதமத்த²ங் ப⁴க³வா அவோச. தத்தே²தங் இதி வச்சதி -

“யோ ச மெத்தங் பா⁴வயதி, அப்பமாணங் படிஸ்ஸதோ; தனா [தனு (ஸீ.)] ஸங்யோஜனா ஹாந்தி, பஸ்ஸதோ உபதி⁴க்க²யங்.

“ஏகம்பி சே பாணமது³ட்ட²சித்தோ, மெத்தாயதி குஸலோ தேன ஹோதி; ஸப்³பே³ ச பாணே மனஸானுகம்பங், பஹுதமரியோ பகரோதி புஞ்ஞங்.

“யே [யோ (ஸீ.)] ஸத்தஸண்ட³ங் பத²விங் விஜித்வா, ராஜிஸயோ [ராஜீஸயோ (ஸீ.)] யஜமானானுபரியகா³; அஸ்ஸமேத⁴ங் புரிஸமேத⁴ங், ஸம்மாபாஸங் வாஜபெய்யங் நிரக்³களங்.

“மெத்தஸ்ஸ சித்தஸ்ஸ ஸுபா⁴விதஸ்ஸ, கலம்பி தே நானுப⁴வந்தி ஸோளஸிங்; சந்த³ப்பபா⁴ தாரக³ணாவ ஸப்³பே³.

“யோ ந ஹந்தி ந கா⁴தேதி, ந ஜினாதி ந ஜாபயே; மெத்தங்ஸோ ஸப்³பு⁴தேஸு, வேரங் தஸ்ஸ ந கேனசீ”தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. ஸத்தமங்.

ததியோ வக்³கோ³ நி²டி²தோ.

தஸ்ஸுத்³தா³னங் -

சித்தங் மெத்தங் [ஜா²யீ (ஸீ. ஸ்யா.), ஜா²யி (பீ. க.)] உபோ⁴ அத்தே²,
புஞ்ஜங் வேபுல்லபப்³ப³தங்;
ஸம்பஜானமுஸாவாதோ³, தா³னஞ்ச மெத்தபா⁴வனா [மெத்தபா⁴வஞ்ச
(ஸீ. ஸ்யா. பீ.), மெத்தவாசஞ்ச (க.)].

ஸத்திமானி ச [ஸத்திமானித⁴ (ஸீ. க.)] ஸுத்தானி, புரிமானி ச வீஸதி;
ஏகத⁴ம்மேஸு ஸுத்தந்தா, ஸத்தவீஸதிஸங்க³ஹாதி.

ஏககனிபாதோ நி²டி²தோ.

2. து³கனிபாதோ

1. பட²மவக்³கோ³

1. து³க்க²விஹாரஸுத்தங்

28. (த்³வீஹி த்⁴ம்மே அனுக்கடி) [() ஸ்யாமபொத்த²கே நத்தி²] வுத்தஞ்ஹேதங் ப்⁴க³வதா, வுத்தமரஹதாதி மே ஸுதங் -

“த்³வீஹி, பி்⁴க்க²வே, த்⁴ம்மேஹி ஸமன்னாக³தோ பி்⁴க்கு² தி³ட்டே²வ த்⁴ம்மே து³க்க²ங் விஹரதி ஸவிகா⁴தங் ஸஉபாயாஸங் ஸபரிளாஹங்; காயஸ்ஸ பே⁴தா³ பரங் மரணா து³க்க³தி பாடிகங்கா². கதமேஹி த்³வீஹி? இந்த்³ரியேஸு அகு³த்தத்³வாரதாய [அகு³த்தத்³வாரோ (அட்ட²:)] ச, போ⁴ஜனே அமத்தஞ்ஞதாய [அமத்தஞ்ஞா (அட்ட²:)] ச. இமேஹி கோ², பி்⁴க்க²வே, த்³வீஹி த்⁴ம்மேஹி ஸமன்னாக³தோ பி்⁴க்கு² தி³ட்டே²வ த்⁴ம்மே து³க்க²ங் விஹரதி ஸவிதா⁴தங் ஸஉபாயாஸங் ஸபரிளாஹங்; காயஸ்ஸ பே⁴தா³ பரங் மரணா து³க்க³தி பாடிகங்கா²”தி. ஏதமத்த²ங் ப்⁴க³வா அவோச. தத்தே²தங் இதி வுச்சதி -

“சக்கு² ஸோதஞ்ச கா⁴னஞ்ச, ஜிவ்ஹா காயோ ததா² மனோ; ஏதானி யஸ்ஸ த்³வாரானி, அகு³த்தானித்⁴ [அகு³த்தானி ச (ஸ்யா:)] பி்⁴க்கு²னோ.

“போ⁴ஜனம்ஹி அமத்தஞ்ஞா, இந்த்³ரியேஸு அஸங்வுதோ; காயது³க்க²ங் சேதோது³க்க²ங், து³க்க²ங் ஸோ அதி⁴க³ச்ச²தி.

“ட³ய்ஹமானேன காயேன, ட³ய்ஹமானேன சேதஸா; தி³வா வா யதி³ வா ரத்திங், து³க்க²ங் விஹரதி தாதி³ஸோ”தி.

அயம்பி அத்தோ² வுத்தோ ப்⁴க³வதா, இதி மே ஸுதந்தி. பட²மங்.

2. ஸுக²விஹாரஸுத்தங்

29. வுத்தஞ்ஹேதங் ப்⁴க³வதா, வுத்தமரஹதாதி மே ஸுதங் -

“த்³வீஹி, பி்⁴க்க²வே, த்⁴ம்மேஹி ஸமன்னாக³தோ பி்⁴க்கு² தி³ட்டே²வ த்⁴ம்மே ஸுக²ங் விஹரதி அவிகா⁴தங் அனுபாயாஸங் அபரிளாஹங்; காயஸ்ஸ பே⁴தா³ பரங் மரணா ஸுக³தி பாடிகங்கா². கதமேஹி த்³வீஹி? இந்த்³ரியேஸு கு³த்தத்³வாரதாய ச, போ⁴ஜனே மத்தஞ்ஞதாய ச. இமேஹி கோ², பி்⁴க்க²வே, த்³வீஹி த்⁴ம்மேஹி ஸமன்னாக³தோ பி்⁴க்கு² தி³ட்டே²வ த்⁴ம்மே ஸுக²ங் விஹரதி அவிகா⁴தங் அனுபாயாஸங் அபரிளாஹங்;

காயஸ்ஸ பே⁴தா³ பரங் மரணா ஸுக³தி பாடிகங்கா²”தி. ஏதமத்த²ங் ப⁴க³வா அவோச. தத்தே²தங் இதி வுச்சதி -

“சக்கு² ஸோதஞ்ச கா⁴னஞ்ச, ஜிவ்ஹா காயோ ததா² [அதோ² (ஸீ. ஸ்யா. க.)] மனோ;
ஏதானி யஸ்ஸ த்³வாரானி, ஸுகு³த்தானித⁴ பி⁴க்கு²னோ.

“போ⁴ஜனம்ஹி ச மத்தஞ்ஞா, இந்த்³ரியேஸு ச ஸங்வுதோ;
காயஸுக²ங் சேதோஸுக²ங், ஸுக²ங் ஸோ அதி⁴க³ச்ச²தி.

“அட³ய்ஹமானேன காயேன, அட³ய்ஹமானேன சேதஸா;
தி³வா வா யதி³ வா ரத்திங், ஸுக²ங் விஹரதி தாதி³ஸோ”தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. து³தியங்.

3. தபனீயஸுத்தங்

30. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“த்³வேமே, பி⁴க்க²வே, த⁴ம்மா தபனீயா. கதமே த்³வே? இத⁴, பி⁴க்க²வே, ஏகச்சோ அகதகல்யாணோ ஹோதி, அகதகுஸலோ, அகதபீ⁴ருத்தாணோ, கதபாபோ, கதலுத்³தோ³, கதகிப்³பி³ஸோ. ஸோ ‘அகதங் மே கல்யாண’ந்திபி தப்பதி, ‘கதங் மே பாப’ந்திபி தப்பதி. இமே கோ², பி⁴க்க²வே, த்³வே த⁴ம்மா தபனீயா”தி. ஏதமத்த²ங் ப⁴க³வா அவோச. தத்தே²தங் இதி வுச்சதி -

“காயது³ச்சரிதங் கத்வா, வசீது³ச்சரிதானி ச;
மனோது³ச்சரிதங் கத்வா, யஞ்சஞ்ஞங் தோ³ஸஸஞ்ஹிதங்.

“அகத்வா குஸலங் கம்மங், கத்வானாகுஸலங் ப³ஹுங்;
காயஸ்ஸ பே⁴தா³ து³ப்பஞ்ஞோ, நிரயங் ஸோபபஜ்ஜீ”தி [நிரயங் ஸோ உபபஜ்ஜீதி (ஸீ. ஸ்யா. கங். பீ.)].

அயம்பி அத்தோ² வுத்தோ ப⁴க³வதா, இதி மே ஸுதந்தி. ததியங்.

4. அதபனீயஸுத்தங்

31. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“த்³வேமே, பி⁴க்க²வே, த⁴ம்மா அதபனீயா. கதமே த்³வே? இத⁴, பி⁴க்க²வே, ஏகச்சோ கதகல்யாணோ ஹோதி, கதகுஸலோ, கதபீ⁴ருத்தாணோ, அகதபாபோ, அகதலுத்³தோ³, அகதகிப்³பி³ஸோ. ஸோ ‘கதங் மே கல்யாண’ந்திபி

ந தப்பதி, 'அகதங் மே பாப'ந்திபி ந தப்பதி. இமே கோ², பி⁴க்க²வே, த்³வே த⁴ம்மா அதபனியா"தி. ஏதமத்த²ங் ப⁴க³வா அவோச. தத்தே²தங் இதி வுச்சதி -

“காயது³ச்சரிதங் ஹித்வா, வசீது³ச்சரிதானி ச;
மனோது³ச்சரிதங் ஹித்வா, யஞ்சஞ்ஞங் தோ³ஸஸஞ்ஹிதங்.

“அகத்வாகுஸலங் கம்மங், கத்வான குஸலங் ப³ஹுங்;
காயஸ்ஸ பே⁴தா³ ஸப்பஞ்ஞோ, ஸக்³க³ங் ஸோ உபபஜ்ஜதீ”தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. சதுத்த²ங்.

5. பட²மஸீலஸுத்தங்

32. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“த்³வீஹி, பி⁴க்க²வே, த⁴ம்மேஹி ஸமன்னாக³தோ புக்³க³லோ யதா²ப⁴தங் நிக்கி²த்தோ ஏவங் நிரயே. கதமேஹி த்³வீஹி? பாபகேன ச ஸீலேன, பாபிகாய ச தி³ட்டி²யா. இமேஹி கோ², பி⁴க்க²வே, த்³வீஹி த⁴ம்மேஹி ஸமன்னாக³தோ புக்³க³லோ யதா²ப⁴தங் நிக்கி²த்தோ ஏவங் நிரயே”தி. ஏதமத்த²ங் ப⁴க³வா அவோச. தத்தே²தங் இதி வுச்சதி -

“பாபகேன ச ஸீலேன, பாபிகாய ச தி³ட்டி²யா;
ஏதேஹி த்³வீஹி த⁴ம்மேஹி, யோ ஸமன்னாக³தோ நரோ;
காயஸ்ஸ பே⁴தா³ து³ப்பஞ்ஞோ, நிரயங் ஸோபபஜ்ஜதீ”தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. பஞ்சமங்.

6. து³தியஸீலஸுத்தங்

33. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“த்³வீஹி, பி⁴க்க²வே, த⁴ம்மேஹி ஸமன்னாக³தோ புக்³க³லோ யதா²ப⁴தங் நிக்கி²த்தோ ஏவங் ஸக்³கே³. கதமேஹி த்³வீஹி ? ப⁴த்³த³கேன ச ஸீலேன, ப⁴த்³தி³காய ச தி³ட்டி²யா. இமேஹி கோ², பி⁴க்க²வே, த்³வீஹி த⁴ம்மேஹி ஸமன்னாக³தோ புக்³க³லோ யதா²ப⁴தங் நிக்கி²த்தோ ஏவங் ஸக்³கே³”தி. ஏதமத்த²ங் ப⁴க³வா அவோச. தத்தே²தங் இதி வுச்சதி -

“ப⁴த்³த³கேன ச ஸீலேன, ப⁴த்³தி³காய ச தி³ட்டி²யா;
ஏதேஹி த்³வீஹி த⁴ம்மேஹி, யோ ஸமன்னாக³தோ நரோ;
காயஸ்ஸ பே⁴தா³ ஸப்பஞ்ஞோ, ஸக்³க³ங் ஸோ உபபஜ்ஜதீ”தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. ச²ட்ட²ங்.

7. ஆதாபீஸுத்தங்

34. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“அனாதாபீ, பி⁴க்க²வே, பி⁴க்கு² அனொத்தாபீ [அனொத்தப்பீ (ப³ஹுஸு) அட்ட²கதா² பஸ்ஸிதப்பா³] அப⁴ப்போ³ ஸம்போ³தா⁴ய, அப⁴ப்போ³ நிப்பா³னாய, அப⁴ப்போ³ அனுத்தரஸ்ஸ யோக³க்கே²மஸ்ஸ அதி⁴க³மாய. ஆதாபீ ச கோ², பி⁴க்க²வே, பி⁴க்கு² ஒத்தாபீ [ஒத்தப்பீ (ப³ஹுஸு)] ப⁴ப்போ³ ஸம்போ³தா⁴ய, ப⁴ப்போ³ நிப்பா³னாய, ப⁴ப்போ³ அனுத்தரஸ்ஸ யோக³க்கே²மஸ்ஸ அதி⁴க³மாயா”தி. ஏதமத்த²ங் ப⁴க³வா அவோச . தத்தே²தங் இதி வுச்சதி -

“அனாதாபீ அனொத்தாபீ, குஸீதோ ஹீனவீரியோ;
யோ தீ²னமித்த³த⁴ப³ஹுலோ, அஹிரீகோ அனாத³ரோ;
அப⁴ப்போ³ தாதி³ஸோ பி⁴க்கு², புட்ட²ங் ஸம்போ³தி⁴முத்தமங்.

“யோ ச ஸதிமா நிபகோ ஜா²யீ, ஆதாபீ ஒத்தாபீ ச அப்பமத்தோ;
ஸங்யோஜனங் ஜாதிஜராய செ²த்வா, இதே⁴வ ஸம்போ³தி⁴மனுத்தரங் பு²ஸே”தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. ஸத்தமங்.

8. பட²மனகுஹனஸுத்தங்

35. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“நயித³ங், பி⁴க்க²வே, ப்³ரஹ்மசரியங் வுஸ்ஸதி ஜனகுஹனத்த²ங், ந ஜனலபனத்த²ங், ந லாப⁴ஸக்காரஸிலோகானிஸங்ஸத்த²ங், ந ‘இதி மங் ஜனோ ஜானாதா”தி. அத² கோ² இத³ங், பி⁴க்க²வே , ப்³ரஹ்மசரியங் வுஸ்ஸதி ஸங்வரத்த²ஞ்சேவ பஹானத்த²ஞ்சா”தி. ஏதமத்த²ங் ப⁴க³வா அவோச. தத்தே²தங் இதி வுச்சதி -

“ஸங்வரத்த²ங் பஹானத்த²ங், ப்³ரஹ்மசரியங் அனீதிஹங்;
அதே³ஸயி ஸோ ப⁴க³வா, நிப்பா³னோக³த⁴கா³மினங்.

“ஏஸ மக்³கோ³ மஹத்தேஹி [மஹந்தேஹி (ஸீ. க.), மஹத்தே²ஹி (ஸ்யா.)], அனுயாதோ மஹேஸிபி⁴ [மஹேஸினோ (ஸீ. க.);
யே யே தங் படிபஜ்ஜந்தி, யதா² பு³த்தே⁴ன தே³ஸிதங்;
து³க்க²ஸ்ஸந்தங் கரிஸ்ஸந்தி, ஸத்து²ஸாஸனகாரினோ”தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. அட்ட²மங்.

9. து³தியனகுஹனஸுத்தங்

36. வுத்தஞ்ஹேதங் ப்⁴க³வதா, வுத்தமரஹதாதி மே ஸுதங் -

“நயித³ங், பி்⁴க்க²வே, ப்³ரஹ்மசரியங் வுஸ்ஸதி ஜனகுஹனத்த²ங், ந ஜனலபனத்த²ங், ந லாப்⁴ஸக்காரஸிலோகானிஸங்ஸத்த²ங், ந ‘இதி மங் ஜனோ ஜானாதா’தி. அத² கோ² இத³ங், பி்⁴க்க²வே, ப்³ரஹ்மசரியங் வுஸ்ஸதி அபி்⁴ஞ்ஞத்த²ஞ்சேவ பரிஞ்ஞத்த²ஞ்சா’தி. ஏதமத்த²ங் ப்⁴க³வா அவோச. தத்தே²தங் இதி வுச்சதி -

“அபி்⁴ஞ்ஞத்த²ங் பரிஞ்ஞத்த²ங், ப்³ரஹ்மசரியங் அனீதிஹங்;
அதே³ஸயி ஸோ ப்⁴க³வா, நிப்³பா³னோக³த்⁴கா³மினங்.

“ஏஸ மக்³கோ³ மஹத்தேஹி, அனுயாதோ மஹேஸிபி்⁴;
யே யே தங் படிபஜ்ஜந்தி, யதா² பு³த்³தே⁴ன தே³ஸிதங்;
து³க்க²ஸ்ஸந்தங் கரிஸ்ஸந்தி, ஸத்து²ஸாஸனகாரினோ’தி.

அயம்பி அத்தோ² வுத்தோ ப்⁴க³வதா, இதி மே ஸுதந்தி. நவமங்.

10. ஸோமனஸ்ஸஸுத்தங்

37. வுத்தஞ்ஹேதங் ப்⁴க³வதா, வுத்தமரஹதாதி மே ஸுதங் -

“த்³வீஹி, பி்⁴க்க²வே, த்⁴ம்மேஹி ஸமன்னாக³தோ பி்⁴க்கு² தி³ட்டே²வ த்⁴ம்மே ஸுக²ஸோமனஸ்ஸப³ஹுலோ விஹரதி, யோனி சஸ்ஸ [யோனிஸோ (ஸீ. ஸ்யா. பீ.), யோனிஸ்ஸ (க.)] ஆரத்த³தா்⁴ ஹோதி ஆஸவானங் க²யாய. கதமேஹி த்³வீஹி? ஸங்வேஜனீயேஸு டா²னேஸு ஸங்வேஜனேன, ஸங்விக்க³க³ஸ்ஸ ச யோனிஸோ பதா்⁴னேன. இமேஹி கோ², பி்⁴க்க²வே, த்³வீஹி த்⁴ம்மேஹி ஸமன்னாக³தோ பி்⁴க்கு² தி³ட்டே²வ த்⁴ம்மே ஸுக²ஸோமனஸ்ஸப³ஹுலோ விஹரதி, யோனி சஸ்ஸ ஆரத்த³தா்⁴ ஹோதி ஆஸவானங் க²யாயா’தி. ஏதமத்த²ங் ப்⁴க³வா அவோச. தத்தே²தங் இதி வுச்சதி -

“ஸங்வேஜனீயட்டா²னேஸு [ஸங்வேஜனீயேஸு டா²னேஸு (ஸ்யா. பீ.)],
ஸங்விஜ்ஜேதே²வ பண்டி³தோ;
ஆதாபீ நிபகோ பி்⁴க்கு², பஞ்ஞாய ஸமவெக்கி²ய.

“ஏவங் விஹாரீ ஆதாபீ, ஸந்தவுத்தி அனுத்³த்⁴தோ;
சேதோஸமத²மனுயுத்தோ, க²யங் து³க்க²ஸ்ஸ பாபுணே’தி.

அயம்பி அத்தோ² வுத்தோ ப்⁴க³வதா, இதி மே ஸுதந்தி. த³ஸமங்.

தஸ்ஸுத்³தா³னங் -

த்³வே ச பி⁴க்க²வே தபனீயா, தபனீயா பரத்தே²ஹி;
ஆதாபீ [த்³வே பாதா³ (க.), த்³வே ஆதாபீ (ஸீ.)] நகுஹனா த்³வே ந
குஹனா ச (ஸப்³புத்த²)], ஸோமனஸ்ஸேன தே த்³ஸாதி.

2. து³தியவக்³கோ³

1. விதக்கஸுத்தங்

38. வுத்தஞ்²ஹேதங் ப⁴க³வதா, வுத்தமரஹதாதி மே ஸுதங் -

“ததா²க³தங், பி⁴க்க²வே, அரஹந்தங் ஸம்மாஸம்புத்³த⁴ங் த்³வே விதக்கா
ப³ஹுலங் ஸமுதா³சரந்தி - கே²மோ ச விதக்கோ, பவிவேகோ ச [விவேகோ ச
(ஸ்யா.)]. அப்யாபஜ்ஜா²ராமோ [அப்யாபஜ்ஜா²ராமோ (க.), அப்யாபஜ்ஜா²ராமோ
(?)], பி⁴க்க²வே, ததா²க³தோ அப்யாபஜ்ஜ²ரதோ. தமேனங், பி⁴க்க²வே,
ததா²க³தங் அப்யாபஜ்ஜா²ராமங் அப்யாபஜ்ஜ²ரதங் ஏஸேவ விதக்கோ ப³ஹுலங்
ஸமுதா³சரதி - ‘இமாயாஹங் இரியாய ந கிஞ்சி ப்யாபா³தே⁴மி தஸங் வா
தா²வரங் வா’தி.

“பவிவேகாராமோ , பி⁴க்க²வே, ததா²க³தோ பவிவேகரதோ. தமேனங்,
பி⁴க்க²வே, ததா²க³தங் பவிவேகாராமங் பவிவேகரதங் ஏஸேவ விதக்கோ
ப³ஹுலங் ஸமுதா³சரதி - ‘யங் அகுஸலங் தங் பஹீன’ந்தி.

“தஸ்மாதிஹ, பி⁴க்க²வே, தும்ஹேபி அப்யாபஜ்ஜா²ராமா விஹரத²
அப்யாபஜ்ஜ²ரதா. தேஸங் வோ, பி⁴க்க²வே, தும்ஹாகங்
அப்யாபஜ்ஜா²ராமானங் விஹரதங் அப்யாபஜ்ஜ²ரதானங் ஏஸேவ விதக்கோ
ப³ஹுலங் ஸமுதா³சரிஸ்ஸதி - ‘இமாய மயங் இரியாய ந கிஞ்சி
ப்யாபா³தே⁴ம தஸங் வா தா²வரங் வா’தி.

“பவிவேகாராமா, பி⁴க்க²வே, விஹரத² பவிவேகரதா. தேஸங் வோ,
பி⁴க்க²வே, தும்ஹாகங் பவிவேகாராமானங் விஹரதங் பவிவேகரதானங்
ஏஸேவ விதக்கோ ப³ஹுலங் ஸமுதா³சரிஸ்ஸதி - ‘கிங் அகுஸலங், கிங்
அப்பஹீனங், கிங் பஜஹாமா”’தி. ஏதமத்த²ங் ப⁴க³வா அவோச. தத்தே²தங் இதி
வுச்சதி -

“ததா²க³தங் புத்³த⁴மஸ்ய்ஹஸாஹினங், து³வே விதக்கா
ஸமுதா³சரந்தி நங்;

கே²மோ விதக்கோ பட²மோ உதீ³ரிதோ, ததோ விவேகோ து³தியோ
பகாஸிதோ.

“தமோனுத³ங் பாரக³தங் மஹேஸிங், தங் பத்திபத்தங் வஸிமங்
அனாஸவங்;

விஸந்தரங் [வேஸந்தரங் (ஸீ. க.), விஸ்ஸந்தரங் (பீ.)] தண்ஹக்க²யே
விமுத்தங், தங் வே முனிங் அந்திமதே³ஹதா⁴ரிங்;
மாரஞ்ஜஹங் [மாரஜஹங் (ஸ்யா.), மானஜஹங் (ஸீ. க.), மானங்
ஜஹங் (பீ.)] ப்³ருமி ஜராய பாரகு³ங்.

“ஸேலே யதா² பப்³ப³தமுத்³த⁴னிட்டி²தோ, யதா²பி பஸ்ஸே ஜனதங்
ஸமந்ததோ;
ததூ²பமங் த⁴ம்மமயங் ஸுமேதோ⁴, பாஸாத³மாருய்ஹ ஸமந்தசக்கு²;
ஸோகாவதிண்ணங் ஜனதமபேதஸோகோ, அவெக்க²தி
ஜாதிஜராபி⁴பூ⁴த⁴”ந்தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. பட²மங்.

2. தே³ஸனாஸுத்தங்

39. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“ததா²க³தஸ்ஸ, பி⁴க்க²வே, அரஹதோ ஸம்மாஸம்பு³த்³த⁴ஸ்ஸ த்³வே
த⁴ம்மதே³ஸனா பரியாயேன ப⁴வந்தி. கதமா த்³வே? ‘பாபங் பாபகதோ
பஸ்ஸதா²’தி - அயங் பட²மா த⁴ம்மதே³ஸனா; ‘பாபங் பாபகதோ தி³ஸ்வா
தத்த² நிப்³பி³ந்த³த² விரஜ்ஜத² விமுச்சதா²’தி - அயங் து³தியா த⁴ம்மதே³ஸனா.
ததா²க³தஸ்ஸ, பி⁴க்க²வே, அரஹதோ ஸம்மாஸம்பு³த்³த⁴ஸ்ஸ இமா த்³வே
த⁴ம்மதே³ஸனா பரியாயேன ப⁴வந்தி²’தி. ஏதமத்த²ங் ப⁴க³வா அவோச.
தத்தே²தங் இதி வுச்சதி -

“ததா²க³தஸ்ஸ பு³த்³த⁴ஸ்ஸ, ஸப்³ப³பூ⁴தானுகம்பினோ;
பரியாயவசனங் பஸ்ஸ, த்³வே ச த⁴ம்மா பகாஸிதா.

“பாபகங் பஸ்ஸத² சேதங் [சேகங் (ஸீ. பீ.), சே²கா (ஸ்யா.)], தத்த² சாபி
விரஜ்ஜத²;
ததோ விரத்தசித்தாஸே, து³க்க²ஸ்ஸந்தங் கரிஸ்ஸதா²’தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. து³தியங்.

3. விஜ்ஜாஸுத்தங்

40. வுத்தஞ்ஹேதங் ப்⁴க³வதா, வுத்தமரஹதாதி மே ஸுதங் -

“அவிஜ்ஜா , பி⁴க்க²வே, பு³ப³ங்க³மா அகுஸலானங் த⁴ம்மானங் ஸமாபத்தியா அன்வதே³வ அஹிரிகங் அனொத்தப்பங்; விஜ்ஜா ச கோ², பி⁴க்க²வே, பு³ப³ங்க³மா குஸலானங் த⁴ம்மானங் ஸமாபத்தியா அன்வதே³வ ஹிரொத்தப்ப”ந்தி. ஏதமத்த²ங் ப்⁴க³வா அவோச. தத்தே²தங் இதி வுச்சதி -

“யா காசிமா து³க்க³தியோ, அஸ்மிங் லோகே பரம்ஹி ச;
அவிஜ்ஜாமூலிகா ஸப்³பா³, இச்சா²லோப⁴ஸமுஸ்ஸயா.

“யதோ ச ஹோதி பாபிச்சோ², அஹிரீகோ அனாத³ரோ;
ததோ பாபங் பஸவதி, அபாயங் தேன க³ச்ச²தி.

“தஸ்மா ச²ந்த³ஞ்ச லோப⁴ஞ்ச, அவிஜ்ஜஞ்ச விராஜயங்;
விஜ்ஜங் உப்பாத³யங் பி⁴க்கு², ஸப்³பா³ து³க்க³தியோ ஜஹே”தி.

அயம்பி அத்தோ² வுத்தோ ப்⁴க³வதா, இதி மே ஸுதந்தி. ததியங்.

4. பஞ்ஞாபரிஹீனஸுத்தங்

41. வுத்தஞ்ஹேதங் ப்⁴க³வதா, வுத்தமரஹதாதி மே ஸுதங் -

“தே, பி⁴க்க²வே, ஸத்தா ஸுபரிஹீனா யே அரியாய பஞ்ஞாய பரிஹீனா. தே தி³ட்டே²வ த⁴ம்மே து³க்க²ங் விஹரந்தி ஸவிகா⁴தங் ஸஉபாயாஸங் ஸபரிளாஹங்; காயஸ்ஸ பே⁴தா³ பரங் மரணா து³க்க³தி பாடிகங்கா². தே [தே ச கோ² (?)], பி⁴க்க²வே, ஸத்தா அபரிஹீனா யே அரியாய பஞ்ஞாய அபரிஹீனா. தே தி³ட்டே²வ த⁴ம்மே ஸுக²ங் விஹரந்தி அவிகா⁴தங் அனுபாயாஸங் அபரிளாஹங்; காயஸ்ஸ பே⁴தா³ பரங் மரணா ஸுக³தி பாடிகங்கா²”தி. ஏதமத்த²ங் ப்⁴க³வா அவோச. தத்தே²தங் இதி வுச்சதி -

“பஞ்ஞாய பரிஹானேன, பஸ்ஸ லோகங் ஸதே³வகங்;
நிவிட்ட²ங் நாமருபஸ்மிங், இத³ங் ஸச்சந்தி மஞ்ஞதி.

“பஞ்ஞா ஹி ஸெட்டா² லோகஸ்மிங், யாயங் நிப்³பே³த⁴கா³மினீ;
யாய ஸம்மா பஜானாதி, ஜாதிப⁴வபரிக்க²யங்.

“தேஸங் தே³வா மனுஸ்ஸா ச, ஸம்பு³த்தா⁴னங் ஸதீமதங்;
பிஹயந்தி ஹாஸபஞ்ஞானங் [ஹாஸபஞ்ஞானங் (ஸீ. அட்ட²)],
ஸரீரந்திமதா⁴ரின”ந்தி.

அயம்பி அத்தோ² வுத்தோ ப்⁴க³வதா, இதி மே ஸுதந்தி. சதுத்த²ங்.

5. ஸுக்கத⁴ம்மஸுத்தங்

42. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“த³வேமே, பி⁴க்க²வே, ஸுக்கா த⁴ம்மா லோகங் பாலெந்தி. கதமே த³வே? ஹிரீ [ஹிரி (ஸீ. ஸ்யா. கங். பீ.)] ச, ஒத்தப்பஞ்ச. இமே சே, பி⁴க்க²வே, த³வே ஸுக்கா த⁴ம்மா லோகங் ந பாலெய்யுங், நயித⁴ பஞ்ஞாயேத² மாதாதி வா மாதுச்சா²தி வா மாதுலானீதி வா ஆசரியப⁴ரியாதி வா க³ருனங் தா³ராதி வா. ஸம்பே⁴த³ங் லோகோ அக³மிஸ்ஸ யதா² அஜேளகா குக்குடஸூகரா ஸோணஸிங்கா³லா [ஸோணஸிகா³லா (ஸீ. ஸ்யா. கங். பீ.)]. யஸ்மா ச கோ², பி⁴க்க²வே, இமே த³வே ஸுக்கா த⁴ம்மா லோகங் பாலெந்தி தஸ்மா பஞ்ஞாயதி மாதாதி வா மாதுச்சா²தி வா மாதுலானீதி வா ஆசரியப⁴ரியாதி வா க³ருனங் தா³ராதி வா”தி. ஏதமத்த²ங் ப⁴க³வா அவோச. தத்தே²தங் இதி வுச்சதி -

“யேஸங் சே ஹிரிஒத்தப்பங், ஸப்³ப³தா³ ச ந விஜ்ஜதி;
வோக்கந்தா ஸுக்கமூலா தே, ஜாதிமரணகா³மினோ.

“யேஸஞ்ச ஹிரிஒத்தப்பங், ஸதா³ ஸம்மா உபட்டி²தா;
விருஹப்³ரஹ்மசரியா தே, ஸந்தோ கீ²ணபுனப்³ப⁴வா”தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. பஞ்சமங்.

6. அஜாதஸுத்தங்

43. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“அத்தி², பி⁴க்க²வே , அஜாதங் அபு⁴தங் அகதங் அஸங்க²தங். நோ சேதங், பி⁴க்க²வே, அப⁴விஸ்ஸ அஜாதங் அபு⁴தங் அகதங் அஸங்க²தங், நயித⁴ ஜாதஸ்ஸ பூ⁴தஸ்ஸ கதஸ்ஸ ஸங்க²தஸ்ஸ நிஸ்ஸரணங் பஞ்ஞாயேத². யஸ்மா ச கோ², பி⁴க்க²வே, அத்தி² அஜாதங் அபு⁴தங் அகதங் அஸங்க²தங், தஸ்மா ஜாதஸ்ஸ பூ⁴தஸ்ஸ கதஸ்ஸ ஸங்க²தஸ்ஸ நிஸ்ஸரணங் பஞ்ஞாயதி”தி. ஏதமத்த²ங் ப⁴க³வா அவோச. தத்தே²தங் இதி வுச்சதி -

“ஜாதங் பூ⁴தங் ஸமுப்பன்னங், கதங் ஸங்க²தமத்³து⁴வங்;
ஜராமரணஸங்கா⁴டங், ரோக³னீளங் [ரோக³னிட்³ட⁴ங் (ஸீ.)]
பப⁴ங்கு³ரங் [பப⁴ங்கு³ணங் (க. ஸீ. க.), பப⁴ங்கு³ணங் (ஸ்யா.)].

“ஆஹாரனெத்திப்பப⁴வங், நாலங் தத³பி⁴னந்தி³துங்;
தஸ்ஸ நிஸ்ஸரணங் ஸந்தங், அதக்காவசரங் து⁴வங்.

“அஜாதங் அஸமுப்பன்னங், அஸோகங் விரஜங் பத³ங்;
நிரோதோ⁴ து³க்க²த⁴ம்மானங், ஸங்கா²ருபஸமோ ஸுகோ²”தி.

அயம்பி அத்தோ² வத்தோ ப⁴க³வதா, இதி மே ஸுதந்தி. ச²ட்ட²ங்.

7. நிப்பா³னதா⁴துஸுத்தங்

44. வத்தஞ்ஹேதங் ப⁴க³வதா, வத்தமரஹதாதி மே ஸுதங் -

“த்³வேமா, பி⁴க்க²வே, நிப்பா³னதா⁴துயோ. கதமே த்³வே?
ஸஉபாதி³ஸேஸா ச நிப்பா³னதா⁴து, அனுபாதி³ஸேஸா ச நிப்பா³னதா⁴து.

“கதமா ச, பி⁴க்க²வே, ஸஉபாதி³ஸேஸா நிப்பா³னதா⁴து? இத⁴,
பி⁴க்க²வே, பி⁴க்கு² அரஹங் ஹோதி கீ²ணாஸவோ வுஸிதவா கதகரணீயோ
ஓஹிதபா⁴ரோ அனுப்பத்தஸத³த்தோ² பரிக்²ணப⁴வஸங்யோஜனோ
ஸம்மத³ஞ்ஞா விமுத்தோ. தஸ்ஸ திட்ட²ந்தேவ பஞ்சிந்த்³ரியானி யேஸங்
அவிகா⁴தத்தா [அவிக³தத்தா (ஸீ. அட்ட²).] மனாபாமனாபங் பச்சனுபோ⁴தி,
ஸுக²து³க்க²ங் படிஸங்வேதே³தி . தஸ்ஸ யோ ராக³க்க²யோ, தோ³ஸக்க²யோ,
மோஹக்க²யோ - அயங் வச்சதி, பி⁴க்க²வே, ஸஉபாதி³ஸேஸா
நிப்பா³னதா⁴து.

“கதமா ச, பி⁴க்க²வே, அனுபாதி³ஸேஸா நிப்பா³னதா⁴து? இத⁴,
பி⁴க்க²வே, பி⁴க்கு² அரஹங் ஹோதி கீ²ணாஸவோ வுஸிதவா கதகரணீயோ
ஓஹிதபா⁴ரோ அனுப்பத்தஸத³த்தோ² பரிக்²ணப⁴வஸங்யோஜனோ
ஸம்மத³ஞ்ஞா விமுத்தோ. தஸ்ஸ இதே⁴வ, பி⁴க்க²வே, ஸப்³பவேத³யிதானி
அனபி⁴னந்தி³தானி ஸீதி ப⁴விஸ்ஸந்தி [ஸீதி³ப⁴விஸ்ஸந்தி (?)]. அயங்
வச்சதி, பி⁴க்க²வே, அனுபாதி³ஸேஸா நிப்பா³னதா⁴து. இமா கோ²,
பி⁴க்க²வே, த்³வே நிப்பா³னதா⁴துயோ”தி. ஏதமத்த²ங் ப⁴க³வா அவோச.
தத்தே²தங் இதி வச்சதி -

“து³வே இமா சக்கு²மதா பகாஸிதா, நிப்பா³னதா⁴து அனிஸ்ஸிதேன
தாதி³னா;

ஏகா ஹி தா⁴து இத⁴ தி³ட்ட²த⁴ம்மிகா, ஸஉபாதி³ஸேஸா
ப⁴வனெத்திஸங்க²யா;

அனுபாதி³ஸேஸா பன ஸம்பராயிகா, யம்ஹி நிருஜ்ஜ²ந்தி ப⁴வானி
ஸப்³பஸோ.

“யே ஏதத³ஞ்ஞாய பத³ங் அஸங்க²தங், விமுத்தசித்தா
ப⁴வனெத்திஸங்க²யா;

தே த⁴ம்மஸாராதி⁴க³மா க²யே ரதா, பஹங்ஸு தே ஸப்³பப⁴வானி
தாதி³னோ”தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. ஸத்தமங்.

8. படிஸல்லானஸுத்தங்

45. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“படிஸல்லானாராமா [படிஸல்லானாராமா (க.)], பி⁴க்க²வே, விஹரத² படிஸல்லானரதா, அஜ்ஜ²த்தங் சேதோஸமத²மனுயுத்தா, அனிராகதஜ்ஜா²னா, விபஸ்ஸனாய ஸமன்னாக³தா, ப்³ருஹேதா ஸுஞ்ஞாகா³ரானங் . படிஸல்லானாராமானங், பி⁴க்க²வே, விஹரதங் படிஸல்லானரதானங் அஜ்ஜ²த்தங் சேதோஸமத²மனுயுத்தானங் அனிராகதமஜ்ஜா²னானங் விபஸ்ஸனாய ஸமன்னாக³தானங் ப்³ருஹேதானங் ஸுஞ்ஞாகா³ரானங் த்³வின்னங் ப²லானங் அஞ்ஞதரங் ப²லங் பாடிகங்க²ங் - தி³ட்டே²வ த⁴ம்மே அஞ்ஞா, ஸதி வா உபாதி³ஸேஸே அனாகா³மிதா”தி. ஏதமத்த²ங் ப⁴க³வா அவோச. தத்தே²தங் இதி வுச்சதி -

“யே ஸந்தசித்தா நிபகா, ஸதிமந்தோ ச [ஸதிமந்தோவ (ஸீ. க.)] ஜா²யினோ; ஸம்மா த⁴ம்மங் விபஸ்ஸந்தி, காமேஸு அனபெக்கி²னோ.

“அப்பமாத³ரதா ஸந்தா, பமாதே³ ப⁴யத³ஸ்ஸினோ; அப⁴ப்³பா³ பரிஹானாய, நிப்³பா³னஸ்ஸேவ ஸந்திகே”தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. அட்ட²மங்.

9. ஸிக்கா²னிஸங்ஸுத்தங்

46. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“ஸிக்கா²னிஸங்ஸா , பி⁴க்க²வே, விஹரத² பஞ்ஞுத்தரா விமுத்திஸாரா ஸதாதி⁴பதெய்யா. ஸிக்கா²னிஸங்ஸானங், பி⁴க்க²வே, விஹரதங் பஞ்ஞுத்தரானங் விமுத்திஸாரானங் ஸதாதி⁴பதெய்யானங் த்³வின்னங் ப²லானங் அஞ்ஞதரங் ப²லங் பாடிகங்க²ங் - தி³ட்டே²வ த⁴ம்மே அஞ்ஞா, ஸதி வா உபாதி³ஸேஸே அனாகா³மிதா”தி. ஏதமத்த²ங் ப⁴க³வா அவோச. தத்தே²தங் இதி வுச்சதி -

“பரிபுண்ணஸிக்க²ங் [பரிபுண்ணஸேக²ங் (ஸீ.), பரிபுண்ணஸெக்க²ங் (ஸ்யா.)] அபஹானத⁴ம்மங், பஞ்ஞுத்தரங் ஜாதிக²யந்தத³ஸ்ஸிங்; தங் வே முனிங் அந்திமதே³ஹதா⁴ரிங், மாரஞ்ஜஹங் ப்³ருமி ஜராய பாரகு³ங்.

“தஸ்மா ஸதா³ ஜா²னரதா ஸமாஹிதா, ஆதாபினோ
ஜாதிக²யந்தத³ஸ்ஸினோ;
மாரங் ஸஸேனங் அபி⁴பு⁴ய்ய பி⁴க்க²வோ, ப⁴வத² ஜாதிமரணஸ்ஸ
பாரகா³”தி.

அயம்பி அத்தோ² வத்தோ ப⁴க³வதா, இதி மே ஸுதந்தி. நவமங்.

10. ஜாக³ரியஸுத்தங்

47. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“ஜாக³ரோ சஸ்ஸ, பி⁴க்க²வே, பி⁴க்கு² விஹரெய்ய ஸதோ ஸம்பஜானோ
ஸமாஹிதோ பமுதி³தோ விப்பஸன்னோ ச தத்த² காலவிபஸ்ஸீ ச
குஸலேஸு த⁴ம்மேஸு. ஜாக³ரஸ்ஸ, பி⁴க்க²வே, பி⁴க்கு²னோ விஹரதோ
ஸதஸ்ஸ ஸம்பஜானஸ்ஸ ஸமாஹிதஸ்ஸ பமுதி³தஸ்ஸ விப்பஸன்னஸ்ஸ
தத்த² காலவிபஸ்ஸினோ குஸலேஸு த⁴ம்மேஸு த்³வின்னங் ப²லானங்
அஞ்ஞதரங் ப²லங் பாடிகங்க²ங் - தி³ட்டே²வ த⁴ம்மே அஞ்ஞா, ஸதி வா
உபாதி³ஸேஸே அனாகா³மிதா”தி. ஏதமத்த²ங் ப⁴க³வா அவோச. தத்தே²தங் இதி
வுச்சதி -

“ஜாக³ரந்தா ஸுணாதே²தங், யே ஸுத்தா தே பபுஜ்ஜ²த²;
ஸுத்தா ஜாக³ரிதங் ஸெய்யோ, நத்தி² ஜாக³ரதோ ப⁴யங்.

“யோ ஜாக³ரோ ச ஸதிமா ஸம்பஜானோ, ஸமாஹிதோ முதி³தோ
விப்பஸன்னோ ச;
காலேன ஸோ ஸம்மா த⁴ம்மங் பரிவிமங்ஸமானோ, ஏகோதி³பூ⁴தோ
விஹனே தமங் ஸோ.

“தஸ்மா ஹவே ஜாக³ரியங் ப⁴ஜேத², ஆதாபீ பி⁴க்கு² நிபகோ
ஜா²னலாபீ⁴;
ஸங்யோஜனங் ஜாதிஜராய செ²த்வா, இதே⁴வ ஸம்போ³தி⁴மனுத்தரங்
பு²ஸே”தி.

அயம்பி அத்தோ² வத்தோ ப⁴க³வதா, இதி மே ஸுதந்தி. த³ஸமங்.

11. ஆபாயிகஸுத்தங்

48. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“த்³வேமே, பி⁴க்க²வே, ஆபாயிகா நேரயிகா இத³மப்பஹாய. கதமே த்³வே?
யோ ச அப்³ரஹ்மசாரீ ப்³ரஹ்மசாரிபடிஞ்ஞா, யோ ச பரிபுண்ணங்
பரிஸுத்³த⁴ங் ப்³ரஹ்மசரியங் சரந்தங் அமூலகேன அப்³ரஹ்மசரியேன

அனுத்⁴ங்ஸேதி. இமே கோ², பி⁴க்க²வே, த்³வே ஆபாயிகா நேரயிகா
இத்³மப்பஹாயா²தி. ஏதமத்த²ங் ப⁴க³வா அவோச. தத்தே²தங் இதி வுச்சதி -

“அபூ⁴தவாதீ³ நிரயங் உபேதி, யோ வாபி கத்வா ந கரோமி சாஹ;
உபோ⁴பி தே பேச்ச ஸமா ப⁴வந்தி, நிஹீனகம்மா மனுஜா பரத்த².

“காஸாவகண்டா² ப³ஹவோ, பாபத்⁴ம்மா அஸஞ்ஞதா;
பாபா பாபேஹி கம்மேஹி, நிரயங் தே உபபஜ்ஜரே.

“ஸெய்யோ அயோகு³ளோ பு⁴த்தோ, தத்தோ அக்³கி³ஸிக்²பமோ;
யஞ்சே பு⁴ஞ்ஜெய்ய து³ஸ்ஸீலோ, ரட்ட²பிண்ட³மஸஞ்ஞதோ²தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. ஏகாத³ஸமங்.

12. தி³ட்டி²க³தஸுத்தங்

49. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“த்³வீஹி, பி⁴க்க²வே, தி³ட்டி²க³தேஹி பரியுட்டி²தா தே³வமனுஸ்ஸா
ஓலீயந்தி ஏகே, அதிதா⁴வந்தி ஏகே; சக்கு²மந்தோ ச பஸ்ஸந்தி.

“கத²ஞ்ச, பி⁴க்க²வே, ஓலீயந்தி ஏகே? ப⁴வாராமா, பி⁴க்க²வே,
தே³வமனுஸ்ஸா ப⁴வரதா ப⁴வஸம்முதி³தா தேஸங் ப⁴வனிரோதா⁴ய
த்⁴ம்மே தே³ஸியமானே சித்தங் ந பக்க²ந்த³தி ந பஸீத³தி ந ஸந்திட்ட²தி
நாதி⁴முச்சதி. ஏவங் கோ², பி⁴க்க²வே, ஓலீயந்தி ஏகே.

“கத²ஞ்ச , பி⁴க்க²வே, அதிதா⁴வந்தி ஏகே? ப⁴வேனேவ கோ² பனேகே
அட்டியமானா ஹராயமானா ஜிகு³ச்ச²மானா விப⁴வங் அபி⁴னந்த³ந்தி - யதோ
கிர, போ⁴, அயங் அத்தா [ஸத்தோ (ஸ். க.)] காயஸ்ஸ பே⁴தா³ பரங் மரணா
உச்சி²ஜ்ஜதி வினஸ்ஸதி ந ஹோதி பரங் மரணா; ஏதங் ஸந்தங் ஏதங் பணீதங்
ஏதங் யாதா²வந்தி. ஏவங் கோ², பி⁴க்க²வே, அதிதா⁴வந்தி ஏகே.

“கத²ஞ்ச, பி⁴க்க²வே, சக்கு²மந்தோ பஸ்ஸந்தி? இத⁴ பி⁴க்கு² பூ⁴தங்
பூ⁴ததோ பஸ்ஸதி; பூ⁴தங் பூ⁴ததோ தி³ஸ்வா பூ⁴தஸ்ஸ நிப்³பி³தா³ய
விராகா³ய நிரோதா⁴ய படிபன்னோ ஹோதி. ஏவங் கோ², பி⁴க்க²வே,
சக்கு²மந்தோ பஸ்ஸந்தி²தி. ஏதமத்த²ங் ப⁴க³வா அவோச. தத்தே²தங் இதி
வுச்சதி -

“யே [யோ (ஸ்யா. க.)] பூ⁴தங் பூ⁴ததோ தி³ஸ்வா, பூ⁴தஸ்ஸ ச
அதிக்கமங்;

யதா²பூ⁴தே விமுச்சந்தி, ப⁴வதண்ஹா பரிக்க²யா.

“ஸ வே [ஸசே (க. ஸீ. ஸ்யா. பீ.)] பூ⁴தபரிஞ்ஞோ, ஸோ
வீததண்ணேறா ப⁴வாப⁴வே;
பூ⁴தஸ்ஸ விப⁴வா பி⁴க்கு², நாக³ச்ச²தி புனப்³ப⁴வ”ந்தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. த்³வாத்³ஸமங்.

து³தியோ வக்³கோ³ நிட்டி²தோ.

தஸ்ஸுத்தா³னங் -

த்³வே இந்த்³ரியா த்³வே தபனீயா, ஸீலேன அபரே து³வே;
அனொத்தாபீ குஹனா த்³வே ச, ஸங்வேஜனீயேன தே த்³ஸ.

விதக்கா தே³ஸனா விஜ்ஜா, பஞ்ஞா த்⁴ம்மேன பஞ்சமங்;
அஜாதங் தா⁴துஸல்லானங், ஸிக்கா² ஜாக்³ரியேன ச;
அபாயதி³ட்டி²யா சேவ [யேவ (ஸீ. ஸ்யா.)], பா³வீஸதி பகாஸிதாதி.

து³கனிபாதோ நிட்டி²தோ.

3. திகனிபாதோ

1. பட²மவக்³கோ³

1. மூலஸூத்தங்

50. வுத்தஞ்ஹேதங் ப்⁴க்³வதா, வுத்தமரஹதாதி மே ஸுதங் -

“தீணிமானி, பி்⁴க்³வே, அகுஸலமூலானி. கதமானி தீணி? லோபோ்⁴ அகுஸலமூலங், தோ³ஸோ அகுஸலமூலங், மோஹோ அகுஸலமூலங் - இமானி கோ², பி்⁴க்³வே, தீணி அகுஸலமூலானி”தி. ஏதமத்த²ங் ப்⁴க்³வா அவோச. தத்தே²தங் இதி வுச்சதி -

“லோபோ்⁴ தோ³ஸோ ச மோஹோ ச, புரிஸங் பாபசேதஸங்; ஹிங்ஸந்தி அத்தஸம்பூ்⁴தா, தசஸாரங்வ ஸம்ப²ல”ந்தி.

அயம்பி அத்தோ² வுத்தோ ப்⁴க்³வதா, இதி மே ஸுதந்தி. பட²மங்.

2. தா்⁴துஸூத்தங்

51. வுத்தஞ்ஹேதங் ப்⁴க்³வதா, வுத்தமரஹதாதி மே ஸுதங் -

“திஸ்ஸோ இமா, பி்⁴க்³வே, தா்⁴துயோ. கதமா திஸ்ஸோ? ரூபதா்⁴து, அரூபதா்⁴து, நிரோத்⁴தா்⁴து - இமா கோ², பி்⁴க்³வே, திஸ்ஸோ தா்⁴துயோ”தி. ஏதமத்த²ங் ப்⁴க்³வா அவோச. தத்தே²தங் இதி வுச்சதி -

“ரூபதா்⁴துங் [ரூபதா்⁴து (ஸப்³ப³த்த²)] பரிஞ்ஞாய, அரூபேஸு அஸண்டி²தா; நிரோதே்⁴ யே விமுச்சந்தி, தே ஜனா மச்சுஹாயினோ.

“காயேன அமதங் தா்⁴துங், பு²ஸயித்வா [பு²ஸ்ஸயித்வா (ஸ்யா.), பு²ஸ்ஸயித்வா (பீ.)] நிரூபதி்⁴ங்; உபதி்⁴ப்படினிஸ்ஸக்³க³ங், ஸச்சி²கத்வா அனாஸவோ; தே³ஸேதி ஸம்மாஸம்பு³த்தோ்⁴, அஸோகங் விரஜங் பத³”ந்தி.

அயம்பி அத்தோ² வுத்தோ ப்⁴க்³வதா, இதி மே ஸுதந்தி. து³தியங்.

3. பட²மவேத³னாஸூத்தங்

52. வுத்தஞ்ஹேதங் ப்⁴க்³வதா, வுத்தமரஹதாதி மே ஸுதங் -

“திஸ்ஸோ இமா, பி⁴க்க²வே, வேத³னா. கதமா திஸ்ஸோ? ஸுகா² வேத³னா, து³க்கா² வேத³னா, அது³க்க²மஸுகா² வேத³னா -

இமா கோ², பி⁴க்க²வே, திஸ்ஸோ வேத³னா”தி. ஏதமத்த²ங் ப⁴க³வா அவோச. தத்தே²தங் இதி வுச்சதி -

“ஸமாஹிதோ ஸம்பஜானோ, ஸதோ பு³த்த⁴ஸ்ஸ ஸாவகோ;
வேத³னா ச பஜானாதி, வேத³னானஞ்ச ஸம்ப⁴வங்.

“யத்த² சேதா நிருஜ்ஜ²ந்தி, மக்³க³ஞ்ச க²யகா³மினங்;
வேத³னானங் க²யா பி⁴க்கு², நிச்சா²தோ பரினிப்³பு³தோ”தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. ததியங்.

4. து³தியவேத³னாஸுத்தங்

53. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“திஸ்ஸோ இமா , பி⁴க்க²வே, வேத³னா. கதமா திஸ்ஸோ? ஸுகா² வேத³னா, து³க்கா² வேத³னா, அது³க்க²மஸுகா² வேத³னா. ஸுகா², பி⁴க்க²வே, வேத³னா து³க்க²தோ த³ட்ட²ப்³பா³; து³க்கா² வேத³னா ஸல்லதோ த³ட்ட²ப்³பா³; அது³க்க²மஸுகா² வேத³னா அனிச்சதோ த³ட்ட²ப்³பா³. யதோ கோ², பி⁴க்க²வே, பி⁴க்கு²னோ ஸுகா² வேத³னா து³க்க²தோ தி³ட்டா² ஹோதி, து³க்கா² வேத³னா ஸல்லதோ தி³ட்டா² ஹோதி, அது³க்க²மஸுகா² வேத³னா அனிச்சதோ தி³ட்டா² ஹோதி; அயங் வுச்சதி, பி⁴க்க²வே, ‘பி⁴க்கு² அரியோ ஸம்மத்³த³ஸோ அச்செ²ச்சி² [அச்சேஜ்ஜி (ஸீ. பீ.), அச்சிஜ்ஜி (க.)], தண்ஹங், விவத்தயி [வாவத்தயி (ஸீ. அட்ட².)] ஸங்யோஜனங், ஸம்மா மானாபி⁴ஸமயா அந்தமகாஸி து³க்க²ஸ்ஸா”தி. ஏதமத்த²ங் ப⁴க³வா அவோச. தத்தே²தங் இதி வுச்சதி -

“யோ ஸுக²ங் து³க்க²தோ அத்³த³ [த³க்கி² (ஸீ. பீ. க.), அத³க்கி² (ஸ்யா.)], து³க்க²மத்³த³க்கி² ஸல்லதோ;
அது³க்க²மஸுக²ங் ஸந்தங், அத³க்கி² நங் அனிச்சதோ.

“ஸ வே ஸம்மத்³த³ஸோ பி⁴க்கு², யதோ தத்த² விமுச்சதி;
அபி⁴ஞ்ஞாவோஸிதோ ஸந்தோ, ஸ வே யோகா³திகோ³ முனீ”தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. சதுத்த²ங்.

5. பட²மஏஸனாஸுத்தங்

54. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“திஸ்ஸோ இமா, பி⁴க்க²வே, ஏஸனா. கதமா திஸ்ஸோ? காமேஸனா, ப⁴வேஸனா, ப்³ரஹ்மசரியேஸனா - இமா கோ², பி⁴க்க²வே, திஸ்ஸோ ஏஸனா”தி. ஏதமத்த²ங் ப⁴க³வா அவோச. தத்தே²தங் இதி வுச்சதி -

“ஸமாஹிதோ ஸம்பஜானோ, ஸதோ பு³த்³த⁴ஸ்ஸ ஸாவகோ; ஏஸனா ச பஜானாதி, ஏஸனானஞ்ச ஸம்ப⁴வங்.

“யத்த² சேதா நிருஜ்ஜ²ந்தி, மக்³க³ஞ்ச க²யகா³மினங்; ஏஸனானங் க²யா பி⁴க்கு², நிச்சா²தோ பரினிப்³பு³தோ”தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. பஞ்சமங்.

6. து³தியஏஸனாஸுத்தங்

55. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“திஸ்ஸோ இமா, பி⁴க்க²வே, ஏஸனா. கதமா திஸ்ஸோ? காமேஸனா, ப⁴வேஸனா, ப்³ரஹ்மசரியேஸனா - இமா கோ², பி⁴க்க²வே, திஸ்ஸோ ஏஸனா”தி. ஏதமத்த²ங் ப⁴க³வா அவோச. தத்தே²தங் இதி வுச்சதி -

“காமேஸனா ப⁴வேஸனா, ப்³ரஹ்மசரியேஸனா ஸஹ; இதி ஸச்சபராமாஸோ, தி³ட்டி²ட்டா²னா ஸமுஸ்ஸயா.

“ஸப்³பு³ராக³விரத்தஸ்ஸ, தண்ஹக்க²யவிமுத்தினோ; ஏஸனா படினிஸ்ஸட்டா², தி³ட்டி²ட்டா²னா ஸமுஹதா; ஏஸனானங் க²யா பி⁴க்கு², நிராஸோ அகத²ங்கதீ²”தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. ச²ட்ட²ங்.

7. பட²மஆஸவஸுத்தங்

56. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“தயோமே, பி⁴க்க²வே, ஆஸவா. கதமே தயோ? காமாஸவோ, ப⁴வாஸவோ, அவிஜ்ஜாஸவோ - இமே கோ², பி⁴க்க²வே, தயோ ஆஸவா”தி. ஏதமத்த²ங் ப⁴க³வா அவோச. தத்தே²தங் இதி வுச்சதி -

“ஸமாஹிதோ ஸம்பஜானோ, ஸதோ பு³த்³த⁴ஸ்ஸ ஸாவகோ; ஆஸவே ச பஜானாதி, ஆஸவானஞ்ச ஸம்ப⁴வங்.

“யத்த² சேதா நிருஜ்ஜ²ந்தி, மக்³க³ஞ்ச க²யகா³மினங்; ஆஸவானங் க²யா பி⁴க்கு², நிச்சா²தோ பரினிப்³பு³தோ”தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. ஸத்தமங்.

8. து³தியஆஸவஸுத்தங்

57. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“தயோமே, பி⁴க்க²வே, ஆஸவா. கதமே தயோ? காமாஸவோ, ப⁴வாஸவோ, அவிஜ்ஜாஸவோ - இமே கோ², பி⁴க்க²வே, தயோ ஆஸவா”தி. ஏதமத்த²ங் ப⁴க³வா அவோச. தத்தே²தங் இதி வுச்சதி -

“யஸ்ஸ காமாஸவோ கீ²ணோ, அவிஜ்ஜா ச விராஜிதா;
ப⁴வாஸவோ பரிகீ²ணோ, விப்பமுத்தோ நிருபதி⁴;
தா⁴ரேதி அந்திமங் தே³ஹங், ஜெத்வா மாரங் ஸவாஹினி”ந்தி
[\[ஸவாஹனந்தி \(ப³ஹுஸு\)\]](#).

அயம்பி அத்தோ² வுத்தோ ப⁴க³வதா, இதி மே ஸுதந்தி. அட்ட²மங்.

9. தண்ஹாஸுத்தங்

58. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“திஸ்ஸோ இமா, பி⁴க்க²வே, தண்ஹா. கதமா திஸ்ஸோ? காமதண்ஹா, ப⁴வதண்ஹா, விப⁴வதண்ஹா - இமா கோ², பி⁴க்க²வே, திஸ்ஸோ தண்ஹா”தி. ஏதமத்த²ங் ப⁴க³வா அவோச. தத்தே²தங் இதி வுச்சதி -

“தண்ஹாயோகே³ன ஸங்யுத்தா, ரத்தசித்தா ப⁴வாப⁴வே;
தே யோக³யுத்தா மாரஸ்ஸ, அயோக³க்கே²மினோ ஜனா;
ஸத்தா க³ச்ச²ந்தி ஸங்ஸாரங், ஜாதீமரணகா³மினோ.

“யே ச தண்ஹங் பஹந்த்வான, வீததண்ஹா [\[நிக்கண்ஹா ச \(ஸீ. க.\)\]](#)
ப⁴வாப⁴வே;
தே வே [\[தே ச \(ஸீ. பீ. க.\)\]](#) பாரங்க³தா [\[பாரக³தா \(க. ஸீ. ஸ்யா.\)\]](#)
லோகே, யே பத்தா ஆஸவக்க²ய”ந்தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. நவமங்.

10. மாரதெ⁴ய்யஸுத்தங்

59. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“தீஹி, பி⁴க்க²வே, த⁴ம்மேஹி ஸமன்னாக³தோ பி⁴க்கு² அதிக்மம்
மாரதெ⁴ய்யங் ஆதிச்சோவ விரோசதி. கதமேஹி தீஹி? இத⁴, பி⁴க்க²வே,

பி⁴க்கு² அஸேகே²ன ஸீலக்க²ந்தே⁴ன ஸமன்னாக³தோ ஹோதி, அஸேகே²ன
ஸமாதி⁴க்க²ந்தே⁴ன ஸமன்னாக³தோ ஹோதி, அஸேகே²ன
பஞ்ஞாக்க²ந்தே⁴ன ஸமன்னாக³தோ ஹோதி - இமேஹி கோ², பி⁴க்க²வே,
தீஹி த⁴ம்மேஹி ஸமன்னாக³தோ பி⁴க்கு² அதிகம்ம மாரதெ⁴ய்யங்
ஆதி³ச்சோவ விரோசதீ²தி. ஏதமத்த²ங் ப⁴க³வா அவோச. தத்தே²தங் இதி வச்சதி

“ஸீலங் ஸமாதி⁴ பஞ்ஞா ச, யஸ்ஸ ஏதே ஸுபா⁴விதா;
அதிக்கம்ம மாரதெ⁴ய்யங், ஆதி³ச்சோவ விரோசதீ²தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. த³ஸமங்.

பட²மோ வக்கோ³ நிட்டி²தோ.

தஸ்ஸுத்த³தா³னங் -

மூலதா⁴து அத² வேத³னா து³வே, ஏஸனா ச து³வே ஆஸவா து³வே;
தண்ஹாதோ ச அத² [தண்ஹாதோ அத² (ஸ்யா.)] மாரதெ⁴ய்யதோ,
வக்க³மாஹு பட²மந்தி முத்தமந்தி.

2. து³தியவக்கோ³

1. புஞ்ஞுகிரியவத்து²ஸுத்தங்

60. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“தீணிமானி, பி⁴க்க²வே, புஞ்ஞுகிரியவத்து²னி. கதமானி தீணி? தா³னமயங்
புஞ்ஞுகிரியவத்து², ஸீலமயங் புஞ்ஞுகிரியவத்து², பா⁴வனாமயங்
புஞ்ஞுகிரியவத்து² - இமானி கோ², பி⁴க்க²வே, தீணி புஞ்ஞுகிரியவத்து²னீ²தி.
ஏதமத்த²ங் ப⁴க³வா அவோச. தத்தே²தங் இதி வச்சதி -

“புஞ்ஞுமேவ ஸோ ஸிக்கெ²ய்ய, ஆயதக்க³ங் ஸுகு²த்³ரயங்;
தா³னஞ்ச ஸமசரியஞ்ச, மெத்தசித்தஞ்ச பா⁴வயே.

“ஏதே த⁴ம்மே பா⁴வயித்வா, தயோ ஸுக²ஸமுத்³த³யே;
அப்யாபஜ்ஜ²ங் ஸுக²ங் லோகங், பண்டி³தோ உபபஜ்ஜதீ²தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. பட²மங்.

2. சக்கு²ஸுத்தங்

61. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“தீணிமானி, பி⁴க்க²வே, சக்க²னி. கதமானி தீணி? மங்ஸசக்கு², தி³ப³ப³சக்கு², பஞ்ஞாசக்கு² - இமானி கோ², பி⁴க்க²வே, தீணி சக்க²னி”தி. ஏதமத்த²ங் ப⁴க³வா அவோச. தத்தே²தங் இதி வச்சதி -

“மங்ஸசக்கு² தி³ப³ப³சக்கு², பஞ்ஞாசக்கு² அனுத்தரங்;
ஏதானி தீணி சக்க²னி, அக்கா²ஸி புரிஸுத்தமோ.

“மங்ஸசக்கு²ஸ்ஸ உப்பாதோ³, மக்³கோ³ தி³ப³ப³ஸ்ஸ சக்கு²னோ;
யதோ ஞாணங் உத³பாதி³, பஞ்ஞாசக்கு² அனுத்தரங்;
யஸ்ஸ சக்கு²ஸ்ஸ படி³லாபா⁴, ஸப்³ப³து³க்கா² பமுச்சதி”தி.

அயம்பி அத்தோ² வத்தோ ப⁴க³வதா, இதி மே ஸுதந்தி. து³தியங்.

3. இந்த³ரியஸுத்தங்

62. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“தீணிமானி, பி⁴க்க²வே, இந்த³ரியானி. கதமானி தீணி?
அனஞ்ஞாதஞ்ஞாஸ்ஸாமீதிந்த³ரியங், அஞ்ஞிந்த³ரியங், அஞ்ஞாதாவிந்த³ரியங் -
இமானி கோ², பி⁴க்க²வே, தீணி இந்த³ரியானி”தி. ஏதமத்த²ங் ப⁴க³வா அவோச.
தத்தே²தங் இதி வச்சதி -

“ஸேக²ஸ்ஸ ஸிக்க²மானஸ்ஸ, உஜுமக்³கா³னுஸாரினோ;
க²யஸ்மிங் பட²மங் ஞாணங், ததோ அஞ்ஞா அனந்தரா.

“ததோ அஞ்ஞா விமுத்தஸ்ஸ, ஞாணங் வே ஹோதி தாதி³னோ;
அகுப்பா மே விமுத்தீதி, ப⁴வஸங்யோஜனக்க²யா.

“ஸ வே [ஸசே (ஸீ. ஸ்யா.)] இந்த³ரியஸம்பன்னோ, ஸந்தோ
ஸந்திபதே³ ரதோ;
தா⁴ரேதி அந்திமங் தே³ஹங், ஜெத்வா மாரங் ஸவாஹினி”ந்தி.

அயம்பி அத்தோ² வத்தோ ப⁴க³வதா, இதி மே ஸுதந்தி. ததியங்.

4. அத்³தா⁴ஸுத்தங்

63. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“தயோமே, பி⁴க்க²வே, அத்³தா⁴. கதமே தயோ? அதீதோ அத்³தா⁴,
அனாக³தோ அத்³தா⁴, பச்சுப்பன்னோ அத்³தா⁴ - இமே கோ², பி⁴க்க²வே,
தயோ அத்³தா⁴”தி. ஏதமத்த²ங் ப⁴க³வா அவோச. தத்தே²தங் இதி வச்சதி -

“அக்கெ²ய்யஸஞ்ஞினோ ஸத்தா, அக்கெ²ய்யஸ்மிங் பதிட்டி²தா;
அக்கெ²ய்யங் அபரிஞ்ஞாய, யோக³மாயந்தி மச்சனோ.

“அக்கெ²ய்யஞ்ச பரிஞ்ஞாய, அக்கா²தாரங் ந மஞ்ஞதி;
பு²ட்டோ² விமொக்கோ² மனஸா, ஸந்திபத³மனுத்தரங்.

“ஸ வே [ஸசே (க.)] அக்கெ²ய்யஸம்பன்னோ, ஸந்தோ ஸந்திபதே³
ரதோ;
ஸங்கா²யஸேவீ த⁴ம்மட்டோ², ஸங்க²யங் நோபேதி வேத³கூ³”தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. சதுத்த²ங்.

5. து³ச்சரிதஸுத்தங்

64. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“தீணிமானி, பி⁴க்க²வே, து³ச்சரிதானி. கதமானி தீணி? காயது³ச்சரிதங்,
வசீது³ச்சரிதங், மனோது³ச்சரிதங் - இமானி கோ², பி⁴க்க²வே, தீணி
து³ச்சரிதானீ”தி. ஏதமத்த²ங் ப⁴க³வா அவோச. தத்தே²தங் இதி வுச்சதி -

“காயது³ச்சரிதங் கத்வா, வசீது³ச்சரிதானி ச;
மனோது³ச்சரிதங் கத்வா, யஞ்சஞ்ஞங் தோ³ஸஸங்ஹிதங்.

“அகத்வா குஸலங் கம்மங், கத்வானாகுஸலங் ப³ஹுங்;
காயஸ்ஸ பே⁴தா³ து³ப்பஞ்ஞோ, நிரயங் ஸோபபஜ்ஜதீ”தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. பஞ்சமங்.

6. ஸுசரிதஸுத்தங்

65. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“தீணிமானி, பி⁴க்க²வே, ஸுசரிதானி. கதமானி தீணி? காயஸுசரிதங்,
வசீஸுசரிதங், மனோஸுசரிதங் - இமானி கோ², பி⁴க்க²வே, தீணி
ஸுசரிதானீ”தி. ஏதமத்த²ங் ப⁴க³வா அவோச. தத்தே²தங் இதி வுச்சதி -

“காயது³ச்சரிதங் ஹித்வா, வசீது³ச்சரிதானி ச;
மனோது³ச்சரிதங் ஹித்வா, யஞ்சஞ்ஞங் தோ³ஸஸங்ஹிதங்.

“அகத்வாகுஸலங் கம்மங், கத்வான குஸலங் ப³ஹுங்;
காயஸ்ஸ பே⁴தா³ ஸப்பஞ்ஞோ, ஸக்³க³ங் ஸோ உபபஜ்ஜதீ”தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. ச²ட்ட²ங்.

7. ஸோசெய்யஸுத்தங்

66. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“தீணிமானி, பி⁴க்க²வே, ஸோசெய்யானி. கதமானி தீணி?
காயஸோசெய்யங், வசீஸோசெய்யங், மனோஸோசெய்யங் - இமானி கோ²,
பி⁴க்க²வே, தீணி ஸோசெய்யானி”தி. ஏதமத்த²ங் ப⁴க³வா அவோச. தத்தே²தங்
இதி வுச்சதி -

“காயஸுசிங் வசீஸுசிங் [வாசாஸுசிங் (க.)], சேதோஸுசிமனாஸவங்;
ஸுசிங் ஸோசெய்யஸம்பன்னங், ஆஹு ஸப்³பப்பஹாயின”ந்தி [ஆஹு
நின்ஹாதபாபகந்தி (அ. நி. 3.122) யுத்ததரங்].

அயம்பி அத்தோ² வுத்தோ ப⁴க³வதா, இதி மே ஸுதந்தி. ஸத்தமங்.

8. மோனெய்யஸுத்தங்

67. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“தீணிமானி, பி⁴க்க²வே, மோனெய்யானி. கதமானி தீணி?
காயமோனெய்யங், வசீமோனெய்யங், மனோமோனெய்யங் - இமானி கோ²,
பி⁴க்க²வே, தீணி மோனெய்யானி”தி. ஏதமத்த²ங் ப⁴க³வா அவோச. தத்தே²தங்
இதி வுச்சதி -

“காயமுனிங் வசீமுனிங், மனோமுனிமனாஸவங்;
முனிங் மோனெய்யஸம்பன்னங், ஆஹு நின்ஹாதபாபக”ந்தி [ஆஹு
ஸப்³பப்பஹாயினந்தி (அ. நி. 3.123)].

அயம்பி அத்தோ² வுத்தோ ப⁴க³வதா, இதி மே ஸுதந்தி. அட்ட²மங்.

9. பட²மராக³ஸுத்தங்

68. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“யஸ்ஸ கஸ்ஸசி, பி⁴க்க²வே, ராகோ³ அப்பஹீனோ, தோ³ஸோ
அப்பஹீனோ, மோஹோ அப்பஹீனோ - அயங் வுச்சதி, பி⁴க்க²வே, ‘ப³த்³தோ⁴
[ப³ந்தோ³ (ப³ஹுஸு)] மாரஸ்ஸ படிமுக்கஸ்ஸ மாரபாஸோ
யதா²காமகரணீயோ [யதா² காமகரணீயோ ச (ஸீ. ஸ்யா. பீ. க.)] பாபிமதோ.
யஸ்ஸ கஸ்ஸசி, பி⁴க்க²வே, ராகோ³ பஹீனோ, தோ³ஸோ பஹீனோ,
மோஹோ பஹீனோ - அயங் வுச்சதி, பி⁴க்க²வே, ‘அப³த்³தோ⁴ மாரஸ்ஸ

ஓமுக்கஸ்ஸ மாரபாஸோ ந யதா² காமகரணியோ [ந யதா²காமகரணியோ ச (ஸ்யா.)] பாபிமதோ³தி. ஏதமத்த²ங் ப்⁴க³வா அவோச. தத்தே²தங் இதி வுச்சதி -

“யஸ்ஸ ராகோ³ ச தோ³ஸோ ச, அவிஜ்ஜா ச விராஜிதா;
தங் பா⁴விதத்தஞ்ஞதரங், ப்³ரஹ்மபூ⁴தங் ததா²க³தங்;
பு³த்³த⁴ங் வேரப⁴யாதீதங், ஆஹு ஸப்³ப³ப்பஹாயின³ந்தி.

அயம்பி அத்தோ² வுத்தோ ப்⁴க³வதா, இதி மே ஸுதந்தி. நவமங்.

10. து³தியராக³ஸுத்தங்

69. வுத்தஞ்ஹேதங் ப்⁴க³வதா, வுத்தமரஹதாதி மே ஸுதங் -

“யஸ்ஸ கஸ்ஸசி, பி⁴க்க²வே, பி⁴க்கு²ஸ்ஸ வா பி⁴க்கு²னியா வா ராகோ³ அப்பஹீனோ, தோ³ஸோ அப்பஹீனோ, மோஹோ அப்பஹீனோ - அயங் வுச்சதி, பி⁴க்க²வே, ந ‘அதரி [அதிண்ணோ (க. ஸீ. க.)] ஸமுத்³த³ங் ஸஹமிங் ஸவீசிங் ஸாவட்டங் ஸக³ஹங் ஸரக்க²ஸங்’. யஸ்ஸ கஸ்ஸசி, பி⁴க்க²வே, பி⁴க்கு²ஸ்ஸ வா பி⁴க்கு²னியா வா ராகோ³ பஹீனோ, தோ³ஸோ பஹீனோ, மோஹோ பஹீனோ - அயங் வுச்சதி, பி⁴க்க²வே, ‘அதரி ஸமுத்³த³ங் ஸஹமிங் ஸவீசிங் ஸாவட்டங் ஸக³ஹங் ஸரக்க²ஸங், திண்ணோ பாரங்க³தோ [பாரக³தோ (ஸீ. அட்ட². ஸ்யா.)] த²லே திட்ட²தி ப்³ராஹ்மணோ³தி. ஏதமத்த²ங் ப்⁴க³வா அவோச. தத்தே²தங் இதி வுச்சதி -

“யஸ்ஸ ராகோ³ ச தோ³ஸோ ச, அவிஜ்ஜா ச விராஜிதா;
ஸோமங் ஸமுத்³த³ங் ஸக³ஹங் ஸரக்க²ஸங், ஸஹமிப⁴யங் து³த்தரங் அச்சதாரி.

“ஸங்கா³திகோ³ மச்சஜஹோ நிருபதி⁴, பஹாஸி து³க்கங் அபுனப்³ப⁴வாய;
அத்த²ங்க³தோ ஸோ ந பமாணமேதி, அமோஹயி மச்சராஜந்தி ப்³ருமீ³தி.

அயம்பி அத்தோ² வுத்தோ ப்⁴க³வதா, இதி மே ஸுதந்தி. த³ஸமங்.

து³தியோ வக்³கோ³ நிட்டி²தோ.

தஸ்ஸுத்³தா³னங் -

புஞ்ஞங் சக்கு² அத² இந்த்³ரியானி [அத்தி²ந்த்³ரியா (ஸ்யா.)], அத³தா⁴ ச சரிதங் து³வே ஸோசி [ஸுசி (ஸ்யா.)];
முனோ [முனே (ஸ்யா.)] அத² ராக³து³வே, புன வக்³க³மாஹு து³தியமுத்தமந்தி.

3. ததியவக்³கோ³

1. மிச்சா²தி³ட்டி²கஸுத்தங்

70. வுத்தஞ்ஹேதங் ப்⁴க³வதா, வுத்தமரஹதாதி மே ஸுதங் -

“தி³ட்டா² மயா, பி்⁴க்க²வே, ஸத்தா காயது³ச்சரிதேன ஸமன்னாக³தா வசீது³ச்சரிதேன ஸமன்னாக³தா மனோது³ச்சரிதேன ஸமன்னாக³தா அரியானங் உபவாத³கா மிச்சா²தி³ட்டி²கா மிச்சா²தி³ட்டி²கம்மஸமாதா³னா. தே காயஸ்ஸ பே⁴தா³ பரங் மரணா அபாயங் து³க்க³திங் வினிபாதங் நிரயங் உபபன்னா.

“தங் கோ² பனாஹங், பி்⁴க்க²வே, நாஞ்ஞஸ்ஸ ஸமணஸ்ஸ வா ப்³ராஹ்மணஸ்ஸ வா ஸுத்வா வதா³மி. தி³ட்டா² மயா, பி்⁴க்க²வே, ஸத்தா காயது³ச்சரிதேன ஸமன்னாக³தா வசீது³ச்சரிதேன ஸமன்னாக³தா மனோது³ச்சரிதேன ஸமன்னாக³தா அரியானங் உபவாத³கா மிச்சா²தி³ட்டி²கா மிச்சா²தி³ட்டி²கம்மஸமாதா³னா. தே காயஸ்ஸ பே⁴தா³ பரங் மரணா அபாயங் து³க்க³திங் வினிபாதங் நிரயங் உபபன்னா. அபி ச, பி்⁴க்க²வே, யதே³வ ஸாமங் ஞாதங் ஸாமங் தி³ட்ட²ங் ஸாமங் விதி³தங் ததே³வாஹங் வதா³மி.

“தி³ட்டா² மயா, பி்⁴க்க²வே, ஸத்தா காயது³ச்சரிதேன ஸமன்னாக³தா வசீது³ச்சரிதேன ஸமன்னாக³தா மனோது³ச்சரிதேன ஸமன்னாக³தா அரியானங் உபவாத³கா மிச்சா²தி³ட்டி²கா மிச்சா²தி³ட்டி²கம்மஸமாதா³னா. தே காயஸ்ஸ பே⁴தா³ பரங் மரணா அபாயங் து³க்க³திங் வினிபாதங் நிரயங் உபபன்னா”தி. ஏதமத்த²ங் ப்⁴க³வா அவோச. தத்தே²தங் இதி வுச்சதி -

“மிச்சா² மனங் பணிதா⁴ய, மிச்சா² வாசஞ்ச பா⁴ஸிய [மிசா வாசங் அபா⁴ஸிய (ஸப்³ப³த்த²)];
மிச்சா² கம்மானி கத்வான, காயேன இத⁴ புக்க³லோ.

“அப்பஸ்ஸுதாபுஞ்ஞுகரோ [அப்பஸ்ஸுதோபுஞ்ஞுகரோ (ஸீ.),
அப்பஸ்ஸுதோ அபுஞ்ஞுகரோ (ஸ்யா. பீ.)], அப்பஸ்மிங் இத⁴ ஜீவிதே;
காயஸ்ஸ பே⁴தா³ து³ப்பஞ்ஞோ, நிரயங் ஸோபபஜ்ஜதீ”தி.

அயம்பி அத்தோ² வுத்தோ ப்⁴க³வதா, இதி மே ஸுதந்தி. பட²மங்.

2. ஸம்மாதி³ட்டி²கஸுத்தங்

71. வுத்தஞ்ஹேதங் ப்⁴க³வதா, வுத்தமரஹதாதி மே ஸுதங் -

“தி³ட்டா² மயா, பி்⁴க்க²வே, ஸத்தா காயஸுசரிதேன ஸமன்னாக³தா வசீஸுசரிதேன ஸமன்னாக³தா மனோஸுசரிதேன ஸமன்னாக³தா அரியானங்

அனுபவாத³கா ஸம்மாதி³ட்டி²கா ஸம்மாதி³ட்டி²கம்மஸமாதா³னா. தே காயஸ்ஸ பே⁴தா³ பரங் மரணா ஸுக³திங் ஸக்³க³ங் லோகங் உபபன்னா.

“தங் கோ² பனாஹங், பி⁴க்க²வே, நாஞ்ஞஸ்ஸ ஸமணஸ்ஸ வா ப்³ராஹ்மணஸ்ஸ வா ஸுத்வா வதா³மி. தி³ட்டா² மயா , பி⁴க்க²வே, ஸத்தா காயஸுசரிதேன ஸமன்னாக³தா வசீஸுசரிதேன ஸமன்னாக³தா மனோஸுசரிதேன ஸமன்னாக³தா அரியானங் அனுபவாத³கா ஸம்மாதி³ட்டி²கா ஸம்மாதி³ட்டி²கம்மஸமாதா³னா. தே காயஸ்ஸ பே⁴தா³ பரங் மரணா ஸுக³திங் ஸக்³க³ங் லோகங் உபபன்னா. அபி ச, பி⁴க்க²வே, யதே³வ ஸாமங் ஞாதங் ஸாமங் தி³ட்ட²ங் ஸாமங் விதி³தங் ததே³வாஹங் வதா³மி.

“தி³ட்டா² மயா, பி⁴க்க²வே, ஸத்தா காயஸுசரிதேன ஸமன்னாக³தா வசீஸுசரிதேன ஸமன்னாக³தா மனோஸுசரிதேன ஸமன்னாக³தா அரியானங் அனுபவாத³கா ஸம்மாதி³ட்டி²கா ஸம்மாதி³ட்டி²கம்மஸமாதா³னா. தே காயஸ்ஸ பே⁴தா³ பரங் மரணா ஸுக³திங் ஸக்³க³ங் லோகங் உபபன்னா”தி. ஏதமத்த²ங் ப⁴க³வா அவோச. தத்தே²தங் இதி வுச்சதி -

“ஸம்மா மனங் பணிதா⁴ய, ஸம்மா வாசஞ்ச பா⁴ஸிய [ஸம்மா வாசங் அபா⁴ஸிய (ஸப்³ப³த்த²)];
ஸம்மா கம்மானி கத்வான, காயேன இத⁴ புக்³க³லோ.

“ப³ஹுஸ்ஸுதோ புஞ்ஞுகரோ, அப்பஸ்மிங் இத⁴ ஜீவிதே;
காயஸ்ஸ பே⁴தா³ ஸப்பஞ்ஞோ, ஸக்³க³ங் ஸோ உபபஜ்ஜதீ”தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. து³தியங்.

3. நிஸ்ஸரணியஸுத்தங்

72. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“திஸ்ஸோ இமா, பி⁴க்க²வே, நிஸ்ஸரணியா [நிஸ்ஸாரணியா (அ. நி. 5.200)] தா⁴துயோ. கதமா திஸ்ஸோ? காமானமேதங் நிஸ்ஸரணங் யதி³த³ங் நெக்க²ம்மங், ரூபானமேதங் நிஸ்ஸரணங் யதி³த³ங் ஆருப்பங், யங் கோ² பன கிஞ்சி பூ⁴தங் ஸங்க²தங் படிச்சஸமுப்பன்னங் நிரோதோ⁴ தஸ்ஸ நிஸ்ஸரணங் - இமா கோ², பி⁴க்க²வே, திஸ்ஸோ நிஸ்ஸரணியா தா⁴துயோ”தி. ஏதமத்த²ங் ப⁴க³வா அவோச. தத்தே²தங் இதி வுச்சதி -

“காமனிஸ்ஸரணங் ஞத்வா, ரூபானஞ்ச அதிக்கமங்;
ஸப்³ப³ஸங்கா²ரஸமத²ங், பு²ஸங் ஆதாபி ஸப்³ப³தா³.

“ஸ வே ஸம்மத்த³ஸோ பி⁴க்கு², யதோ தத்த² விமுச்சதி;

அபி⁴ஞ்ஞாவோஸிதோ ஸந்தோ, ஸ வே யோகா³திகோ³ முனீ³தி.

அயம்பி அத்தோ² வத்தோ ப⁴க³வதா, இதி மே ஸுதந்தி. ததியங்.

4. ஸந்ததரஸுத்தங்

73. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“ருபேஹி, பி⁴க்க²வே, அருபா [ஆருப்பா (ஸீ.)] ஸந்ததரா, அருபேஹி நிரோதோ⁴ ஸந்ததரோ³தி. ஏதமத்த²ங் ப⁴க³வா அவோச. தத்தே²தங் இதி வச்சதி -

“யே ச ருபூபகா³ ஸத்தா, யே ச அருபட்டா²யினோ [ஆருப்பட்டா²யினோ (ஸீ.)];

நிரோத⁴ங் அப்பஜானந்தா, ஆக³ந்தாரோ புனப்ப³ப⁴வங்.

“யே ச ருபே பரிஞ்ஞாய, அருபேஸு அஸண்டி²தா;
நிரோதே⁴ யே விமுச்சந்தி, தே ஜனா மச்சஹாயினோ.

“காயேன அமதங் தா⁴துங், பு²ஸயித்வா நிருபதி⁴ங்;
உபதி⁴ப்படினிஸ்ஸக்³ங், ஸச்சி²கத்வா அனாஸவோ;
தே³ஸேதி ஸம்மாஸம்பு³த்தோ⁴, அஸோகங் விரஜங் பத³ந்தி.

அயம்பி அத்தோ² வத்தோ ப⁴க³வதா, இதி மே ஸுதந்தி. சதுத்த²ங்.

5. புத்தஸுத்தங்

74. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“தயோமே, பி⁴க்க²வே, புத்தா ஸந்தோ ஸங்விஜ்ஜமானா லோகஸ்மிங்.
கதமே தயோ? அதிஜாதோ, அனுஜாதோ, அவஜாதோதி.

“கத²ஞ்ச , பி⁴க்க²வே, புத்தோ அதிஜாதோ ஹோதி? இத⁴, பி⁴க்க²வே, புத்தஸ்ஸ மாதாபிதரோ ஹோந்தி ந பு³த்த⁴ங் ஸரணங் க³தா, ந த⁴ம்மங் ஸரணங் க³தா, ந ஸங்க⁴ங் ஸரணங் க³தா; பாணாதிபாதா அப்படிவிரதா, அதி³ன்னாதா³னா அப்படிவிரதா, காமேஸுமிச்சா²சாரா அப்படிவிரதா, முஸாவாதா³ அப்படிவிரதா, ஸுராமேரயமஜ்ஜபமாத³ட்டா²னா அப்படிவிரதா, து³ஸ்ஸீலா பாபத⁴ம்மா. புத்தோ ச நேஸங் ஹோதி பு³த்த⁴ங் ஸரணங் க³தோ, த⁴ம்மங் ஸரணங் க³தோ, ஸங்க⁴ங் ஸரணங் க³தோ; பாணாதிபாதா படிவிரதோ, அதி³ன்னாதா³னா படிவிரதோ, காமேஸுமிச்சா²சாரா படிவிரதோ, முஸாவாதா³ படிவிரதோ, ஸுராமேரயமஜ்ஜபமாத³ட்டா²னா படிவிரதோ,

ஸீலவா கல்யாணத⁴ம்மோ. ஏவங் கோ², பி⁴க்க²வே, புத்தோ அதிஜாதோ ஹோதி.

“கத²ஞ்ச , பி⁴க்க²வே, புத்தோ அனுஜாதோ ஹோதி? இத⁴, பி⁴க்க²வே, புத்தஸ்ஸ மாதாபிதரோ ஹோந்தி பு³த்³த⁴ங் ஸரணங் க³தா, த⁴ம்மங் ஸரணங் க³தா, ஸங்க⁴ங் ஸரணங் க³தா; பாணாதிபாதா படிவிரதா, அதி³ன்னாதா³னா படிவிரதா, காமேஸுமிச்சா²சாரா படிவிரதா, முஸாவாதா³ படிவிரதா, ஸுராமேரயமஜ்ஜபமாத³ட்டா²னா படிவிரதா, ஸீலவந்தோ கல்யாணத⁴ம்மா. புத்தோபி நேஸங் ஹோதி பு³த்³த⁴ங் ஸரணங் க³தோ, த⁴ம்மங் ஸரணங் க³தோ, ஸங்க⁴ங் ஸரணங் க³தோ; பாணாதிபாதா படிவிரதோ, அதி³ன்னாதா³னா படிவிரதோ, காமேஸுமிச்சா²சாரா படிவிரதோ, முஸாவாதா³ படிவிரதோ, ஸுராமேரயமஜ்ஜபமாத³ட்டா²னா படிவிரதோ, ஸீலவா கல்யாணத⁴ம்மோ. ஏவங் கோ², பி⁴க்க²வே, புத்தோ அனுஜாதோ ஹோதி.

“கத²ஞ்ச , பி⁴க்க²வே, புத்தோ அவஜாதோ ஹோதி? இத⁴, பி⁴க்க²வே, புத்தஸ்ஸ மாதாபிதரோ ஹோந்தி பு³த்³த⁴ங் ஸரணங் க³தா, த⁴ம்மங் ஸரணங் க³தா, ஸங்க⁴ங் ஸரணங் க³தா; பாணாதிபாதா படிவிரதா, அதி³ன்னாதா³னா படிவிரதா, காமேஸுமிச்சா²சாரா படிவிரதா, முஸாவாதா³ படிவிரதா, ஸுராமேரயமஜ்ஜபமாத³ட்டா²னா படிவிரதா, ஸீலவந்தோ கல்யாணத⁴ம்மா. புத்தோ ச நேஸங் ஹோதி ந பு³த்³த⁴ங் ஸரணங் க³தோ, ந த⁴ம்மங் ஸரணங் க³தோ, ந ஸங்க⁴ங் ஸரணங் க³தோ; பாணாதிபாதா அப்படிவிரதோ, அதி³ன்னாதா³னா அப்படிவிரதோ, காமேஸுமிச்சா²சாரா அப்படிவிரதோ, முஸாவாதா³ அப்படிவிரதோ, ஸுராமேரயமஜ்ஜபமாத³ட்டா²னா அப்படிவிரதோ, து³ஸ்ஸீலோ பாபத⁴ம்மோ. ஏவங் கோ², பி⁴க்க²வே, புத்தோ அவஜாதோ ஹோதி. இமே கோ², பி⁴க்க²வே, தயோ புத்தா ஸந்தோ ஸங்விஜ்ஜமானா லோகஸ்மி³ந்தி. ஏதமத்த²ங் ப⁴க³வா அவோச. தத்தே²தங் இதி வச்சதி -

“அதிஜாதங் அனுஜாதங், புத்தமிச்ச²ந்தி பண்டி³தா;
அவஜாதங் ந இச்ச²ந்தி, யோ ஹோதி குலக³ந்த⁴னோ.

“ஏதே கோ² புத்தா லோகஸ்மிங், யே ப⁴வந்தி உபாஸகா;
ஸத்³தா⁴ ஸீலேன ஸம்பன்னா, வத³ஞ்ஞா வீதமச்ச²ரா;
சந்தோ³ அப்³ப⁴க⁴னா முத்தோ, பரிஸாஸு விரோசரே³தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. பஞ்சமங்.

6. அவுட்டிகஸுத்தங்

75. வுத்தஞ்ஹேதங் ப்⁴க³வதா, வுத்தமரஹதாதி மே ஸுதங் -

“தயோமே, பி⁴க்க²வே, புக்³க³லா ஸந்தோ ஸங்விஜ்ஜமானா லோகஸ்மிங்.
கதமே தயோ? அவுட்டி²கஸமோ , பதே³ஸவஸ்ஸீ, ஸப்³புத்தா²பி⁴வஸ்ஸீ.

“கத²ஞ்ச , பி⁴க்க²வே, புக்³க³லோ அவுட்டி²கஸமோ ஹோதி? இத⁴,
பி⁴க்க²வே, ஏகச்சோ புக்³க³லோ ஸப்³பே³ஸஞ்ஞேவ ந தா³தா ஹோதி,
ஸமணப்³ராஹ்மணகபணத்³தி⁴கவனிப்³புகயாசகானங் [... வணிப்³புகயாசகானங்
(ஸீ:)] அன்னங் பானங் வத்த²ங் யானங் மாலாக³ந்த⁴விலேபனங்
ஸெய்யாவஸத²பதீ³பெய்யங். ஏவங் கோ², பி⁴க்க²வே, புக்³க³லோ
அவுட்டி²கஸமோ ஹோதி.

“கத²ஞ்ச, பி⁴க்க²வே, புக்³க³லோ பதே³ஸவஸ்ஸீ ஹோதி? இத⁴,
பி⁴க்க²வே, ஏகச்சோ புக்³க³லோ ஏகச்சானங் தா³தா (ஹோதி) [() நத்தி²
ஸ்யாமபொத்த²கே], ஏகச்சானங் ந தா³தா ஹோதி
ஸமணப்³ராஹ்மணகபணத்³தி⁴கவனிப்³புகயாசகானங் அன்னங் பானங் வத்த²ங்
யானங் மாலாக³ந்த⁴விலேபனங் ஸெய்யாவஸத²பதீ³பெய்யங். ஏவங் கோ²,
பி⁴க்க²வே, புக்³க³லோ பதே³ஸவஸ்ஸீ ஹோதி.

“கத²ஞ்ச, பி⁴க்க²வே, புக்³க³லோ ஸப்³புத்தா²பி⁴வஸ்ஸீ ஹோதி? இத⁴,
பி⁴க்க²வே, ஏகச்சோ புக்³க³லோ ஸப்³பே³ஸங்வ தே³தி,
ஸமணப்³ராஹ்மணகபணத்³தி⁴கவனிப்³புகயாசகானங் அன்னங் பானங் வத்த²ங்
யானங் மாலாக³ந்த⁴விலேபனங் ஸெய்யாவஸத²பதீ³பெய்யங். ஏவங் கோ²,
பி⁴க்க²வே, புக்³க³லோ ஸப்³புத்தா²பி⁴வஸ்ஸீ ஹோதி. இமே கோ²,
பி⁴க்க²வே, தயோ புக்³க³லா ஸந்தோ ஸங்விஜ்ஜமானா லோகஸ்மி”ந்தி.
ஏதமத்த²ங் ப்⁴க³வா அவோச. தத்தே²தங் இதி வுச்சதி -

“ந ஸமணே ந ப்³ராஹ்மணே, ந கபணத்³தி⁴கவனிப்³புகே;
லத்³தா⁴ன ஸங்விபா⁴ஜேதி, அன்னங் பானஞ்ச போ⁴ஜனங்;
தங் வே அவுட்டி²கஸமோதி, ஆஹு நங் புரிஸாத⁴மங்.

“ஏகச்சானங் ந த³தா³தி, ஏகச்சானங் பவெச்ச²தி;
தங் வே பதே³ஸவஸ்ஸீதி, ஆஹு மேதா⁴வினோ ஜனா.

“ஸுபி⁴க்க²வாசோ புரிஸோ, ஸப்³புபூ⁴தானுகம்பகோ;
ஆமோத³மானோ பகிரேதி, தே³த² தே³தா²தி பா⁴ஸதி.

“யதா²பி மேகோ⁴ த²னயித்வா, க³ஜ்ஜயித்வா பவஸ்ஸதி;
த²லங் நின்னஞ்ச பூரேதி, அபி⁴ஸந்த³ந்தோவ [அபி⁴ஸந்தெ³ந்தோவ (?)]
வாரினா.

“ஏவமேவ இதே⁴கச்சோ, புக³கலோ ஹோதி தாதி³ஸோ;
த⁴ம்மேன ஸங்ஹரித்வான, உட்டா²னாதி⁴க³தங் த⁴னங்;
தப்பேதி அன்னபானேன, ஸம்மா பத்தே வனிப்ப³கே”தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. ச²ட்ட²ங்.

7. ஸுக²பத்த²னாஸுத்தங்

76. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“தீணிமானி, பி⁴க்க²வே, ஸுகா²னி பத்த²யமானோ ஸீலங் ரக்கெ²ய்ய
பண்டி³தோ. கதமானி தீணி? பஸங்ஸா மே ஆக³ச்ச²தூதி [ஆக³ச்ச²ந்தூதி (ஸ்யா.)]
ஸீலங் ரக்கெ²ய்ய பண்டி³தோ, போ⁴கா³ மே உப்பஜ்ஜந்தூதி ஸீலங் ரக்கெ²ய்ய
பண்டி³தோ, காயஸ்ஸ பே⁴தா³ பரங் மரணா ஸுக³திங் ஸக்³கங் லோகங்
உப்பஜ்ஜிஸ்ஸாமீதி ஸீலங் ரக்கெ²ய்ய பண்டி³தோ. இமானி கோ², பி⁴க்க²வே,
தீணி ஸுகா²னி பத்த²யமானோ ஸீலங் ரக்கெ²ய்ய பண்டி³தோ”தி. ஏதமத்த²ங்
ப⁴க³வா அவோச. தத்தே²தங் இதி வுச்சதி -

“ஸீலங் ரக்கெ²ய்ய மேதா⁴வீ, பத்த²யானோ தயோ ஸுகே²;
பஸங்ஸங் வித்தலாப⁴ஞ்ச, பேச்ச ஸக்³கே³ பமோத³னங்.

“அகரொந்தோபி சே பாபங், கரொந்தமுபஸேவதி;
ஸங்கியோ ஹோதி பாபஸ்மிங், அவண்ணோ சஸ்ஸ ரூஹதி.

“யாதி³ஸங் குருதே மித்தங், யாதி³ஸங் சூபஸேவதி;
ஸ வே தாதி³ஸகோ ஹோதி, ஸஹவாஸோ ஹி [ஸஹவாஸோபி
(ஸீ. க.)] தாதி³ஸோ.

“ஸேவமானோ ஸேவமானங், ஸம்பு²ட்டோ² ஸம்பு²ஸங் பரங்;
ஸரோ தி³த்தோ⁴ கலாபங்வ, அலித்தமுபலிம்பதி;
உபலேபப⁴யா [உபலிம்பப⁴யா (க.)] தீ⁴ரோ, நேவ பாபஸகா² ஸியா.

“பூதிமச்ச²ங் குஸக்³கே³ன, யோ நரோ உபனய்ஹதி;
குஸாபி பூதி வாயந்தி, ஏவங் பா³லூபஸேவனா.

“தக³ரஞ்ச பலாஸேன, யோ நரோ உபனய்ஹதி;
பத்தாபி ஸுரபி⁴ வாயந்தி, ஏவங் தீ⁴ரூபஸேவனா.

“தஸ்மா பத்தபுடஸ்ஸேவ [பலாஸபுடஸ்ஸேவ (பீ. க.)], சூத்வா
ஸம்பாகமத்தனோ;
அஸந்தே நுபஸேவெய்ய, ஸந்தே ஸேவெய்ய பண்டி³தோ;

அஸந்தோ நிரயங் நெந்தி, ஸந்தோ பாபெந்தி ஸுக்³க³தி¹ந்தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. ஸத்தமங்.

8. பி⁴து³ரஸுத்தங்

77. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“பி⁴து³ராயங் பி⁴ந்த³ந்தாயங் (ஸ்யா. பீ. க.), பி⁴க்க²வே, காயோ, விஞ்ஞாணங் விராக³த⁴ம்மங், ஸப்³பே³ உபதீ⁴ அனிச்சா து³க்கா² விபரிணாமத⁴ம்மா¹தி. ஏதமத்த²ங் ப⁴க³வா அவோச. தத்தே²தங் இதி வுச்சதி -

“காயஞ்ச பி⁴து³ரங் பி⁴ந்த³ந்தங் (ஸ்யா. பீ. க.) ஞத்வா, விஞ்ஞாணஞ்ச விராகு³னங் [விராகி³கங் (க. ஸீ.), பப⁴ங்கு³ணங் (ஸ்யா.); உபதீ⁴ஸு ப⁴யங் தி³ஸ்வா, ஜாதிமரணமச்சகா³; ஸம்பத்வா பரமங் ஸந்திங், காலங் கங்க²தி பா⁴விதத்தோ¹தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. அட்ட²மங்.

9. தா⁴து³ஸோஸங்ஸந்த³னஸுத்தங்

78. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“தா⁴து³ஸோ, பி⁴க்க²வே, ஸத்தா ஸத்தேஹி ஸத்³தி⁴ங் ஸங்ஸந்த³ந்தி ஸமெந்தி. ஹீனாதி⁴முத்திகா ஸத்தா ஹீனாதி⁴முத்திகேஹி ஸத்தேஹி ஸத்³தி⁴ங் ஸங்ஸந்த³ந்தி ஸமெந்தி, கல்யாணாதி⁴முத்திகா ஸத்தா கல்யாணாதி⁴முத்திகேஹி ஸத்தேஹி ஸத்³தி⁴ங் ஸங்ஸந்த³ந்தி ஸமெந்தி.

“அதீதம்பி, பி⁴க்க²வே, அத்³தா⁴னங் தா⁴து³ஸோவ ஸத்தா ஸத்தேஹி ஸத்³தி⁴ங் ஸங்ஸந்தி³ங்ஸு ஸமிங்ஸு. ஹீனாதி⁴முத்திகா ஸத்தா ஹீனாதி⁴முத்திகேஹி ஸத்தேஹி ஸத்³தி⁴ங் ஸங்ஸந்தி³ங்ஸு ஸமிங்ஸு, கல்யாணாதி⁴முத்திகா ஸத்தா கல்யாணாதி⁴முத்திகேஹி ஸத்தேஹி ஸத்³தி⁴ங் ஸங்ஸந்தி³ங்ஸு ஸமிங்ஸு.

“அனாக³தம்பி , பி⁴க்க²வே, அத்³தா⁴னங் தா⁴து³ஸோவ ஸத்தா ஸத்தேஹி ஸத்³தி⁴ங் ஸங்ஸந்தி³ஸ்ஸந்தி ஸமெஸ்ஸந்தி. ஹீனாதி⁴முத்திகா ஸத்தா ஹீனாதி⁴முத்திகேஹி ஸத்தேஹி ஸத்³தி⁴ங் ஸங்ஸந்தி³ஸ்ஸந்தி ஸமெஸ்ஸந்தி, கல்யாணாதி⁴முத்திகா ஸத்தா கல்யாணாதி⁴முத்திகேஹி ஸத்தேஹி ஸத்³தி⁴ங் ஸங்ஸந்தி³ஸ்ஸந்தி ஸமெஸ்ஸந்தி.

“ஏதரஹிபி, பி⁴க்க²வே, பச்சப்பனங் அத்³தா⁴னங் தா⁴துஸோவ ஸத்தா ஸத்தேஹி ஸத்³தி⁴ங் ஸங்ஸந்த³ந்தி ஸமெந்தி. ஹீனாதி⁴முத்திகா ஸத்தா ஹீனாதி⁴முத்திகேஹி ஸத்தேஹி ஸத்³தி⁴ங் ஸங்ஸந்த³ந்தி ஸமெந்தி, கல்யாணாதி⁴முத்திகா ஸத்தா கல்யாணாதி⁴முத்திகேஹி ஸத்தேஹி ஸத்³தி⁴ங் ஸங்ஸந்த³ந்தி ஸமெந்தி”தி. ஏதமத்த²ங் ப⁴க³வா அவோச. தத்தே²தங் இதி வச்சதி -

“ஸங்ஸக்³கா³ வனதோ² ஜாதோ, அஸங்ஸக்³கே³ன சி²ஜ்ஜதி;
பரித்தங் தா³ருமாருய்ஹ, யதா² ஸீதே³ மஹண்ணவே.

“ஏவங் குஸீதமாக³ம்ம, ஸாது⁴ஜீவீபி ஸீத³தி;
தஸ்மா தங் பரிவஜ்ஜெய்ய, குஸீதங் ஹீனவீரியங்.

“பவிவித்தேஹி அரியேஹி, பஹிதத்தேஹி ஜா²யிபி⁴;
நிச்சங் ஆரத்³த⁴வீரியேஹி, பண்டி³தேஹி ஸஹாவஸே”தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. நவமங்.

10. பரிஹானஸுத்தங்

79. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“தயோமே, பி⁴க்க²வே, த⁴ம்மா ஸேக²ஸ்ஸ பி⁴க்கு²னோ பரிஹானாய ஸங்வத்தந்தி. கதமே தயோ? இத⁴, பி⁴க்க²வே, ஸேகோ² பி⁴க்கு² கம்மாராமோ ஹோதி, கம்மரதோ, கம்மாராமதமனுயுத்தோ; ப⁴ஸ்ஸாராமோ ஹோதி, ப⁴ஸ்ஸரதோ, ப⁴ஸ்ஸாராமதமனுயுத்தோ; நித்³தா³ராமோ ஹோதி, நித்³தா³ரதோ, நித்³தா³ராமதமனுயுத்தோ. இமே கோ², பி⁴க்க²வே, தயோ த⁴ம்மா ஸேக²ஸ்ஸ பி⁴க்கு²னோ பரிஹானாய ஸங்வத்தந்தி.

“தயோமே, பி⁴க்க²வே, த⁴ம்மா ஸேக²ஸ்ஸ பி⁴க்கு²னோ அபரிஹானாய ஸங்வத்தந்தி. கதமே தயோ? இத⁴, பி⁴க்க²வே, ஸேகோ² பி⁴க்கு² ந கம்மாராமோ ஹோதி, ந கம்மரதோ, ந கம்மாராமதமனுயுத்தோ; ந ப⁴ஸ்ஸாராமோ ஹோதி, ந ப⁴ஸ்ஸரதோ, ந ப⁴ஸ்ஸாராமதமனுயுத்தோ; ந நித்³தா³ராமோ ஹோதி, ந நித்³தா³ரதோ , ந நித்³தா³ராமதமனுயுத்தோ. இமே கோ², பி⁴க்க²வே, தயோ த⁴ம்மா ஸேக²ஸ்ஸ பி⁴க்கு²னோ அபரிஹானாய ஸங்வத்தந்தி”தி. ஏதமத்த²ங் ப⁴க³வா அவோச. தத்தே²தங் இதி வச்சதி -

“கம்மாராமோ ப⁴ஸ்ஸாராமோ [ப⁴ஸ்ஸரதோ (ஸப்³ப³த³)],
நித்³தா³ராமோ ச உத்³த⁴தோ;
அப⁴ப்³போ³ தாதி³ஸோ பி⁴க்கு², பு²ட்²டு²ங் ஸம்போ³தி⁴முத்தமங்.

“தஸ்மா ஹி அப்பகிச்சஸ்ஸ, அப்பமித்³தோ⁴ அனுத்³த⁴தோ;
ப⁴ப³போ³ ஸோ தாதி³ஸோ பி⁴க்கு², பு²ட்டு²ங்
ஸம்போ³தி⁴முத்தம”ந்தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. த³ஸமங்.

ததியோ வக்³கோ³ நி²டி²தோ.

தஸ்ஸுத்³தா³னங் -

த்³வே தி³ட்டி² நிஸ்ஸரணங் ரூபங், புத்தோ அவுட்டி²கேன ச;
ஸுகா² ச பி⁴து³ரோ [பி⁴ந்த³னா (ஸப்³புத்த²)] தா⁴து, பரிஹாணேன தே
த³ஸாதி.

4. சதுத்த²வக்³கோ³

1. விதக்கஸுத்தங்

80. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“தயோமே, பி⁴க்க²வே, அகுஸலவிதக்கா. கதமே தயோ?
அனவஞ்ஞத்திபடிஸங்யுத்தோ விதக்கோ,
லாப⁴ஸக்காரஸிலோகபடிஸங்யுத்தோ விதக்கோ,
பரானுத்³த³யதாபடிஸங்யுத்தோ விதக்கோ. இமே கோ², பி⁴க்க²வே, தயோ
அகுஸலவிதக்கா”தி . ஏதமத்த²ங் ப⁴க³வா அவோச. தத்தே²தங் இதி வுச்சதி -

“அனவஞ்ஞத்திஸங்யுத்தோ, லாப⁴ஸக்காரகா³ரவோ;
ஸஹனந்தீ³ அமச்சேஹி, ஆரா ஸங்யோஜனக்க²யா.

“யோ ச புத்தபஸுங் ஹித்வா, விவாஹே ஸங்ஹரானி [ஸங்க³ஹானி
(க. ஸீ. ஸ்யா. பீ.)] ச;
ப⁴ப³போ³ ஸோ தாதி³ஸோ பி⁴க்கு², பு²ட்டு²ங்
ஸம்போ³தி⁴முத்தம”ந்தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. பட²மங்.

2. ஸக்காரஸுத்தங்

81. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“தி³ட்டா² மயா, பி⁴க்க²வே, ஸத்தா ஸக்காரேன அபி⁴பூ⁴தா,
பரியாதி³ன்னசித்தா, காயஸ்ஸ பே⁴தா³ பரங் மரணா அபாயங் து³க்க³திங்

வினிபாதங் நிரயங் உபபன்னா.

“தி³ட்டா² மயா, பி⁴க்க²வே, ஸத்தா அஸக்காரேன அபி⁴பூ⁴தா, பரியாதி³ன்னசித்தா, காயஸ்ஸ பே⁴தா³ பரங் மரணா அபாயங் து³க்க³திங் வினிபாதங் நிரயங் உபபன்னா.

“தி³ட்டா² மயா, பி⁴க்க²வே, ஸத்தா ஸக்காரேன ச அஸக்காரேன ச தது³ப⁴யேன அபி⁴பூ⁴தா, பரியாதி³ன்னசித்தா, காயஸ்ஸ பே⁴தா³ பரங் மரணா அபாயங் து³க்க³திங் வினிபாதங் நிரயங் உபபன்னா.

“தங் கோ² பனாஹங், பி⁴க்க²வே, நாஞ்ஞஸ்ஸ ஸமணஸ்ஸ வா ப்ராஹ்மணஸ்ஸ வா ஸுத்வா வதா³மி; () [(தி³ட்டா² மயா பி⁴க்க²வே ஸத்தா ஸக்காரேன அபி⁴பூ⁴தா. ...பே... அஸக்காரேன அபி⁴பூ⁴தா ...பே... ஸக்காரேன ச அஸக்காரேன ச தது³ப⁴யேன அபி⁴பூ⁴தா பரியாதி³ன்னசித்தா காயஸ்ஸ பே⁴தா³ பரங் மரணா அபாயங் து³க்க³திங் வினிபாதங் நிரயங் உபபன்னா.) (ஸ்யா.) புரிமவக்³கே³ மிச்சா²தி³ட்டி²கஸம்மாதி³ட்டி²கஸுத்தேஹி பன ஸமேதி, அன்வயப்³யதிரேகவாக்யானங் பன அனந்தரிதத்தா பாஸங்ஸதரா.)] அபி ச, பி⁴க்க²வே, யதே³வ மே ஸாமங் ஞாதங் ஸாமங் தி³ட்ட²ங் ஸாமங் விதி³தங் தமேவாஹங் வதா³மி.

“தி³ட்டா² மயா, பி⁴க்க²வே, ஸத்தா ஸக்காரேன அபி⁴பூ⁴தா, பரியாதி³ன்னசித்தா, காயஸ்ஸ பே⁴தா³ பரங் மரணா அபாயங் து³க்க³திங் வினிபாதங் நிரயங் உபபன்னா.

“தி³ட்டா² மயா, பி⁴க்க²வே, ஸத்தா அஸக்காரேன அபி⁴பூ⁴தா, பரியாதி³ன்னசித்தா, காயஸ்ஸ பே⁴தா³ பரங் மரணா அபாயங் து³க்க³திங் வினிபாதங் நிரயங் உபபன்னா.

“தி³ட்டா² மயா, பி⁴க்க²வே, ஸத்தா ஸக்காரேன ச அஸக்காரேன ச தது³ப⁴யேன அபி⁴பூ⁴தா, பரியாதி³ன்னசித்தா, காயஸ்ஸ பே⁴தா³ பரங் மரணா அபாயங் து³க்க³திங் வினிபாதங் நிரயங் உபபன்னா”தி. ஏதமத்த²ங் ப⁴க³வா அவோச. தத்தே²தங் இதி வுச்சதி -

“யஸ்ஸ ஸக்கரியமானஸ்ஸ, அஸக்காரேன சூப⁴யங்; ஸமாதி⁴ ந விகம்பதி, அப்பமாத³விஹாரினோ [அப்பமாணவிஹாரினோ (ஸீ. அட்ட²).].

“தங் ஜா²யினங் ஸாததிகங், ஸுகு²மங் தி³ட்டி²விபஸ்ஸகங் ; உபாதா³னக்க²யாராமங், ஆஹு ஸப்புரிஸோ இதீ”தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. து³தியங்.

3. தே³வஸத்³த³ஸுத்தங்

82. வுத்தஞ்ஹேதங் ப்⁴க³வதா, வுத்தமரஹதாதி மே ஸுதங் -

“தயோமே, பி்⁴க்க²வே, தே³வேஸு தே³வஸத்³தா³ நிச்ச²ரந்தி ஸமயா ஸமயங் உபாதா³ய. கதமே தயோ? யஸ்மிங், பி்⁴க்க²வே, ஸமயே அரியஸாவகோ கேஸமஸ்ஸுங் ஓஹாரெத்வா காஸாயானி வத்தா²னி அச்ச²தெ³த்வா அகா³ரஸ்மா அனகா³ரியங் பப்³ப³ஜ்ஜாய சேதேதி, தஸ்மிங் ஸமயே **தஸ்மிங் பி்⁴க்க²வே ஸமயே (பீ. க.)** தே³வேஸு தே³வஸத்³தோ³ நிச்ச²ரதி - ‘ஏஸோ அரியஸாவகோ மாரேன ஸத்³தி்⁴ங் ஸங்கா³மாய சேதேதீ³தி. அயங், பி்⁴க்க²வே, பட²மோ தே³வேஸு தே³வஸத்³தோ³ நிச்ச²ரதி ஸமயா ஸமயங் உபாதா³ய.

“புன சபரங், பி்⁴க்க²வே, யஸ்மிங் ஸமயே அரியஸாவகோ ஸத்தன்னங் போ³தி்⁴பக்கி²யானங் த்⁴ம்மானங் பா்⁴வனானுயோக³மனுயுத்தோ விஹரதி, தஸ்மிங் ஸமயே தே³வேஸு தே³வஸத்³தோ³ நிச்ச²ரதி - ‘ஏஸோ அரியஸாவகோ மாரேன ஸத்³தி்⁴ங் ஸங்கா³மேதீ³தி. அயங், பி்⁴க்க²வே, து³தியோ தே³வேஸு தே³வஸத்³தோ³ நிச்ச²ரதி ஸமயா ஸமயங் உபாதா³ய.

“புன சபரங், பி்⁴க்க²வே, யஸ்மிங் ஸமயே அரியஸாவகோ ஆஸவானங் க²யா அனாஸவங் சேதோவிமுத்திங் பஞ்ஞாவிமுத்திங் தி³ட்டே²வ த்⁴ம்மே ஸயங் அபி்⁴ஞ்ஞா ஸச்சி²கத்வா உபஸம்பஜ்ஜ விஹரதி, தஸ்மிங் ஸமயே தே³வேஸு தே³வஸத்³தோ³ நிச்ச²ரதி - ‘ஏஸோ அரியஸாவகோ விஜிதஸங்கா³மோ தமேவ ஸங்கா³மஸ்ஸங் அபி்⁴விஜிய அஜ்ஜா²வஸதீ³தி. அயங், பி்⁴க்க²வே, ததியோ தே³வேஸு தே³வஸத்³தோ³ நிச்ச²ரதி ஸமயா ஸமயங் உபாதா³ய. இமே கோ², பி்⁴க்க²வே, தயோ தே³வேஸு தே³வஸத்³தா³ நிச்ச²ரந்தி ஸமயா ஸமயங் உபாதா³யா³தி. ஏதமத்த²ங் ப்⁴க³வா அவோச. தத்தே²தங் இதி வுச்சதி -

“தி³ஸ்வா விஜிதஸங்கா³மங், ஸம்மாஸம்பு³த்³த்⁴ஸாவகங்; தே³வதாபி நமஸ்ஸந்தி, மஹந்தங் வீதஸாரத³ங்.

“நமோ தே புரிஸாஜஞ்ஞ, யோ த்வங் து³ஜ்ஜயமஜ்ஜ²பு்⁴; ஜெத்வான மச்சனோ ஸேனங், விமொக்கே²ன அனாவரங்.

“இதி ஹேதங் நமஸ்ஸந்தி, தே³வதா பத்தமானஸங்; தஞ்ஹி தஸ்ஸ ந பஸ்ஸந்தி, யேன மச்சவஸங் வஜே³தி.

அயம்பி அத்தோ² வுத்தோ ப்⁴க³வதா, இதி மே ஸுதந்தி. ததியங்.

4. பஞ்சபுப்³ப³னிமித்தஸுத்தங்

83. வுத்தஞ்ஹேதங் ப்⁴க³வதா, வுத்தமரஹதாதி மே ஸுதங் -

“யதா³, பி⁴க்க²வே, தே³வோ தே³வகாயா சவனத⁴ம்மோ ஹோதி,
பஞ்சஸ்ஸ புப்³புனிமித்தானி பாதுப⁴வந்தி - மாலா மிலாயந்தி, வத்தா²னி
கிலிஸ்ஸந்தி, கச்சே²ஹி ஸேதா³ முச்சந்தி, காயே துப்³புண்ணியங் ஓக்கமதி,
ஸகே தே³வோ தே³வாஸனே நாபி⁴ரமதீதி. தமேனங், பி⁴க்க²வே, தே³வா
‘சவனத⁴ம்மோ அயங் தே³வபுத்தோ³தி இதி விதி³த்வா தீஹி வாசாஹி
அனுமோதெ³ந்தி [அனுமோத³ந்தி (ஸீ. ஸ்யா. பீ.)] - ‘இதோ, போ⁴, ஸுக³திங்
கச்ச², ஸுக³திங் கந்த்வா ஸுலத்த⁴லாப⁴ங் லப⁴, ஸுலத்த⁴லாப⁴ங்
லபி⁴த்வா ஸுப்பதிட்டி²தோ ப⁴வாஹி”தி.

ஏவங் வுத்தே, அஞ்ஞதரோ பி⁴க்கு² ப்⁴க³வந்தங் ஏதத³வோச - “கின்னு
கோ², ப்⁴ந்தே, தே³வானங் ஸுக³திக³மனஸங்கா²தங்; கிஞ்ச, ப்⁴ந்தே,
தே³வானங் ஸுலத்த⁴லாப⁴ஸங்கா²தங் ; கிங் பன, ப்⁴ந்தே, தே³வானங்
ஸுப்பதிட்டி²தஸங்கா²த”ந்தி?

“மனுஸ்ஸத்தங் கோ², பி⁴க்கு² [பி⁴க்க²வே (ஸ்யா. பீ.)], தே³வானங்
ஸுக³திக³மனஸங்கா²தங்; யங் மனுஸ்ஸபூ⁴தோ ஸமானோ
ததா²க³தப்பவேதி³தே த⁴ம்மவினயே ஸத்த⁴ங் படிஸப⁴தி. இத³ங் கோ²,
பி⁴க்கு² [பி⁴க்க²வே (ஸ்யா. பீ.)], தே³வானங் ஸுலத்த⁴லாப⁴ஸங்கா²தங்;
ஸா கோ² பனஸ்ஸ ஸத்தா⁴ நிவிட்டா² ஹோதி மூலஜாதா பதிட்டி²தா
த³ஹா அஸங்ஹாரியா ஸமணேன வா ப்³ராஹ்மணேன வா தே³வேன வா
மாரேன வா ப்³ரஹ்முனா வா கேனசி வா லோகஸ்மிங். இத³ங் கோ², பி⁴க்கு²
[பி⁴க்க²வே (ஸ்யா. பீ.)], தே³வானங் ஸுப்பதிட்டி²தஸங்கா²த”ந்தி. ஏதமத்த²ங்
ப்⁴க³வா அவோச. தத்தே²தங் இதி வுச்சதி -

“யதா³ தே³வோ தே³வகாயா, சவதி ஆயுஸங்க²யா;
தயோ ஸத்தா³ நிச்ச²ரந்தி, தே³வானங் அனுமோத³தங்.

“இதோ போ⁴ ஸுக³திங் கச்ச², மனுஸ்ஸானங் ஸஹப்³யதங்;
மனுஸ்ஸபூ⁴தோ ஸத்த⁴ம்மே, லப⁴ ஸத்த⁴ங் அனுத்தரங்.

“ஸா தே ஸத்தா⁴ நிவிட்ட²ஸ்ஸ, மூலஜாதா பதிட்டி²தா;
யாவஜீவங் அஸங்ஹீரா, ஸத்த⁴ம்மே ஸுப்பவேதி³தே.

“காயது³ச்சரிதங் ஹித்வா, வசீது³ச்சரிதானி ச;
மனோது³ச்சரிதங் ஹித்வா, யஞ்சஞ்ஞங் தோ³ஸஸஞ்ஹிதங்.

“காயேன குஸலங் கத்வா, வாசாய குஸலங் ப்³ஹுங்;
மனஸா குஸலங் கத்வா, அப்பமாணங் நிருபதி⁴ங்.

“ததோ ஓபதி⁴கங் புஞ்ஞங், கத்வா தா³னேன தங் ப³ஹுங்;
அஞ்ஞேபி மச்சே ஸத்³த⁴ம்மே, ப்³ரஹ்மசரியே நிவேஸய’ [நிவேஸயே](#)
(ஸீ. ஸ்யா.).

“இமாய அனுகம்பாய, தே³வா தே³வங் யதா³ விதா³;
சவந்தங் அனுமோதே³ந்தி, ஏஹி தே³வ புனப்புன”ந்தி.

அயம்பி அத்தோ² வத்தோ ப⁴க³வதா, இதி மே ஸுதந்தி. சதுத்த²ங்.

5. ப³ஹுஜனஹிதஸுத்தங்

84. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“தயோமே புக்³லா லோகே உப்பஜ்ஜமானா உப்பஜ்ஜந்தி ப³ஹுஜனஹிதாய
ப³ஹுஜனஸுகா²ய லோகானுகம்பாய அத்தா²ய ஹிதாய ஸுகா²ய
தே³வமனுஸ்ஸானங். கதமே தயோ? இத⁴, பி⁴க்க²வே, ததா²க³தோ லோகே
உப்பஜ்ஜதி அரஹங் ஸம்மாஸம்புத்தோ⁴ விஜ்ஜாசரணஸம்பன்னோ
ஸுக³தோ லோகவிதா³ அனுத்தரோ புரிஸத³ம்மஸாரதி² ஸத்தா²
தே³வமனுஸ்ஸானங் புத்தோ⁴ ப⁴க³வா. ஸோ த⁴ம்மங் தே³ஸேதி
ஆதி³கல்யாணங் மஜ்ஜே²கல்யாணங் பரியோஸானகல்யாணங் ஸாத்த²ங்
ஸப்³யஞ்ஜனங், கேவலபரிபுண்ணங் பரிஸுத்³த⁴ங் ப்³ரஹ்மசரியங் பகாஸேதி.
அயங், பி⁴க்க²வே, பட²மோ புக்³லோ லோகே உப்பஜ்ஜமானோ உப்பஜ்ஜதி
ப³ஹுஜனஹிதாய ப³ஹுஜனஸுகா²ய லோகானுகம்பாய அத்தா²ய ஹிதாய
ஸுகா²ய தே³வமனுஸ்ஸானங்.

“புன சபரங், பி⁴க்க²வே, தஸ்ஸேவ ஸத்து² [\[ஸத்து²னோ \(ஸ்யா.\)\]](#)
ஸாவகோ அரஹங் ஹோதி கீணாஸவோ வுஸிதவா கதகரணீயோ
ஓஹிதபா⁴ரோ அனுப்பத்தஸத³த்தோ² பரிகீணப⁴வஸங்யோஜனோ
ஸம்மத³ஞ்ஞா விமுத்தோ. ஸோ த⁴ம்மங் தே³ஸேதி ஆதி³கல்யாணங்
மஜ்ஜே²கல்யாணங் பரியோஸானகல்யாணங் ஸாத்த²ங் ஸப்³யஞ்ஜனங்,
கேவலபரிபுண்ணங் பரிஸுத்³த⁴ங் ப்³ரஹ்மசரியங் பகாஸேதி. அயங்,
பி⁴க்க²வே, து³தியோ புக்³லோ லோகே உப்பஜ்ஜமானோ உப்பஜ்ஜதி
ப³ஹுஜனஹிதாய ப³ஹுஜனஸுகா²ய லோகானுகம்பாய அத்தா²ய ஹிதாய
ஸுகா²ய தே³வமனுஸ்ஸானங்.

“புன சபரங், பி⁴க்க²வே, தஸ்ஸேவ ஸத்து² ஸாவகோ ஸேகோ² ஹோதி
பாடிபதோ³ ப³ஹுஸ்ஸுதோ ஸீலவதூபபன்னோ. ஸோபி [\[ஸோ \(?\)\]](#) த⁴ம்மங்
தே³ஸேதி ஆதி³கல்யாணங் மஜ்ஜே²கல்யாணங் பரியோஸானகல்யாணங்
ஸாத்த²ங் ஸப்³யஞ்ஜனங், கேவலபரிபுண்ணங் பரிஸுத்³த⁴ங் ப்³ரஹ்மசரியங்
பகாஸேதி. அயங், பி⁴க்க²வே, ததியோ புக்³லோ லோகே உப்பஜ்ஜமானோ

உப்பஜ்ஜதி ப்ஹுஜனஹிதாய ப்ஹுஜனஸுகா²ய லோகானுகம்பாய அத்தா²ய ஹிதாய ஸுகா²ய தே³வமனுஸ்ஸானங். இமே கோ², பி்⁴க்க²வே, தயோ புக்³க³லா லோகே உப்பஜ்ஜமானா உப்பஜ்ஜந்தி ப்ஹுஜனஹிதாய ப்ஹுஜனஸுகா²ய லோகானுகம்பாய அத்தா²ய ஹிதாய ஸுகா²ய தே³வமனுஸ்ஸானந்தி. ஏதமத்த²ங் ப்⁴க³வா அவோச. தத்தே²தங் இதி வுச்சதி -

“ஸத்தா² ஹி லோகே பட²மோ மஹேஸி, தஸ்ஸன்வயோ ஸாவகோ பா்⁴விதத்தோ;
அதா²பரோ பாடிபதோ³பி ஸேகோ², ப்ஹுஸ்ஸுதோ ஸீலவதூபபன்னோ.

“ஏதே தயோ தே³வமனுஸ்ஸஸெட்டா², பப்⁴ங்கரா த்⁴ம்மமுதீ³ரயந்தா;
அபாபுரந்தி [அபாபுரெந்தி (க.)] அமதஸ்ஸ த்³வாரங், யோகா³ பமோசெந்தி [யாகா³ பமுச்சந்தி (ஸீ.), யோகா³ மோசந்தி (ஸ்யா.)] ஹுஜ்ஜனங் தே.

“யே ஸத்த²வாஹேன அனுத்தரேன, ஸுதே³ஸிதங் மக்³க³மனுக்கமந்தி [மக்³க³மனுக்³க³மந்தி (ஸீ. க.)];
இதே⁴வ து³க்க²ஸ்ஸ கரொந்தி அந்தங், யே அப்பமத்தா ஸுக³தஸ்ஸ ஸாஸனே”தி.

அயம்பி அத்தோ² வுத்தோ ப்⁴க³வதா, இதி மே ஸுதந்தி. பஞ்சமங்.

6. அஸுபா்⁴னுபஸ்ஸீஸுத்தங்

85. வுத்தஞ்ஹேதங் ப்⁴க³வதா, வுத்தமரஹதாதி மே ஸுதங் -

“அஸுபா்⁴னுபஸ்ஸீ, பி்⁴க்க²வே, காயஸ்மிங் விஹரத²; ஆனாபானஸ்ஸதி ச வோ அஜ்ஜ²த்தங் பரிமுக²ங் ஸுபட்டி²தா ஹோது; ஸப்³ப³ஸங்கா²ரேஸு அனிச்சானுபஸ்ஸினோ விஹரத². அஸுபா்⁴னுபஸ்ஸீனங், பி்⁴க்க²வே, காயஸ்மிங் விஹரதங் யோ ஸுபா்⁴ய தா்⁴துயா ராகா³னுஸயோ ஸோ பஹீயதி [பஹிய்யதி (க.)]. ஆனாபானஸ்ஸதியா அஜ்ஜ²த்தங் பரிமுக²ங் ஸுபட்டி²திதாய யே பா³ஹிரா விதக்காஸயா விகா்⁴தபக்கி²கா, தே ந ஹொந்தி. ஸப்³ப³ஸங்கா²ரேஸு அனிச்சானுபஸ்ஸீனங் விஹரதங் யா அவிஜ்ஜா ஸா பஹீயதி, யா விஜ்ஜா ஸா உப்பஜ்ஜதீ”தி. ஏதமத்த²ங் ப்⁴க³வா அவோச. தத்தே²தங் இதி வுச்சதி -

“அஸுபா்⁴னுபஸ்ஸீ காயஸ்மிங், ஆனாபானே படிஸ்ஸதோ;
ஸப்³ப³ஸங்கா²ரஸமத²ங், பஸ்ஸங் ஆதாபி ஸப்³ப³தா³.

“ஸ வே ஸம்மத்³த³ஸோ பி்⁴க்கு², யதோ தத்த² விமுச்சதி;
அபி்⁴ஞ்ஞாவோஸிதோ ஸந்தோ, ஸ வே யோகா³திகோ³ முனீ”தி.

அயம்பி அத்தோ² வத்தோ ப⁴க³வதா, இதி மே ஸுதந்தி. ச²ட்ட²ங்.

7. த⁴ம்மானுத⁴ம்மபடிபன்னஸுத்தங்

86. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“த⁴ம்மானுத⁴ம்மபடிபன்னஸு பி⁴க்கு²னோ அயமனுத⁴ம்மோ ஹோதி வெய்யாகரணாய - த⁴ம்மானுத⁴ம்மபடிபன்னோயந்தி பா⁴ஸமானோ த⁴ம்மஞ்ஞேவ பா⁴ஸதி நோ அத⁴ம்மங், விதக்கயமானோ வா த⁴ம்மவிதக்கஞ்ஞேவ விதக்கேதி நோ அத⁴ம்மவிதக்கங், தது³ப⁴யங் வா பன அபி⁴னிவேஜ்ஜெத்வா உபெக்க²கோ விஹரதி ஸதோ ஸம்பஜானோ”தி. ஏதமத்த²ங் ப⁴க³வா அவோச. தத்தே²தங் இதி வுச்சதி -

“த⁴ம்மாராமோ த⁴ம்மரதோ, த⁴ம்மங் அனுவிசிந்தயங்;
த⁴ம்மங் அனுஸ்ஸரங் பி⁴க்கு², ஸத்³த⁴ம்மா ந பரிஹாயதி.

“சரங் வா யதி³ வா திட்ட²ங், நிஸின்னோ உத³ வா ஸயங்;
அஜ்ஜ²த்தங் ஸமயங் சித்தங், ஸந்திமேவாதி⁴க³ச்ச²தி”தி.

அயம்பி அத்தோ² வத்தோ ப⁴க³வதா, இதி மே ஸுதந்தி. ஸத்தமங்.

8. அந்த⁴கரணஸுத்தங்

87. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“தயோமே , பி⁴க்க²வே, அகுஸலவிதக்கா அந்த⁴கரணா அசக்கு²கரணா அஞ்ஞாணகரணா பஞ்ஞானிரோதி⁴கா விகா⁴தபக்கி²கா அனிப்³பா³னஸங்வத்தனிகா . கதமே தயோ? காமவிதக்கோ, பி⁴க்க²வே, அந்த⁴கரணா அசக்கு²கரணா அஞ்ஞாணகரணா பஞ்ஞானிரோதி⁴கோ விகா⁴தபக்கி²கோ அனிப்³பா³னஸங்வத்தனிகோ. ப்யாபாத³விதக்கோ, பி⁴க்க²வே, அந்த⁴கரணா அசக்கு²கரணா அஞ்ஞாணகரணா பஞ்ஞானிரோதி⁴கோ விகா⁴தபக்கி²கோ அனிப்³பா³னஸங்வத்தனிகோ. விஹிங்ஸாவிதக்கோ, பி⁴க்க²வே, அந்த⁴கரணா அசக்கு²கரணா அஞ்ஞாணகரணா பஞ்ஞானிரோதி⁴கோ விகா⁴தபக்கி²கோ அனிப்³பா³னஸங்வத்தனிகோ. இமே கோ², பி⁴க்க²வே, தயோ அகுஸலவிதக்கா அந்த⁴கரணா அசக்கு²கரணா அஞ்ஞாணகரணா பஞ்ஞானிரோதி⁴கா விகா⁴தபக்கி²கா அனிப்³பா³னஸங்வத்தனிகா.

“தயோமே, பி⁴க்க²வே, குஸலவிதக்கா அனந்த⁴கரணா சக்கு²கரணா ஞாணகரணா பஞ்ஞாவுத்³தி⁴கா அவிகா⁴தபக்கி²கா நிப்³பா³னஸங்வத்தனிகா. கதமே தயோ? நெக்க²ம்மவிதக்கோ, பி⁴க்க²வே, அனந்த⁴கரணா

சக்கு²கரணோ ஞாணகரணோ பஞ்ஞாவுத்³தி⁴கோ அவிகா⁴தபக்கி²கோ நிப்³பா³னஸங்வத்தனிகோ. அப்³யாபாத³விதக்கோ, பி⁴க்க²வே, அனந்த⁴கரணோ சக்கு²கரணோ ஞாணகரணோ பஞ்ஞாவுத்³தி⁴கோ அவிகா⁴தபக்கி²கோ நிப்³பா³னஸங்வத்தனிகோ. அவிஹிங்ஸாவிதக்கோ, பி⁴க்க²வே, அனந்த⁴கரணோ சக்கு²கரணோ ஞாணகரணோ பஞ்ஞாவுத்³தி⁴கோ அவிகா⁴தபக்கி²கோ நிப்³பா³னஸங்வத்தனிகோ. இமே கோ², பி⁴க்க²வே, தயோ குஸலவிதக்கா அனந்த⁴கரணா சக்கு²கரணா ஞாணகரணா பஞ்ஞாவுத்³தி⁴கா அவிகா⁴தபக்கி²கா நிப்³பா³னஸங்வத்தனிகா”தி. ஏதமத்த²ங் ப⁴க³வா அவோச. தத்தே²தங் இதி வுச்சதி -

“தயோ விதக்கே குஸலே விதக்கயே, தயோ பன அகுஸலே நிராகரே; ஸ வே விதக்கானி விசாரிதானி, ஸமேதி வுட்⁴வ ரஜங் ஸமுஹதங்; ஸ வே விதக்கூபஸமேன சேதஸா, இதே⁴வ ஸோ ஸந்திபத³ங் ஸமஜ்ஜ²கா³”தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. அட்ட²மங்.

9. அந்தராமலஸுத்தங்

88. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“தயோமே, பி⁴க்க²வே, அந்தராமலா அந்தராஅமித்தா அந்தராஸபத்தா அந்தராவத⁴கா அந்தராபச்சத்தி²கா. கதமே தயோ? லோபோ⁴, பி⁴க்க²வே, அந்தராமலோ அந்தராஅமித்தோ அந்தராஸபத்தோ அந்தராவத⁴கோ அந்தராபச்சத்தி²கோ. தோ³ஸோ, பி⁴க்க²வே, அந்தராமலோ அந்தராஅமித்தோ அந்தராஸபத்தோ அந்தராவத⁴கோ அந்தராபச்சத்தி²கோ. மோஹோ, பி⁴க்க²வே, அந்தராமலோ அந்தராஅமித்தோ அந்தராஸபத்தோ அந்தராவத⁴கோ அந்தராபச்சத்தி²கோ. இமே கோ², பி⁴க்க²வே, தயோ அந்தராமலா அந்தராஅமித்தா அந்தராஸபத்தா அந்தராவத⁴கா அந்தராபச்சத்தி²கா”தி. ஏதமத்த²ங் ப⁴க³வா அவோச. தத்தே²தங் இதி வுச்சதி -

“அனத்த²ஜனநோ லோபோ⁴, லோபோ⁴ சித்தப்பகோபனோ; ப⁴யமந்தரதோ ஜாதங், தங் ஜனோ நாவபு³ஜ்ஜ²தி.

“லுத்³தோ⁴ அத்த²ங் ந ஜானாதி, லுத்³தோ⁴ த⁴ம்மங் ந பஸ்ஸதி; அந்த⁴தமங் [அந்த⁴ங் தமங் (ஸீ.)] ததா³ ஹோதி, யங் லோபோ⁴ ஸஹதே நரங்.

“யோ ச லோப⁴ங் பஹந்த்வான, லோப⁴னெய்யே ந லுப்³ப⁴தி; லோபோ⁴ பஹீயதே தம்ஹா, உத³பி³ந்தூ³வ பொக்க²ரா.

“அனத்த²ஜனநோ தோ³ஸோ, தோ³ஸோ சித்தப்பகோபனோ;
ப⁴யமந்தரதோ ஜாதங், தங் ஜனோ நாவபு³ஜ்ஜ²தி.

“து³ட்டோ² அத்த²ங் ந ஜானாதி, து³ட்டோ² த⁴ம்மங் ந பஸ்ஸதி;
அந்த⁴தமங் ததா³ ஹோதி, யங் தோ³ஸோ ஸஹதே நரங்.

“யோ ச தோ³ஸங் பஹந்த்வான, தோ³ஸனெய்யே ந து³ஸ்ஸதி;
தோ³ஸோ பஹீயதே தம்ஹா, தாலபக்கங்வ ப³ந்த⁴னா.

“அனத்த²ஜனநோ மோஹோ, மோஹோ சித்தப்பகோபனோ;
ப⁴யமந்தரதோ ஜாதங், தங் ஜனோ நாவபு³ஜ்ஜ²தி.

“மூள்ஹோ அத்த²ங் ந ஜானாதி, மூள்ஹோ த⁴ம்மங் ந பஸ்ஸதி;
அந்த⁴தமங் ததா³ ஹோதி, யங் மோஹோ ஸஹதே நரங்.

“யோ ச மோஹங் பஹந்த்வான, மோஹனெய்யே ந முய்ஹதி;
மோஹங் விஹந்தி ஸோ ஸப்³ப³ங், ஆதி³ச்சோவுத³யங் தம³ந்தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. நவமங்.

10. தே³வத³த்தஸுத்தங்

89. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“தீஹி, பி⁴க்க²வே, அஸத்³த⁴ம்மேஹி அபி⁴பூ⁴தோ பரியாதி³ன்னசித்தோ
தே³வத³த்தோ ஆபாயிகோ நேரயிகோ கப்பட்டோ² அதேகிச்சோ². கதமேஹி
தீஹி? பாபிச்ச²தாய, பி⁴க்க²வே, அபி⁴பூ⁴தோ பரியாதி³ன்னசித்தோ
தே³வத³த்தோ ஆபாயிகோ நேரயிகோ கப்பட்டோ² அதேகிச்சோ². பாபமித்ததாய,
பி⁴க்க²வே, அபி⁴பூ⁴தோ பரியாதி³ன்னசித்தோ தே³வத³த்தோ ஆபாயிகோ
நேரயிகோ கப்பட்டோ² அதேகிச்சோ². ஸதி கோ² பன உத்தரிகரணீயே [உத்தரிங்
கரணீயே (ஸ்யா.)] ஓரமத்தகேன விலேஸஸாதி⁴க³மேன [விலேஸஸாதி⁴க³மேன
ச (ஸ்யா. பீ.)] அந்தரா வோஸானங் ஆபாதி³. இமேஹி கோ², பி⁴க்க²வே, தீஹி
அஸத்³த⁴ம்மேஹி அபி⁴பூ⁴தோ பரியாதி³ன்னசித்தோ தே³வத³த்தோ
ஆபாயிகோ நேரயிகோ கப்பட்டோ² அதேகிச்சோ²”தி. ஏதமத்த²ங் ப⁴க³வா
அவோச. தத்தே²தங் இதி வுச்சதி -

“மா ஜாது கோசி லோகஸ்மிங், பாபிச்சோ² உத³பஜ்ஜத²;
தத³மினாபி ஜானாத², பாபிச்சா²னங் யதா² க³தி.

“பண்டி³தோதி ஸமஞ்ஞாதோ, பா⁴விதத்தோதி ஸம்மதோ;

ஜலங்வு யஸஸா அட்டா², தே³வத³த்தோதி விஸ்ஸுதோ [மே ஸுதங் (பாளியங்)].

“ஸோ பமாணமனுசின்னோ [பமாத³மனுசின்னோ (க. ஸீ. ஸ்யா. பீ.), ஸமானமனுசின்னோ (அட்ட².)], ஆஸஜ்ஜ நங் ததா²க³தங்; அவீசினிரயங் பத்தோ, சதுத்³வாரங் ப⁴யானகங்.

“அது³ட்ட²ஸ்ஸ ஹி யோ து³ப்³பே⁴, பாபகம்மங் அகுப்³ப³தோ; தமேவ பாபங் பு²ஸதி [பு²ஸ்ஸேதி (ஸ்யா.)], து³ட்ட²சித்தங் அனாத³ரங்.

“ஸமுத்³த³ங் விஸகும்பே⁴ன, யோ மஞ்ஞெய்ய பது³ஸிதுங்; ந ஸோ தேன பது³ஸெய்ய, பெ⁴ஸ்மா ஹி உத³தி⁴ மஹா.

“ஏவமேவ [ஏவமேதங் (ஸ்யா.)] ததா²க³தங், யோ வாதே³ன விஹிங்ஸதி; ஸம்மக்³தங் [ஸமக்³தங் (ஸீ. க.)] ஸந்தசித்தங், வாதோ³ தம்ஹி ந ஞுஹதி.

“தாதி³ஸங் மித்தங் குப்³பே³த², தஞ்ச ஸேவெய்ய பண்டி³தோ; யஸ்ஸ மக்³கா³னுகோ³ பி⁴க்கு², க²யங் து³க்க²ஸ்ஸ பாபுணே³தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. த³ஸமங்.

சதுத்தோ² வக்³கோ³ நிட்டி²தோ.

தஸ்ஸுத்³தா³னங் -

விதக்காஸக்காரஸத்³த³, சவனலோகே அஸுப⁴ங்; த⁴ம்மஅந்த⁴காரமலங், தே³வத³த்தேன தே த³ஸாதி.

5. பஞ்சமவக்³கோ³

1. அக்³க³ப்பஸாத³ஸுத்தங்

90. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“தயோமே, பி⁴க்க²வே, அக்³க³ப்பஸாதா³. கதமே தயோ? யாவதா, பி⁴க்க²வே, ஸத்தா அபதா³ வா த்³விபதா³ வா சதுப்பதா³ வா ப³ஹுப்பதா³ [ப³ஹுபதா³ (க.)] வா ஞுபினோ வா அஞுபினோ வா ஸஞ்ஞினோ வா அஸஞ்ஞினோ வா நேவஸஞ்ஞினாஸஞ்ஞினோ வா, ததா²க³தோ தேஸங் அக்³க³மக்கா²யதி அரஹங் ஸம்மாஸம்புத்³தோ⁴. யே, பி⁴க்க²வே, புத்³தே⁴ பஸன்னா, அக்³கே³ தே பஸன்னா. அக்³கே³ கோ² பன பஸன்னானங் அக்³கோ³ விபாகோ ஹோதி.

“யாவதா, பி⁴க்க²வே, த⁴ம்மா ஸங்க²தா வா அஸங்க²தா வா, விராகோ³ தேஸங் அக்³க³மக்கா²யதி, யதி³த³ங் மத³னிம்மத³னோ பிபாஸவினயோ ஆலயஸமுக்³கா⁴தோ வட்டுபச்சே²தோ³ தண்ஹக்க²யோ விராகோ³ நிரோதோ⁴ நிப்³பா³னங். யே, பி⁴க்க²வே, விராகே³ த⁴ம்மே பஸன்னா, அக்³கே³ தே பஸன்னா. அக்³கே³ கோ² பன பஸன்னானங் அக்³கோ³ விபாகோ ஹோதி.

“யாவதா , பி⁴க்க²வே, ஸங்கா⁴ வா க³ணா வா, ததா²க³தஸாவகஸங்கோ⁴ தேஸங் அக்³க³மக்கா²யதி, யதி³த³ங் சத்தாரி புரிஸயுகா³னி அட்ட² புரிஸபுக்³க³லா ஏஸ ப⁴க³வதோ ஸாவகஸங்கோ⁴ ஆஹுனெய்யோ பாஹுனெய்யோ த³க்கி²னெய்யோ அஞ்ஜலிகரணீயோ அனுத்தரங் புஞ்ஞக்கெ²த்தங் லோகஸ்ஸ. யே, பி⁴க்க²வே, ஸங்கே⁴ பஸன்னா, அக்³கே³ தே பஸன்னா. அக்³கே³ கோ² பன பஸன்னானங் அக்³கோ³ விபாகோ ஹோதி. இமே கோ², பி⁴க்க²வே, தயோ அக்³க³ப்பஸாதா³தி. ஏதமத்த²ங் ப⁴க³வா அவோச. தத்தே²தங் இதி வுச்சதி -

“அக்³க³தோ வே பஸன்னானங், அக்³க³ங் த⁴ம்மங் விஜானதங்; அக்³கே³ புத்³தே⁴ பஸன்னானங், த³க்கி²னெய்யோ அனுத்தரே.

“அக்³கே³ த⁴ம்மே பஸன்னானங், விராக³பஸமே ஸுகே²; அக்³கே³ ஸங்கே⁴ பஸன்னானங், புஞ்ஞக்கெ²த்தே அனுத்தரே.

“அக்³க³ஸ்மிங் தா³னங் த³த³தங், அக்³க³ங் புஞ்ஞங் பவட்³ட⁴தி; அக்³க³ங் ஆயு ச வண்ணோ ச, யஸோ கித்தி ஸுக²ங் ப³லங்.

“அக்³க³ஸ்ஸ தா³தா மேதா⁴வீ, அக்³க³த⁴ம்மஸமாஹிதோ; தே³வபூ⁴தோ மனுஸ்ஸோ வா, அக்³க³ப்பத்தோ பமோத³தீ”தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. பட²மங்.

2. ஜீவிகஸுத்தங்

91. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“அந்தமித³ங், பி⁴க்க²வே, ஜீவிகானங் யதி³த³ங் பிண்டொ³ல்யங். அபி⁴ஸாபாயங் [அபி⁴ஸாபாயங் (ஸீ.), அபி⁴லாபாயங் (ஸ்யா. பீ.), அபி⁴ஸபாயங் (க.)], பி⁴க்க²வே, லோகஸ்மிங் - ‘பிண்டோ³லோ விசரஸி பத்தபாணீதி. தஞ்ச கோ² ஏதங், பி⁴க்க²வே, குலபுத்தா உபெந்தி அத்த²வஸிகா, அத்த²வஸங் படிச்ச; நேவ ராஜாபி⁴னீதா, ந சோராபி⁴னீதா, ந இண்ட்டா, ந ப⁴யட்டா, ந ஆஜீவிகாபகதா. அபி ச கோ² ‘ஓதிண்ணம்ஹா ஜாதியா ஜராய மரணேன ஸோகேஹி பரிதே³வேஹி து³க்கே²ஹி தோ³மனஸ்ஸேஹி

உபாயாஸேஹி து³க்கோ²திண்ணா து³க்க²பரேதா , அப்பேவ நாம இமஸ்ஸ
கேவலஸ்ஸ து³க்க²க்க²ந்த⁴ஸ்ஸ அந்தகிரியா பஞ்ஞாயேதா²தி. ஏவங்
பப்³பஜிதோ சாயங், பி⁴க்க²வே, குலபுத்தோ ஸோ ச ஹோதி அபி⁴ஜ்ஜாலு
காமேஸு திப்³பஸாராகோ³, ப்யாபன்னசித்தோ பது³ட்ட²மனஸங்கப்போ,
முட்ட²ஸ்ஸதி அஸம்பஜானோ அஸமாஹிதோ விப்³ப⁴ந்தசித்தோ
பாகதிந்த்³ரியோ. ஸெய்யதா²பி, பி⁴க்க²வே, ச²வாலாதங் உப⁴தோபதி³த்தங்
மஜ்ஜே² கூ³த²க³தங் நேவ கா³மே கட்ட²த்த²ங் ப²ரதி ந அரஞ்ஞே. ததூ²பமாஹங்,
பி⁴க்க²வே, இமங் புக்³க³லங் வதா³மி கி³ஹிபோ⁴கா³ பரிஹீனோ
ஸாமஞ்ஞத்த²ஞ்ச ந பரிபுரேதீ²தி. ஏதமத்த²ங் ப⁴க³வா அவோச. தத்தே²தங் இதி
வுச்சதி -

“கி³ஹிபோ⁴கா³ பரிஹீனோ, ஸாமஞ்ஞத்த²ஞ்ச து³ப்³ப⁴கோ³;
பரித⁴ங்ஸமானோ பகிரேதி, ச²வாலாதங்வ நஸ்ஸதி.

“காஸாவகண்டா² ப³ஹவோ, பாபத⁴ம்மா அஸஞ்ஞதா;
பாபா பாபேஹி கம்மேஹி, நிரயங் தே உபபஜ்ஜரே.

“ஸெய்யோ அயோகு³ளோ பு⁴த்தோ, தத்தோ அக்³கி³ஸிக்²பமோ;
யஞ்சே பு⁴ஞ்ஜெய்ய து³ஸ்ஸீலோ, ரட்ட²பிண்ட³மஸஞ்ஞதோ²தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. து³தியங்.

3. ஸங்கா⁴டிகண்ணஸுத்தங்

92. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“ஸங்கா⁴டிகண்ணே சேபி, பி⁴க்க²வே , பி⁴க்கு² க³ஹெத்வா பிட்டி²தோ
பிட்டி²தோ அனுப³ந்தோ⁴ அஸ்ஸ பாதே³ பாத³ங் நிக்கி²பந்தோ, ஸோ ச
ஹோதி அபி⁴ஜ்ஜாலு காமேஸு திப்³பஸாராகோ³ ப்யாபன்னசித்தோ
பது³ட்ட²மனஸங்கப்போ முட்ட²ஸ்ஸதி அஸம்பஜானோ அஸமாஹிதோ
விப்³ப⁴ந்தசித்தோ பாகதிந்த்³ரியோ; அத² கோ² ஸோ ஆரகாவ மய்ஹங்,
அஹஞ்ச தஸ்ஸ. தங் கிஸ்ஸ ஹேது? த⁴ம்மஞ்ஹி ஸோ, பி⁴க்க²வே,
பி⁴க்கு² ந பஸ்ஸதி. த⁴ம்மங் அபஸ்ஸந்தோ ந மங் பஸ்ஸதி **மங் ந
பஸ்ஸதி (ஸ்யா.)**.

“யோஜனஸதே சேபி ஸோ, பி⁴க்க²வே, பி⁴க்கு² விஹரெய்ய. ஸோ ச
ஹோதி அனபி⁴ஜ்ஜாலு காமேஸு ந திப்³பஸாராகோ³ அப்யாபன்னசித்தோ
அபது³ட்ட²மனஸங்கப்போ உபட்டி²தஸ்ஸதி ஸம்பஜானோ ஸமாஹிதோ
ஏகக்³சித்தோ ஸங்வுதிந்த்³ரியோ; அத² கோ² ஸோ ஸந்திகேவ மய்ஹங்,
அஹஞ்ச தஸ்ஸ. தங் கிஸ்ஸ ஹேது? த⁴ம்மங் ஹி ஸோ, பி⁴க்க²வே,

பி⁴க்கு² பஸ்ஸதி; த⁴ம்மங் பஸ்ஸந்தோ மங் பஸ்ஸதீ”தி. ஏதமத்த²ங் ப⁴க³வா அவோச. தத்தே²தங் இதி வச்சதி -

“அனுப³ந்தோ⁴பி சே அஸ்ஸ, மஹிச்சோ² ச விகா⁴தவா;
ஏஜானுகோ³ அனேஜஸ்ஸ, நிப³புதஸ்ஸ அனிப³புதோ;
கி³த³தோ⁴ ஸோ வீதகே³த⁴ஸ்ஸ, பஸ்ஸ யாவஞ்ச ஆரகா.

“யோ ச த⁴ம்மமபி⁴ஞ்ஞாய, த⁴ம்மமஞ்ஞாய பண்டி³தோ;
ரஹதோ³வ நிவாதே ச, அனேஜோ ஓபஸம்மதி.

“அனேஜோ ஸோ அனேஜஸ்ஸ, நிப³புதஸ்ஸ ச நிப³புதோ;
அகி³த³தோ⁴ வீதகே³த⁴ஸ்ஸ, பஸ்ஸ யாவஞ்ச ஸந்திகே”தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. ததியங்.

4. அக்³கி³ஸுத்தங்

93. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“தயோமே, பி⁴க்க²வே, அக்³கீ³. கதமே தயோ? ராக³க்³கி³, தோ³ஸக்³கி³,
மோஹக்³கி³ - இமே கோ², பி⁴க்க²வே, தயோ அக்³கீ³”தி. ஏதமத்த²ங் ப⁴க³வா
அவோச. தத்தே²தங் இதி வச்சதி -

“ராக³க்³கி³ த³ஹதி மச்சே, ரத்தே காமேஸு முச்சி²தே;
தோ³ஸக்³கி³ பன ப்யாபன்னே, நரே பாணாதிபாதினோ.

“மோஹக்³கி³ பன ஸம்மூள்ஹே, அரியத⁴ம்மே அகோவிதே³;
ஏதே அக்³கீ³ அஜானந்தா, ஸக்காயாபி⁴ரதா பஜா.

“தே வட்³ட⁴யந்தி நிரயங், திரச்சா²னஞ்ச யோனியோ;
அஸுரங் பெத்திவிஸயங், அமுத்தா மாரப³ந்த⁴னா.

“யே ச ரத்திந்தி³வா யுத்தா, ஸம்மாஸம்பு³த⁴ஸாஸனே;
தே நிப³பா³பெந்தி ராக³க்³கி³ங், நிச்சங் அஸுப⁴ஸஞ்ஞினோ.

“தோ³ஸக்³கி³ங் பன மெத்தாய, நிப³பா³பெந்தி நருத்தமா;
மோஹக்³கி³ங் பன பஞ்ஞாய, யாயங் நிப³பே³த⁴கா³மினீ.

“தே நிப³பா³பெத்வா நிபகா, ரத்திந்தி³வமதந்தி³தா;
அஸேஸங் பரினிப³பந்தி, அஸேஸங் து³க்க²மச்சகு³ங்.

“அரியத³த³ஸா வேத³கு³னோ, ஸம்மத³ஞ்ஞாய பண்டி³தா;

ஜாதிக்க²யமபி⁴ஞ்ஞாய, நாக³ச்ச²ந்தி புனப்³ப⁴வ⁴ந்தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. சதுத்த²ங்.

5. உபபரிக்க²ஸுத்தங்

94. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“ததா² ததா², பி⁴க்க²வே, பி⁴க்கு² உபபரிக்கெ²ய்ய யதா² யதா²ஸ்ஸ [யதா² யதா² (ப³ஹுஸு)] உபபரிக்க²தோ ப³ஹித்³தா⁴ சஸ்ஸ விஞ்ஞாணங் அவிக்கி²த்தங் அவிஸடங் அஜ்ஜ²த்தங் அஸண்டி²தங் அனுபாதா³ய ந பரிதஸ்ஸெய்ய. ப³ஹித்³தா⁴, பி⁴க்க²வே, விஞ்ஞாணே அவிக்கி²த்தே அவிஸடே ஸதி அஜ்ஜ²த்தங் அஸண்டி²தே அனுபாதா³ய அபரிதஸ்ஸதோ ஆயதிங் ஜாதிஜராமரணது³க்க²ஸமுத³யஸம்ப⁴வோ ந ஹோதீ”தி. ஏதமத்த²ங் ப⁴க³வா அவோச. தத்தே²தங் இதி வுச்சதி -

“ஸத்தஸங்க³ப்பஹீனஸ்ஸ, நெத்திச்சி²ன்னஸ்ஸ பி⁴க்கு²னோ; விக்ஃ²னோ ஜாதிஸங்ஸாரோ, நத்தி² தஸ்ஸ புனப்³ப⁴வோ”தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. பஞ்சமங்.

6. காமுபபத்திஸுத்தங்

95. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“திஸ்ஸோ இமா, பி⁴க்க²வே, காமுபபத்தியோ [காமுப்பத்தியோ (ஸீ)]. கதமா திஸ்ஸோ? பச்சபட்டி²தகாமா, நிம்மானரதினோ , பரனிம்மிதவஸவத்தினோ - இமா கோ², பி⁴க்க²வே, திஸ்ஸோ காமுபபத்தியோ”தி. ஏதமத்த²ங் ப⁴க³வா அவோச. தத்தே²தங் இதி வுச்சதி -

“பச்சபட்டி²தகாமா ச, யே தே³வா வஸவத்தினோ; நிம்மானரதினோ தே³வா, யே சஞ்ஞே காமபோ⁴கி³னோ; இத்த²பா⁴வஞ்ஞதா²பா⁴வங் , ஸங்ஸாரங் நாதிவத்தரே.

“ஏதமாதீ²னவங் ஞத்வா, காமபோ⁴கே³ஸு பண்டி³தோ; ஸப்³பே³ பரிச்சஜே காமே, யே தி³ப்³பா³ யே ச மானுஸா.

“பியரூபஸாதக³தி⁴தங் , செ²த்வா ஸோதங் து³ரச்சயங்; அஸேஸங் பரினிப்³ப⁴ந்தி, அஸேஸங் து³க்க²மச்சகு³ங்.

“அரியத்³த³ஸா வேத³கு³னோ, ஸம்மத³ஞ்ஞாய பண்டி³தா; ஜாதிக்க²யமபி⁴ஞ்ஞாய, நாக³ச்ச²ந்தி புனப்³ப⁴வ⁴ந்தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. ச²ட்ட²ங்.

7. காமயோக³ஸுத்தங்

96. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“காமயோக³யுத்தோ, பி⁴க்க²வே, ப⁴வயோக³யுத்தோ ஆகா³மீ ஹோதி ஆக³ந்தா [ஆக³ந்த்வா (ஸ்யா. க.)] இத்த²த்தங். காமயோக³விஸங்யுத்தோ, பி⁴க்க²வே, ப⁴வயோக³யுத்தோ அனாகா³மீ ஹோதி அனாக³ந்தா இத்த²த்தங். காமயோக³விஸங்யுத்தோ, பி⁴க்க²வே, ப⁴வயோக³விஸங்யுத்தோ அரஹா ஹோதி, கீ²ணாஸவோ³தி. ஏதமத்த²ங் ப⁴க³வா அவோச. தத்தே²தங் இதி வுச்சதி -

“காமயோகே³ன ஸங்யுத்தா, ப⁴வயோகே³ன துப⁴யங்;
ஸத்தா க³ச்ச²ந்தி ஸங்ஸாரங், ஜாதிமரணகா³மினோ.

“யே ச காமே பஹந்த்வான, அப்பத்தா ஆஸவக்க²யங்;
ப⁴வயோகே³ன ஸங்யுத்தா, அனாகா³மீதி வுச்சரே.

“யே ச கோ² சி²ன்னஸங்ஸயா, கீ²ணமானபுனப்³ப⁴வா;
தே வே பாரங்க³தா லோகே, யே பத்தா ஆஸவக்க²ய³ந்தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. ஸத்தமங்.

கல்யாணஸீலஸுத்தங்

97. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“கல்யாணஸீலோ, பி⁴க்க²வே, பி⁴க்கு² கல்யாணத⁴ம்மோ
கல்யாணபஞ்ஞோ இமஸ்மிங் த⁴ம்மவினயே ‘கேவலீ வுஸிதவா
உத்தமபுரிஸோ³தி வுச்சதி -

“கத²ஞ்ச , பி⁴க்க²வே, பி⁴க்கு² கல்யாணஸீலோ ஹோதி? இத⁴,
பி⁴க்க²வே, பி⁴க்கு² ஸீலவா ஹோதி, பாதிமொக்க²ஸங்வரஸங்வுதோ
விஹரதி, ஆசாரகோ³சரஸம்பன்னோ அணுமத்தே³ஸு வஜ்ஜே³ஸு
ப⁴யத³ஸ்ஸாவீ, ஸமாதா³ய ஸிக்க²தி ஸிக்கா²பதே³ஸு. ஏவங் கோ²,
பி⁴க்க²வே, பி⁴க்கு² கல்யாணஸீலோ ஹோதி. இதி கல்யாணஸீலோ.

“கல்யாணத⁴ம்மோ ச கத²ங் ஹோதி? இத⁴, பி⁴க்க²வே, பி⁴க்கு²
ஸத்தன்னங் போ³தி⁴பக்கி²யானங் த⁴ம்மானங் பா⁴வனானுயோக³மனுயுத்தோ
விஹரதி. ஏவங் கோ², பி⁴க்க²வே, பி⁴க்கு² கல்யாணத⁴ம்மோ ஹோதி. இதி
கல்யாணஸீலோ, கல்யாணத⁴ம்மோ.

“கல்யாணபஞ்ஞோ ச கத²ங் ஹோதி ? இத⁴, பி⁴க்க²வே, பி⁴க்கு²
ஆஸவானங் க²யா அனாஸவங் சேதோவிமுத்திங் பஞ்ஞாவிமுத்திங் தி³ட்டே²வ
த⁴ம்மே ஸயங் அபி⁴ஞ்ஞா ஸச்சிகத்வா உபஸம்பஜ்ஜ விஹரதி. ஏவங் கோ²,
பி⁴க்க²வே, பி⁴க்கு² கல்யாணபஞ்ஞோ ஹோதி.

“இதி கல்யாணஸ்ஸோ கல்யாணத⁴ம்மோ கல்யாணபஞ்ஞோ இமஸ்மிங்
த⁴ம்மவினயே ‘கேவலீ வுஸிதவா உத்தமபுரிஸோ’தி வுச்சதீ”தி. ஏதமத்த²ங்
ப⁴க³வா அவோச. தத்தே²தங் இதி வுச்சதி -

“யஸ்ஸ காயேன வாசாய, மனஸா நத்தி² து³க்கடங்;
தங் வே கல்யாணஸ்ஸோதி, ஆஹு பி⁴க்கு²ங் ஹிரீமனங் [\[ஹிரீமதங்
\(ஸ்யா. க.\)\]](#).

“யஸ்ஸ த⁴ம்மா ஸுபா⁴விதா, ஸத்த [\[பத்த \(ஸப்³புத்த²\)\]](#)
ஸம்போ³தி⁴கா³மினோ;
தங் வே கல்யாணத⁴ம்மோதி, ஆஹு பி⁴க்கு²ங் அனுஸ்ஸத³ங்.

“யோ து³க்க²ஸ்ஸ பஜானாதி, இதே⁴வ க²யமத்தனோ;
தங் வே கல்யாணபஞ்ஞோதி, ஆஹு பி⁴க்கு²ங் அனாஸவங்.

“தேஹி த⁴ம்மேஹி ஸம்பன்னங், அனீக⁴ங் சி²ன்னஸங்ஸயங்;
அஸிதங் ஸப்³புலோகஸ்ஸ, ஆஹு ஸப்³புபஹாயின”ந்தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. அட்ட²மங்.

9. தா³னஸுத்தங்

98. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“த³வேமானி , பி⁴க்க²வே, தா³னானி - ஆமிஸதா³னஞ்ச த⁴ம்மதா³னஞ்ச.
ஏதத³க்க³ங், பி⁴க்க²வே, இமேஸங் த³வின்னங் தா³னானங் யதி³த³ங் -
த⁴ம்மதா³னங்.

“த³வேமே, பி⁴க்க²வே, ஸங்விபா⁴கா³ - ஆமிஸஸங்விபா⁴கோ³ ச
த⁴ம்மஸங்விபா⁴கோ³ ச. ஏதத³க்க³ங், பி⁴க்க²வே, இமேஸங் த³வின்னங்
ஸங்விபா⁴கா³னங் யதி³த³ங் - த⁴ம்மஸங்விபா⁴கோ³.

“த³வேமே , பி⁴க்க²வே, அனுக்க³ஹா - ஆமிஸானுக்க³ஹோ ச
த⁴ம்மானுக்க³ஹோ ச. ஏதத³க்க³ங், பி⁴க்க²வே, இமேஸங் த³வின்னங்
அனுக்க³ஹானங் யதி³த³ங் - த⁴ம்மானுக்க³ஹோ”தி. ஏதமத்த²ங் ப⁴க³வா
அவோச. தத்தே²தங் இதி வுச்சதி -

“யமாஹு தா³னங் பரமங் அனுத்தரங், யங் ஸங்விபா⁴க³ங் ப⁴க³வா
அவண்ணயி [அவண்ணயீ (ஸீ)];
அக்³க³ம்ஹி கெ²த்தம்ஹி பஸன்னசித்தோ, விஞ்ஞா பஜானங் கோ ந
யஜேத² காலே.

“யே சேவ பா⁴ஸந்தி ஸுணந்தி தூப⁴யங், பஸன்னசித்தா
ஸுக³தஸ்ஸ ஸாஸனே;
தேஸங் ஸோ அத்தோ² பரமோ விஸுஜ்ஜ²தி, யே அப்பமத்தா
ஸுக³தஸ்ஸ ஸாஸனே”தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. நவமங்.

10. தேவிஜ்ஜஸுத்தங்

99. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“த⁴ம்மேனாஹங், பி⁴க்க²வே, தேவிஜ்ஜங் ப்³ராஹ்மணங் பஞ்ஞாபேமி,
நாஞ்ஞங் லபிதலாபனமத்தேன.

“கத²ஞ்சாஹங், பி⁴க்க²வே, த⁴ம்மேன தேவிஜ்ஜங் ப்³ராஹ்மணங்
பஞ்ஞாபேமி, நாஞ்ஞங் லபிதலாபனமத்தேன? இத⁴, பி⁴க்க²வே, பி⁴க்கு²
அனேகவிஹிதங் புப்³பே³னிவாஸங் அனுஸ்ஸரதி, ஸெய்யதி²த³ங் - ஏகம்பி
ஜாதிங் த³வேபி ஜாதியோ திஸ்ஸோபி ஜாதியோ சதஸ்ஸோபி ஜாதியோ
பஞ்சபி ஜாதியோ த³ஸபி ஜாதியோ வீஸம்பி ஜாதியோ திங்ஸம்பி ஜாதியோ
சத்தாலீஸம்பி ஜாதியோ பஞ்ஞாஸம்பி ஜாதியோ ஜாதிஸதம்பி
ஜாதிஸஹஸ்ஸம்பி ஜாதிஸதஸஹஸ்ஸம்பி அனேகேபி ஸங்வட்டகப்பே
அனேகேபி விவட்டகப்பே அனேகேபி ஸங்வட்டவிவட்டகப்பே - ‘அமுத்ராஸிங்
ஏவங்னாமோ ஏவங்கொ³த்தோ ஏவங்வண்ணோ ஏவமாஹாரோ
ஏவங்ஸுக²து³க்க²ப்படிஸங்வேதீ³ ஏவமாயுபரியந்தோ. ஸோ ததோ சுதோ
அமுத்ர உத³பாதி³ங். தத்ராபாஸிங் ஏவங்னாமோ ஏவங்கொ³த்தோ
ஏவங்வண்ணோ ஏவமாஹாரோ ஏவங்ஸுக²து³க்க²ப்படிஸங்வேதீ³
ஏவமாயுபரியந்தோ. ஸோ ததோ சுதோ இது⁴பபன்னோ’தி . இதி ஸாகாரங்
ஸஉத³தே³ஸங் அனேகவிஹிதங் புப்³பே³னிவாஸங் அனுஸ்ஸரதி. அயமஸ்ஸ
பட²மா விஜ்ஜா அதி⁴க³தா ஹோதி, அவிஜ்ஜா விஹதா, விஜ்ஜா உப்பன்னா,
தமோ விஹதோ, ஆலோகோ உப்பன்னோ, யதா² தங் அப்பமத்தஸ்ஸ
ஆதாபினோ பஹிதத்தஸ்ஸ விஹரதோ.

“புன சபரங், பி⁴க்க²வே, பி⁴க்கு² தி³ப்³பே³ன சக்கு²னா விஸுத்³தே⁴ன
அதிக்கந்தமானுஸகேன ஸத்தே பஸ்ஸதி சவமானே உபபஜ்ஜமானே ஹீனே
பணீதே ஸுவண்ணே து³ப்³பண்ணே, ஸுக³தே து³க்³க³தே யதா²கம்முபகே³

ஸத்தே பஜானாதி - 'இமே வத பொ⁴ந்தோ ஸத்தா காயது³ச்சரிதேன
 ஸமன்னாக³தா வசீது³ச்சரிதேன ஸமன்னாக³தா மனோது³ச்சரிதேன
 ஸமன்னாக³தா அரியானங் உபவாத³கா மிச்சா²தி³ட்டி²கா
 மிச்சா²தி³ட்டி²கம்மஸமாதா³னா. தே காயஸ்ஸ பே⁴தா³ பரங் மரணா அபாயங்
 து³க்க³திங் வினிபாதங் நிரயங் உபபன்னா. இமே வா பன பொ⁴ந்தோ ஸத்தா
 காயஸுசரிதேன ஸமன்னாக³தா வசீஸுசரிதேன ஸமன்னாக³தா
 மனோஸுசரிதேன ஸமன்னாக³தா அரியானங் அனுபவாத³கா ஸம்மாதி³ட்டி²கா
 ஸம்மாதி³ட்டி²கம்மஸமாதா³னா. தே காயஸ்ஸ பே⁴தா³ பரங் மரணா
 ஸு³க³திங் ஸக்³ங் லோகங் உபபன்னாதி. இதி தி³ப்பே³ன சக்கு²னா
 விஸுத்³தே⁴ன அதிகந்தமானுஸகேன ஸத்தே பஸ்ஸதி சவமானே
 உபபஜ்ஜமானே ஹீனே பணீதே ஸுவண்ணே து³ப்ப³ண்ணே, ஸு³க³தே
 து³க்க³தே யதா²கம்முபகே³ ஸத்தே பஜானாதி. அயமஸ்ஸ து³தியா விஜ்ஜா
 அதி⁴க³தா ஹோதி, அவிஜ்ஜா விஹதா, விஜ்ஜா உப்பன்னா, தமோ விஹதோ,
 ஆலோகோ உப்பன்னோ, யதா² தங் அப்பமத்தஸ்ஸ ஆதாபினோ
 பஹிதத்தஸ்ஸ விஹரதோ.

“புன சபரங், பி⁴க்க²வே, பி⁴க்கு² ஆஸவானங் க²யா அனாஸவங்
 சேதோவிமுத்திங் பஞ்ஞாவிமுத்திங் தி³ட்டே²வ த⁴ம்மே ஸயங் அபி⁴ஞ்ஞா
 ஸச்சி²கத்வா உபஸம்பஜ்ஜ விஹரதி. அயமஸ்ஸ ததியா விஜ்ஜா அதி⁴க³தா
 ஹோதி, அவிஜ்ஜா விஹதா, விஜ்ஜா உப்பன்னா, தமோ விஹதோ, ஆலோகோ
 உப்பன்னோ, யதா² தங் அப்பமத்தஸ்ஸ ஆதாபினோ பஹிதத்தஸ்ஸ
 விஹரதோ. ஏவங் கோ² அஹங், பி⁴க்க²வே, த⁴ம்மேன தேவிஜ்ஜங்
 ப்³ராஹ்மணங் பஞ்ஞாபேமி, நாஞ்ஞங் லபிதலாபனமத்தேனா”தி. ஏதமத்த²ங்
 ப⁴க³வா அவோச. தத்தே²தங் இதி வச்சதி -

“பு³பே³னிவாஸங் யோவேதி³ [யோவேதி³ (ஸப்³புத்த²)], ஸக்³கா³பாயஞ்ச
 பஸ்ஸதி;

அதோ² [அத² (ஸ்யா. க.)] ஜாதிக்க²யங் பத்தோ, அபி⁴ஞ்ஞாவோஸிதோ
 முனி.

“ஏதாஹி தீஹி விஜ்ஜாஹி, தேவிஜ்ஜோ ஹோதி ப்³ராஹ்மணோ;
 தமஹங் வதா³மி தேவிஜ்ஜங், நாஞ்ஞங் லபிதலாபன”ந்தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. த³ஸமங்.

பஞ்சமோ வக்³கோ³ நிட்டி²தோ.

தஸ்ஸுத்³தா³னங் -

பஸாத³ ஜீவித ஸங்கா⁴டி , அக்³கி³ உபபரிக்க²யா;

உபபத்தி [உப்பத்தி (ஸீ.)] காம கல்யாணங், தா³னங் த்⁴ம்மேன தே
த³ஸாதி.

திகனிபாதோ நி஢்டி²தோ.

4. சதுக்கனிபாதோ

1. ப்ராஹ்மணத⁴ம்மயாக³ஸுத்தங்

100. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“அஹமஸ்மி, பி⁴க்க²வே, ப்ராஹ்மணோ யாசயோகோ³ ஸதா³ பயதபாணி
[பயதபாணி (ஸீ. ஸ்யா.)] அந்திமதே³ஹத⁴ரோ அனுத்தரோ பி⁴ஸக்கோ
ஸல்லகத்தோ. தஸ்ஸ மே தும்ஹே புத்தா ஓரஸா முக²தோ ஜாதா த⁴ம்மஜா
த⁴ம்மனிம்மிதா த⁴ம்மதா³யாதா³, நோ ஆமிஸதா³யாதா³.

“த³வேமானி, பி⁴க்க²வே, தா³னானி - ஆமிஸதா³னஞ்ச த⁴ம்மதா³னஞ்ச.
ஏதத³க்க³ங், பி⁴க்க²வே, இமேஸங் த்³வின்னங் தா³னானங் யதி³த³ங் -
த⁴ம்மதா³னங்.

“த³வேமே, பி⁴க்க²வே, ஸங்விபா⁴கா³ - ஆமிஸஸங்விபா⁴கோ³ ச
த⁴ம்மஸங்விபா⁴கோ³ ச. ஏதத³க்க³ங், பி⁴க்க²வே, இமேஸங் த்³வின்னங்
ஸங்விபா⁴கா³னங் யதி³த³ங் - த⁴ம்மஸங்விபா⁴கோ³.

“த³வேமே, பி⁴க்க²வே, அனுக்க³ஹா - ஆமிஸானுக்க³ஹோ ச
த⁴ம்மானுக்க³ஹோ ச. ஏதத³க்க³ங், பி⁴க்க²வே, இமேஸங் த்³வின்னங்
அனுக்க³ஹானங் யதி³த³ங் - த⁴ம்மானுக்க³ஹோ.

“த³வேமே, பி⁴க்க²வே, யாகா³ - ஆமிஸயாகோ³ ச த⁴ம்மயாகோ³ ச.
ஏதத³க்க³ங், பி⁴க்க²வே, இமேஸங் த்³வின்னங் யாகா³னங் யதி³த³ங் -
த⁴ம்மயாகோ³”தி. ஏதமத்த²ங் ப⁴க³வா அவோச. தத்தே²தங் இதி வுச்சதி -

“யோ த⁴ம்மயாக³ங் அயஜீ அமச்ச²ரீ, ததா²க³தோ ஸப்³பூ⁴தானுகம்பீ
[ஸப்³பூ⁴ஸத்தானுகம்பீ (ஸ்யா.) அட்ட²கதா²யம்பி];
தங் தாதி³ஸங் தே³வமனுஸ்ஸஸெட்ட²ங், ஸத்தா நமஸ்ஸந்தி
ப⁴வஸ்ஸ பாரகு³”ந்தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. பட²மங்.

2. ஸுலப⁴ஸுத்தங்

101. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“சத்தாரிமானி, பி⁴க்க²வே, அப்பானி சேவ ஸுலபா⁴னி ச, தானி ச
அனவஜ்ஜானி. கதமானி சத்தாரி? பங்ஸுகூலங், பி⁴க்க²வே, சீவரானங்
அப்பஞ்ச ஸுலப⁴ஞ்ச, தஞ்ச அனவஜ்ஜங். பிண்டி³யாலோபோ , பி⁴க்க²வே,

போ⁴ஜனானங் அப்பஞ்ச ஸுலப⁴ஞ்ச, தஞ்ச அனவஜ்ஜங். ருக்க²முலங், பி⁴க்க²வே , ஸேனாஸனானங் அப்பஞ்ச ஸுலப⁴ஞ்ச, தஞ்ச அனவஜ்ஜங். பூதிமுத்தங், பி⁴க்க²வே, பே⁴ஸஜ்ஜானங் அப்பஞ்ச ஸுலப⁴ஞ்ச தஞ்ச அனவஜ்ஜங். இமானி கோ², பி⁴க்க²வே, சத்தாரி அப்பானி சேவ ஸுலபா⁴னி ச, தானி ச அனவஜ்ஜானி. யதோ கோ², பி⁴க்க²வே, பி⁴க்கு² அப்பேன ச துட்டோ² ஹோதி ஸுலபே⁴ன ச (அனவஜ்ஜேன ச) [(...) நத்தி² ஸீ. பீ. க. பொத்த²கேஸு ச அங்கு³த்தரே ச], இமஸ்ஸாஹங் அஞ்ஞதரங் ஸாமஞ்ஞங்க³ந்தி வதா³மீ”தி. ஏதமத்த²ங் ப⁴க³வா அவோச. தத்தே²தங் இதி வச்சதி -

“அனவஜ்ஜேன துட்ட²ஸ்ஸ, அப்பேன ஸுலபே⁴ன ச;
ந ஸேனாஸனமாரப்³ப⁴, சீவரங் பானபோ⁴ஜனங்;
விகா⁴தோ ஹோதி சித்தஸ்ஸ, தி³ஸா நப்படிஹஞ்ஞதி.

“யே சஸ்ஸ [யேபஸ்ஸ (ஸ்யா:)] த⁴ம்மா அக்கா²தா,
ஸாமஞ்ஞஸ்ஸானுலோமிகா;
அதி⁴க்க³ஹிதா துட்ட²ஸ்ஸ, அப்பமத்தஸ்ஸ பி⁴க்கு²னோ”தி
[ஸிக்க²தோதி (ஸீ. க.)].

அயம்பி அத்தோ² வத்தோ ப⁴க³வதா, இதி மே ஸுதந்தி. து³தியங்.

3. ஆஸவக்க²யஸுத்தங்

102. வத்தஞ்ஹேதங் ப⁴க³வதா, வத்தமரஹதாதி மே ஸுதங் -

“ஜானதோஹங், பி⁴க்க²வே, பஸ்ஸதோ ஆஸவானங் க²யங் வதா³மி , நோ அஜானதோ நோ அபஸ்ஸதோ. கிஞ்ச, பி⁴க்க²வே, ஜானதோ, கிங் பஸ்ஸதோ ஆஸவானங் க²யோ ஹோதி? இத³ங் து³க்க²ந்தி, பி⁴க்க²வே, ஜானதோ பஸ்ஸதோ ஆஸவானங் க²யோ ஹோதி. அயங் து³க்க²ஸமுத³யோதி, பி⁴க்க²வே, ஜானதோ பஸ்ஸதோ ஆஸவானங் க²யோ ஹோதி. அயங் து³க்க²னிரோதோ⁴தி, பி⁴க்க²வே, ஜானதோ பஸ்ஸதோ ஆஸவானங் க²யோ ஹோதி. அயங் து³க்க²னிரோத⁴கா³மினீ படிபதா³தி, பி⁴க்க²வே, ஜானதோ பஸ்ஸதோ ஆஸவானங் க²யோ ஹோதி. ஏவங் கோ² , பி⁴க்க²வே, ஜானதோ ஏவங் பஸ்ஸதோ ஆஸவானங் க²யோ ஹோதீ”தி. ஏதமத்த²ங் ப⁴க³வா அவோச. தத்தே²தங் இதி வச்சதி -

“ஸேக²ஸ்ஸ ஸிக்க²மானஸ்ஸ, உஜுமக்க³கா³னுஸாரினோ;
க²யஸ்மிங் பட²மங் ஞாணங், ததோ அஞ்ஞா அனந்தரா.

“ததோ அஞ்ஞா விமுத்தஸ்ஸ, விமுத்திஞாணமுத்தமங்;
உப்பஜ்ஜதி க²யே ஞாணங், கீணா ஸங்யோஜனா இதி.

“ந த்வேவித³ங் குஸீதேன, பா³லேனமவிஜானதா;
நிப³பா³னங் அதி⁴க³ந்தப்³ப³ங், ஸப்³ப³க³ந்த²ப்பமோசன”ந்தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. ததியங்.

4. ஸமணப்³ராஹ்மணஸுத்தங்

103. வுத்தஞ்²ஹேதங் ப⁴க³வதா, வுத்தமரஹதாதி மே ஸுதங் -

“யே ஹி கேசி, பி⁴க்க²வே, ஸமணா வா ப்³ராஹ்மணா வா ‘இத³ங்
து³க்க²”ந்தி யதா²பூ⁴தங் நப்பஜானந்தி; ‘அயங் து³க்க²ஸமுத³யோ’தி யதா²பூ⁴தங்
நப்பஜானந்தி; ‘அயங் து³க்க²னிரோதோ⁴’தி யதா²பூ⁴தங் நப்பஜானந்தி; ‘அயங்
து³க்க²னிரோத⁴கா³மினீ படிபதா³’தி யதா²பூ⁴தங் நப்பஜானந்தி - ந மே தே,
பி⁴க்க²வே, ஸமணா வா ப்³ராஹ்மணா வா ஸமணேஸு வா ஸமணஸம்மதா
ப்³ராஹ்மணேஸு வா ப்³ராஹ்மணஸம்மதா, ந ச பனேதே ஆயஸ்மந்தோ
ஸாமஞ்ஞத்த²ங் வா ப்³ரஹ்மஞ்ஞத்த²ங் வா தி³ட்டே²வ த⁴ம்மே ஸயங்
அபி⁴ஞ்ஞா ஸச்சி²கத்வா உபஸம்பஜ்ஜ விஹரந்தி.

“யே ச கோ² கேசி, பி⁴க்க²வே, ஸமணா வா ப்³ராஹ்மணா வா ‘இத³ங்
து³க்க²”ந்தி யதா²பூ⁴தங் பஜானந்தி; ‘அயங் து³க்க²ஸமுத³யோ’தி யதா²பூ⁴தங்
பஜானந்தி; ‘அயங் து³க்க²னிரோதோ⁴’தி யதா²பூ⁴தங் பஜானந்தி; ‘அயங்
து³க்க²னிரோத⁴கா³மினீ படிபதா³’தி யதா²பூ⁴தங் பஜானந்தி - தே கோ² மே,
பி⁴க்க²வே, ஸமணா வா ப்³ராஹ்மணா வா ஸமணேஸு சேவ
ஸமணஸம்மதா ப்³ராஹ்மணேஸு ச ப்³ராஹ்மணஸம்மதா, தே ச
பனாயஸ்மந்தோ ஸாமஞ்ஞத்த²ஞ்ச ப்³ரஹ்மஞ்ஞத்த²ஞ்ச தி³ட்டே²வ த⁴ம்மே
ஸயங் அபி⁴ஞ்ஞா ஸச்சி²கத்வா உபஸம்பஜ்ஜ விஹரந்தி”தி. ஏதமத்த²ங்
ப⁴க³வா அவோச. தத்தே²தங் இதி வுச்சதி -

“யே து³க்க²ங் நப்பஜானந்தி, அதோ² து³க்க²ஸ்ஸ ஸம்ப⁴வங்;
யத்த² ச ஸப்³ப³ஸோ து³க்க²ங், அஸேஸங் உபருஜ்ஜ²தி;
தஞ்ச மக்³க³ங் ந ஜானந்தி, து³க்க²பஸமகா³மினங்.

“சேதோவிமுத்திஹீனா தே, அதோ² பஞ்ஞாவிமுத்தியா;
அப⁴ப்³பா³ தே அந்தகிரியாய, தே வே ஜாதிஜருபகா³.

“யே ச து³க்க²ங் பஜானந்தி, அதோ² து³க்க²ஸ்ஸ ஸம்ப⁴வங்;
யத்த² ச ஸப்³ப³ஸோ து³க்க²ங், அஸேஸங் உபருஜ்ஜ²தி;
தஞ்ச மக்³க³ங் பஜானந்தி, து³க்க²பஸமகா³மினங்.

“சேதோவிமுத்திஸம்பன்னா, அதோ² பஞ்ஞாவிமுத்தியா;
ப⁴ப்³பா³ தே அந்தகிரியாய, ந தே ஜாதிஜருபகா³”தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. சதுத்த²ங்.

5. ஸீலஸம்பன்னஸுத்தங்

104. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“யே தே, பி⁴க்க²வே, பி⁴க்க² ஸீலஸம்பன்னா ஸமாதி⁴ஸம்பன்னா பஞ்ஞாஸம்பன்னா விமுத்திஸம்பன்னா விமுத்திஞாணத³ஸ்ஸனஸம்பன்னா ஓவாத³கா விஞ்ஞாபகா ஸந்த³ஸ்ஸகா ஸமாத³பகா ஸமுத்தேஜகா ஸம்பஹங்ஸகா அலங்ஸமக்கா²தாரோ ஸத்³த⁴ம்மஸ்ஸ த³ஸ்ஸனம்பஹங், பி⁴க்க²வே, தேஸங் பி⁴க்க²னங் ப³ஹுபகாரங் வதா³மி; ஸவனம்பஹங், பி⁴க்க²வே, தேஸங் பி⁴க்க²னங் ப³ஹுபகாரங் வதா³மி; உபஸங்கமனம்பஹங், பி⁴க்க²வே, தேஸங் பி⁴க்க²னங் ப³ஹுபகாரங் வதா³மி; பயிருபாஸனம்பஹங், பி⁴க்க²வே, தேஸங் பி⁴க்க²னங் ப³ஹுபகாரங் வதா³மி; அனுஸ்ஸரணம்பஹங், பி⁴க்க²வே, தேஸங் பி⁴க்க²னங் ப³ஹுபகாரங் வதா³மி; அனுபப்³ப³ஜ்ஜம்பஹங் [அனுஸ்ஸதிம்பஹங் (ஸ்யா.)], பி⁴க்க²வே, தேஸங் பி⁴க்க²னங் ப³ஹுபகாரங் வதா³மி. தங் கிஸ்ஸ ஹேது? ததா²ருபே, பி⁴க்க²வே, பி⁴க்க² ஸேவதோ ப⁴ஜதோ பயிருபாஸதோ அபரிபுரோபி ஸீலக்க²ந்தோ⁴ பா⁴வனாபாரிபுரிங் க³ச்ச²தி, அபரிபுரோபி ஸமாதி⁴க்க²ந்தோ⁴ பா⁴வனாபாரிபுரிங் க³ச்ச²தி, அபரிபுரோபி பஞ்ஞாக்க²ந்தோ⁴ பா⁴வனாபாரிபுரிங் க³ச்ச²தி, அபரிபுரோபி விமுத்திக்க²ந்தோ⁴ பா⁴வனாபாரிபுரிங் க³ச்ச²தி, அபரிபுரோபி விமுத்திஞாணத³ஸ்ஸனக்க²ந்தோ⁴ பா⁴வனாபாரிபுரிங் க³ச்ச²தி. ஏவருபா ச தே, பி⁴க்க²வே, பி⁴க்க² ஸத்தா²ரோதிபி வுச்சந்தி, ஸத்த²வாஹாதிபி வுச்சந்தி, ரணஞ்ஜஹாதிபி வுச்சந்தி, தமோனுதா³திபி வுச்சந்தி, ஆலோககராதிபி வுச்சந்தி, ஓபா⁴ஸகராதிபி வுச்சந்தி, பஜ்ஜோதகராதிபி வுச்சந்தி, உக்காதா⁴ராதிபி வுச்சந்தி, பபா⁴ங்கராதிபி வுச்சந்தி, அரியாதிபி வுச்சந்தி, சக்கு²மந்தோதிபி வுச்சந்தி”தி. ஏதமத்த²ங் ப⁴க³வா அவோச. தத்தே²தங் இதி வுச்சதி -

“பாமோஜ்ஜகரணங் டா²னங் [... கரணடா²னங் (ஸீ. ஸ்யா.)], ஏதங் ஹோதி விஜானதங்;

யதி³த³ங் பா⁴விதத்தானங், அரியானங் த⁴ம்மஜீவினங்.

“தே ஜோதயந்தி ஸத்³த⁴ம்மங், பா⁴ஸயந்தி பபா⁴ங்கரா; ஆலோககரணா தீ⁴ரா, சக்கு²மந்தோ ரணஞ்ஜஹா.

“யேஸங் வே ஸாஸனங் ஸுத்வா, ஸம்மத³ஞ்ஞாய பண்டி³தா; ஜாதிக்க²யமபி⁴ஞ்ஞாய , நாக³ச்சந்தி புனப்³பா⁴வ”ந்தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. பஞ்சமங்.

6. தண்ஹுப்பாத³ஸுத்தங்

105. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“சத்தாரோமே, பி⁴க்க²வே, தண்ஹுப்பாதா³, யத்த² பி⁴க்கு²னோ தண்ஹா உப்பஜ்ஜமானா உப்பஜ்ஜதி. கதமே சத்தாரோ? சீவரஹேது வா, பி⁴க்க²வே, பி⁴க்கு²னோ தண்ஹா உப்பஜ்ஜமானா உப்பஜ்ஜதி; பிண்ட³பாதஹேது வா, பி⁴க்க²வே, பி⁴க்கு²னோ தண்ஹா உப்பஜ்ஜமானா உப்பஜ்ஜதி; ஸேனாஸனஹேது வா, பி⁴க்க²வே, பி⁴க்கு²னோ தண்ஹா உப்பஜ்ஜமானா உப்பஜ்ஜதி; இதிப⁴வாப⁴வஹேது வா, பி⁴க்க²வே, பி⁴க்கு²னோ தண்ஹா உப்பஜ்ஜமானா உப்பஜ்ஜதி. இமே கோ², பி⁴க்க²வே, சத்தாரோ தண்ஹுப்பாதா³ யத்த² பி⁴க்கு²னோ தண்ஹா உப்பஜ்ஜமானா உப்பஜ்ஜதி”தி. ஏதமத்த²ங் ப⁴க³வா அவோச. தத்தே²தங் இதி வுச்சதி -

“தண்ஹாது³தியோ புரிஸோ, தீ³க⁴மத்³தா⁴ன ஸங்ஸரங்;
இத்த²பா⁴வஞ்ஞதா²பா⁴வங், ஸங்ஸாரங் நாதிவத்ததி.

“ஏதமாதீ³னவங் ஞத்வா, தண்ஹங் து³க்க²ஸ்ஸ ஸம்ப⁴வங்;
வீததண்ஹோ அனாதா³னோ, ஸதோ பி⁴க்கு² பரிப்³பஜே”தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. ச²ட்ட²ங்.

7. ஸப்³ரஹ்மகஸுத்தங்

106. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“ஸப்³ரஹ்மகானி, பி⁴க்க²வே, தானி குலானி யேஸங் புத்தானங் மாதாபிதரோ அஜ்ஜா²கா³ரே பூஜிதா ஹொந்தி. ஸபுப்³புதே³வதானி , பி⁴க்க²வே, தானி குலானி யேஸங் புத்தானங் மாதாபிதரோ அஜ்ஜா²கா³ரே பூஜிதா ஹொந்தி. ஸபுப்³பா³சரியகானி, பி⁴க்க²வே, தானி குலானி யேஸங் புத்தானங் மாதாபிதரோ அஜ்ஜா²கா³ரே பூஜிதா ஹொந்தி. ஸாஹு³னெய்யகானி, பி⁴க்க²வே, தானி குலானி யேஸங் புத்தானங் மாதாபிதரோ அஜ்ஜா²கா³ரே பூஜிதா ஹொந்தி.

“‘ப்³ரஹ்மா’தி, பி⁴க்க²வே, மாதாபிதானங் ஏதங் அதி⁴வசனங்.
‘புப்³புதே³வதா’தி, பி⁴க்க²வே, மாதாபிதானங் ஏதங் அதி⁴வசனங்.
‘புப்³பா³சரியா’தி, பி⁴க்க²வே, மாதாபிதானங் ஏதங் அதி⁴வசனங்.
‘ஆஹு³னெய்யா’தி, பி⁴க்க²வே, மாதாபிதானங் ஏதங் அதி⁴வசனங். தங் கிஸ்ஸ ஹேது? ப³ஹுகாரா, பி⁴க்க²வே, மாதாபிதரோ புத்தானங் ஆபாத³கா போஸகா

இமஸ்ஸ லோகஸ்ஸ த³ஸ்ஸேதாரோ”தி. ஏதமத்த²ங் ப⁴க³வா அவோச.
தத்தே²தங் இதி வுச்சதி -

“ப்³ரஹ்மாதி மாதாபிதரோ, புப்³பா³சரியாதி வுச்சரே;
ஆஹு³னெய்யா ச புத்தானங், பஜாய அனுக்³ம்பகா.

“தஸ்மா ஹி நே நமஸ்ஸெய்ய, ஸக்கரெய்ய ச பண்டி³தோ;
அன்னேன அத² பா³னேன, வத்தே²ன ஸயனேன ச;
உச்சா²த³னேன நஹாபனேன [நஹாபனேன \(ஸீ.\)](#), பாதா³னங்
தோ⁴வனேன ச.

“தாய நங் பாரிசரியாய, மாதாபிதூஸு பண்டி³தா;
இதே⁴வ நங் பஸங்ஸந்தி, பேச்ச ஸக்³கே³ பமோத³தீ”தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. ஸத்தமங்.

8. ப³ஹுகாரஸுத்தங்

107. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“ப³ஹுகாரா [\[ப³ஹு³பகாரா \(ஸீ. பீ.\)\]](#), பி⁴க்க²வே, ப்³ராஹ்மணக்³ஹபதிகா
தும்ஹாகங் யே வோ [\[யே தே \(ஸப்³புத்த²\)\]](#) பச்சபட்டி²தா
சீவரபிண்ட³பாதஸேனாஸனகி³லானபச்சயபே⁴ஸஜ்ஜபரிக்கா²ரேஹி. தும்ஹேபி,
பி⁴க்க²வே, ப³ஹுகாரா ப்³ராஹ்மணக்³ஹபதிகானங் யங் [\[யே \(?\)\]](#) நேஸங்
த⁴ம்மங் தே³ஸேத² ஆதி³கல்யாணங் மஜ்ஜே²கல்யாணங்
பரியோஸானகல்யாணங் ஸாத்த²ங் ஸப்³யஞ்ஜனங், கேவலபரிபுண்ணங்
பரிஸுத்³த⁴ங் ப்³ரஹ்மசரியங் பகாஸேத². ஏவமித³ங், பி⁴க்க²வே,
அஞ்ஞமஞ்ஞங் நிஸ்ஸாய ப்³ரஹ்மசரியங் வுஸ்ஸதி ஓக்⁴ஸ்ஸ
நித்த²ரணத்தா²ய ஸம்மா து³க்க²ஸ்ஸ அந்தகிரியாயா”தி. ஏதமத்த²ங் ப⁴க³வா
அவோச. தத்தே²தங் இதி வுச்சதி -

“ஸாகா³ரா அனகா³ரா ச, உபோ⁴ அஞ்ஞோஞ்ஞனிஸ்ஸிதா;
ஆராத⁴யந்தி ஸத்³த⁴ம்மங், யோக்³க்கே²மங் அனுத்தரங்.

“ஸாகா³ரேஸு ச சீவரங், பச்சயங் ஸயனாஸனங்;
அனகா³ரா படிச்ச²ந்தி, பரிஸ்ஸயவினோத³னங்.

“ஸுக³தங் [\[புக்³கலங் \(ஸீ. க.\)\]](#) பன நிஸ்ஸாய, க³ஹட்டா²
க⁴ரமேஸினோ;
ஸத்³த³ஹானா அரஹதங், அரியபஞ்ஞாய ஜா²யினோ.

“இத⁴ த⁴ம்மங் சரித்வான, மக்³ங் ஸுக³திகா³மினங்;
நந்தி³னோ தே³வலோகஸ்மிங், மோத³ந்தி காமகாமினோ”தி.

அயம்பி அத்தோ² வத்தோ ப⁴க³வதா, இதி மே ஸுதந்தி. அட்ட²மங்.

9. குஹஸுத்தங்

108. வத்தஞ்ஹேதங் ப⁴க³வதா, வத்தமரஹதாதி மே ஸுதங் -

“யே கேசி, பி⁴க்க²வே, பி⁴க்க² குஹா த²த்தா⁴ லபா ஸிங்கீ³ உன்னளா
அஸமாஹிதா, ந மே தே , பி⁴க்க²வே, பி⁴க்க² மாமகா. அபக³தா ச தே,
பி⁴க்க²வே, பி⁴க்க² இமஸ்மா த⁴ம்மவினயா; ந ச தே **ந ச தே பி⁴க்க²வே
பி⁴க்க² (ஸீ. பீ. க.)** இமஸ்மிங் த⁴ம்மவினயே வத்தி⁴ங் விருள்ஹிங்
வேபுல்லங் ஆபஜ்ஜந்தி. யே ச கோ², பி⁴க்க²வே, பி⁴க்க² நிக் குஹா நில்லபா
தீ⁴ரா அத்த²த்தா⁴ ஸுஸமாஹிதா, தே கோ² மே, பி⁴க்க²வே, பி⁴க்க²
மாமகா. அனபக³தா ச தே, பி⁴க்க²வே, பி⁴க்க² இமஸ்மா த⁴ம்மவினயா; தே
ச இமஸ்மிங் த⁴ம்மவினயே **[இமஸ்மிங் ச தே த⁴ம்மவினயே (ஸ்யா.), தே
பி⁴க்க²வே பி⁴க்க² இமஸ்மிங் த⁴ம்மவினயே (க.)** வத்தி⁴ங் விருள்ஹிங்
வேபுல்லங் ஆபஜ்ஜந்தி”தி. ஏதமத்த²ங் ப⁴க³வா அவோச. தத்தே²தங் இதி வச்சதி

“குஹா த²த்தா⁴ லபா ஸிங்கீ³, உன்னளா அஸமாஹிதா;
ந தே த⁴ம்மே விருஹந்தி, ஸம்மாஸம்புத்த⁴தே³ஸிதே.

“நிக் குஹா நில்லபா தீ⁴ரா, அத்த²த்தா⁴ ஸுஸமாஹிதா;
தே வே த⁴ம்மே விருஹந்தி, ஸம்மாஸம்புத்த⁴தே³ஸிதே”தி.

அயம்பி அத்தோ² வத்தோ ப⁴க³வதா, இதி மே ஸுதந்தி. நவமங்.

10. நதி³ஸோதஸுத்தங்

109. வத்தஞ்ஹேதங் ப⁴க³வதா, வத்தமரஹதாதி மே ஸுதங் -

“ஸெய்யதா²பி , பி⁴க்க²வே, புரிஸோ நதி³யா ஸோதேன ஓஷய்ஹெய்ய
பியருபஸாதருபேன. தமேனங் சக்கு²மா புரிஸோ தீரே டி²தோ தி³ஸ்வா ஏவங்
வதே³ய்ய - ‘கிஞ்சாபி கோ² த்வங், அம்போ⁴ புரிஸ, நதி³யா ஸோதேன
ஓஷய்ஹஸி பியருபஸாதருபேன, அத்தி² செத்த² ஹெட்டா² ரஹதோ³ ஸஊமி
ஸாவட்டோ ஸக³ஹோ ஸரக்க²ஸோ யங் த்வங், அம்போ⁴ புரிஸ, ரஹத³ங்
பாபுணித்வா மரணங் வா நிக³ச்ச²ஸி மரணமத்தங் வா து³க்க²ந்தி. அத² கோ²
ஸோ, பி⁴க்க²வே, புரிஸோ தஸ்ஸ புரிஸஸ்ஸ ஸத்த³ங் ஸுத்வா
ஹத்தே²ஹி ச பாதே³ஹி ச படிஸோதங் வாயமெய்ய.

“உபமா கோ² மே அயங், பி⁴க்க²வே, கதா அத்த²ஸ்ஸ விஞ்ஞாபனாய.
அயங் செத்த² [அயங் சேவெத்த² (ஸ்யா.)] அத்தோ² - ‘நதி³யா ஸோதோ’தி கோ²,
பி⁴க்க²வே, தண்ஹாயேதங் அதி⁴வசனங்.

“பியருபங் ஸாதருபந்தி கோ², பி⁴க்க²வே, ச²ன்னேதங் அஜ்ஜ²த்திகானங்
ஆயதனானங் அதி⁴வசனங்.

“ஹெட்டா² ரஹதோ³தி கோ², பி⁴க்க²வே, பஞ்சன்னங்
ஓரம்பா⁴கி³யானங் ஸங்யோஜனானங் அதி⁴வசனங்;
“ஊமிப⁴யந்தி கோ² [ஸஞீமீதி கோ² (ப³ஹுஸு)], பி⁴க்க²வே,
கோது⁴பாயாஸஸ்ஸேதங் அதி⁴வசனங்;
“ஆவட்டந்தி கோ² [ஸாவட்டோதி கோ² (ப³ஹுஸு)], பி⁴க்க²வே,
பஞ்சன்னேதங் காமகு³ணானங் அதி⁴வசனங்;
“க³ஹரக்க²ஸோ’தி கோ² [ஸக³ஹோ ஸரக்க²ஸோதி கோ² (ப³ஹுஸு)],
பி⁴க்க²வே, மாதுகா³மஸ்ஸேதங் அதி⁴வசனங்;
“படிஸோதோ’தி கோ², பி⁴க்க²வே, நெக்க²ம்மஸ்ஸேதங் அதி⁴வசனங்;
“ஹத்தே²ஹி ச பாதே³ஹி ச வாயாமோ’தி கோ², பி⁴க்க²வே,
வீரியாரம்ப⁴ஸ்ஸேதங் அதி⁴வசனங்;

“சக்கு²மா புரிஸோ தீரே டி²தோதி கோ², பி⁴க்க²வே, ததா²க³தஸ்ஸேதங்
அதி⁴வசனங் அரஹதோ ஸம்மாஸம்பு³த்த⁴ஸ்ஸா’தி. ஏதமத்த²ங் ப⁴க³வா
அவோச. தத்தே²தங் இதி வச்சதி -

“ஸஹாபி து³க்கே²ன ஜஹெய்ய காமே, யோக³க்கே²மங் ஆயதிங்
பத்த²யானோ;
ஸம்மப்பஜானோ ஸுவிமுத்தசித்தோ, விமுத்தியா ப²ஸ்ஸயே தத்த²
தத்த²;
ஸ வேத³கூ³ வுஸிதப்³ரஹ்மசரியோ, லோகந்தகூ³ பாரக³தோதி
வச்சதீ’தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. த³ஸமங்.

11. சரஸுத்தங்

110. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“சரதோ சேபி, பி⁴க்க²வே, பி⁴க்கு²னோ உப்பஜ்ஜதி காமவிதக்கோ வா
ப்யாபாத³விதக்கோ வா விஹிங்ஸாவிதக்கோ வா. தஞ்சே, பி⁴க்க²வே,
பி⁴க்கு² அதி⁴வாஸேதி நப்பஜஹதி ந வினோதே³தி ந ப்யந்தீகரோதி
[ப்யந்திகரோதி (ஸீ. பீ.), ப்யந்தங் கரோதி (க.)] அனபா⁴வங் க³மேதி. சரம்பி,

பி⁴க்க²வே, பி⁴க்கு² ஏவங்பூ⁴தோ அனாதாபீ அனொத்தாபீ [அனொத்தப்பீ (ஸப்³புத்த²) து³கனிபாதே, அங்கு³த்தரே 1.4.11 பஸ்ஸிதப்³புங்] ஸததங் ஸமிதங் குஸ்தோ ஹீனவீரியோதி வுச்சதி.

“டி²தஸ்ஸ சேபி, பி⁴க்க²வே, பி⁴க்கு²னோ உப்பஜ்ஜதி காமவிதக்கோ வா ப்³யாபாத்³விதக்கோ வா விஹிங்ஸாவிதக்கோ வா. தஞ்சே, பி⁴க்க²வே, பி⁴க்கு² அதி⁴வாஸேதி நப்பஜஹதி ந வினோதே³தி ந ப்³யந்தீகரோதி ந அனபா⁴வங் க³மேதி. டி²தோபி, பி⁴க்க²வே, பி⁴க்கு² ஏவங்பூ⁴தோ அனாதாபீ அனொத்தாபீ ஸததங் ஸமிதங் குஸ்தோ ஹீனவீரியோதி வுச்சதி.

“நிஸின்னஸ்ஸ சேபி, பி⁴க்க²வே, பி⁴க்கு²னோ உப்பஜ்ஜதி காமவிதக்கோ வா ப்³யாபாத்³விதக்கோ வா விஹிங்ஸாவிதக்கோ வா. தஞ்சே, பி⁴க்க²வே, பி⁴க்கு² அதி⁴வாஸேதி நப்பஜஹதி ந வினோதே³தி ந ப்³யந்தீகரோதி ந அனபா⁴வங் க³மேதி. நிஸின்னோபி, பி⁴க்க²வே, பி⁴க்கு² ஏவங்பூ⁴தோ அனாதாபீ அனொத்தாபீ ஸததங் ஸமிதங் குஸ்தோ ஹீனவீரியோதி வுச்சதி.

“ஸயானஸ்ஸ சேபி, பி⁴க்க²வே, பி⁴க்கு²னோ ஜாக்³ரஸ்ஸ உப்பஜ்ஜதி காமவிதக்கோ வா ப்³யாபாத்³விதக்கோ வா விஹிங்ஸாவிதக்கோ வா. தஞ்சே, பி⁴க்க²வே, பி⁴க்கு² அதி⁴வாஸேதி நப்பஜஹதி ந வினோதே³தி ந ப்³யந்தீகரோதி ந அனபா⁴வங் க³மேதி. ஸயானோபி, பி⁴க்க²வே, பி⁴க்கு² ஜாக்³ரோ ஏவங்பூ⁴தோ அனாதாபீ அனொத்தாபீ ஸததங் ஸமிதங் குஸ்தோ ஹீனவீரியோதி வுச்சதி.

“சரதோ சேபி, பி⁴க்க²வே, பி⁴க்கு²னோ உப்பஜ்ஜதி காமவிதக்கோ வா ப்³யாபாத்³விதக்கோ வா விஹிங்ஸாவிதக்கோ வா. தஞ்சே, பி⁴க்க²வே, பி⁴க்கு² நாதி⁴வாஸேதி பஜஹதி வினோதே³தி ப்³யந்தீகரோதி அனபா⁴வங் க³மேதி. சரம்பி, பி⁴க்க²வே, பி⁴க்கு² ஏவங்பூ⁴தோ ஆதாபீ ஒத்தாபீ [ஒத்தப்பீ (ஸப்³புத்த²)] ஸததங் ஸமிதங் ஆரத்³த⁴வீரியோ பஹிதத்தோதி வுச்சதி.

“டி²தஸ்ஸ சேபி, பி⁴க்க²வே, பி⁴க்கு²னோ உப்பஜ்ஜதி காமவிதக்கோ வா ப்³யாபாத்³விதக்கோ வா விஹிங்ஸாவிதக்கோ வா. தஞ்சே, பி⁴க்க²வே, பி⁴க்கு² நாதி⁴வாஸேதி பஜஹதி வினோதே³தி ப்³யந்தீகரோதி அனபா⁴வங் க³மேதி. டி²தோபி, பி⁴க்க²வே, பி⁴க்கு² ஏவங்பூ⁴தோ ஆதாபீ ஒத்தாபீ ஸததங் ஸமிதங் ஆரத்³த⁴வீரியோ பஹிதத்தோதி வுச்சதி.

“நிஸின்னஸ்ஸ சேபி, பி⁴க்க²வே, பி⁴க்கு²னோ உப்பஜ்ஜதி காமவிதக்கோ வா ப்³யாபாத்³விதக்கோ வா விஹிங்ஸாவிதக்கோ வா. தஞ்சே, பி⁴க்க²வே, பி⁴க்கு² நாதி⁴வாஸேதி பஜஹதி வினோதே³தி ப்³யந்தீகரோதி அனபா⁴வங் க³மேதி. நிஸின்னோபி, பி⁴க்க²வே, பி⁴க்கு² ஏவங்பூ⁴தோ ஆதாபீ ஒத்தாபீ ஸததங் ஸமிதங் ஆரத்³த⁴வீரியோ பஹிதத்தோதி வுச்சதி.

“ஸயானஸ்ஸ சேபி, பி⁴க்க²வே, பி⁴க்கு²னோ ஜாக்ரஸ்ஸ உப்பஜ்ஜதி
காமவிதக்கோ வா ப்³யாபாத்³விதக்கோ வா விஹிங்ஸாவிதக்கோ வா. தஞ்சே,
பி⁴க்க²வே, பி⁴க்கு² நாதி⁴வாஸேதி பஜஹதி வினோதே³தி ப்³யந்தீகரோதி
அனபா⁴வங் க³மேதி. ஸயானோபி, பி⁴க்க²வே, பி⁴க்கு² ஜாக்ரோ
ஏவங்பூ⁴தோ ஆதாபீ ஒத்தாபீ ஸததங் ஸமிதங் ஆரத்³த⁴வீரியோ
பஹிதத்தோதி வச்சதீ”தி. ஏதமத்த²ங் ப⁴க³வா அவோச. தத்தே²தங் இதி வச்சதி

“சரங் வா யதி³ வா திட்ட²ங், நிஸின்னோ உத³ வா ஸயங்;
யோ விதக்கங் விதக்கேதி, பாபகங் கே³ஹனிஸ்ஸிதங்.

“கும்மக்³ங் படிபன்னோ [கும்மக்³ப்படிபன்னோ (அ. நி. 4.11)] ஸோ,
மோஹனெய்யேஸு முச்சி²தோ;
அப⁴ப்³போ³ தாதி³ஸோ பி⁴க்கு², புட்²டு²ங் ஸம்போ³தி⁴முத்தமங்.

“யோ ச சரங் வா திட்ட²ங் வா [யோ சரங் வா யதி³ வா திட்ட²ங்
(ஸ்யா.), யோ சரங் வாத² திட்ட²ங் வா (ஸீ. க.)], நிஸின்னோ உத³ வா
ஸயங்;
விதக்கங் ஸமயித்வான, விதக்கூபஸமே ரதோ;
ப⁴ப்³போ³ ஸோ தாதி³ஸோ பி⁴க்கு², புட்²டு²ங்
ஸம்போ³தி⁴முத்தம”ந்தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. ஏகாத்³ஸமங்.

12. ஸம்பன்னஸீலஸுத்தங்

111. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“ஸம்பன்னஸீலா, பி⁴க்க²வே, விஹரத² [ஹோத² (ஸ்யா.)]
ஸம்பன்னபாதிமொக்கா²; பாதிமொக்க²ஸங்வரஸங்வுதா விஹரத²
ஆசாரகோ³சரஸம்பன்னா அணுமத்தேஸு வஜ்ஜேஸு ப⁴யத³ஸ்ஸாவினோ;
ஸமாதா³ய ஸிக்க²த² ஸிக்கா²பதே³ஸு.

“ஸம்பன்னஸீலானங் வோ, பி⁴க்க²வே, விஹரதங் [ப⁴வதங் (ஸ்யா.)]
ஸம்பன்னபாதிமொக்கா²னங் பாதிமொக்க²ஸங்வரஸங்வுதானங் விஹரதங்
ஆசாரகோ³சரஸம்பன்னானங் அணுமத்தேஸு வஜ்ஜேஸு ப⁴யத³ஸ்ஸாவீனங்
ஸமாதா³ய ஸிக்க²தங் ஸிக்கா²பதே³ஸு கிமஸ்ஸ உத்தரி கரணியங் [கிமஸ்ஸ
பி⁴க்க²வே உத்தரி கரணியங் (ஸப்³பத்த²)].

“சரதோ சேபி, பி⁴க்க²வே, பி⁴க்கு²னோ [அபி⁴ஜ்ஜா² ப்³யாபாதோ³ விக்³தோ
(அ. நி. 4.12) அட்ட²கதா²ய ஸமேதி] பி⁴ஜ்ஜா² விக்³தா [அபி⁴ஜ்ஜா² ப்³யாபாதோ³

விக³தோ (அ. நி. 4.12) அடகதா²ய ஸமேதி ஹோதி, ப்யாபாதோ³ விக³தோ ஹோதி தி²னமித்³த⁴ங் உத்³த⁴ச்சகுக்குச்சங் விசிகிச்சா² (அ. நி. 4.12), தி²னமித்³த⁴ங் விக³தங் ஹோதி, உத்³த⁴ச்சகுக்குச்சங் விக³தங் ஹோதி, விசிகிச்சா² தி²னமித்³த⁴ங் உத்³த⁴ச்சகுக்குச்சங் விசிகிச்சா (அ. நி. 4.12) பஹீனா ஹோதி, ஆரத்³த⁴ங் ஹோதி வீரியங் அஸல்லீனங், உபட்டி²தா ஸதி அஸம்முட்டா² [அப்பமுட்டா² (ஸ்யா.)], பஸ்ஸத்³தோ⁴ காயோ அஸாரத்³தோ⁴, ஸமாஹிதங் சித்தங் ஏகக்³கங் . சரம்பி, பி⁴க்க²வே, பி⁴க்கு² ஏவங்பூ⁴தோ ஆதாபீ ஒத்தாபீ ஸததங் ஸமிதங் ஆரத்³த⁴வீரியோ பஹிதத்தோதி வுச்சதி.

“டி²தஸ்ஸ சேபி, பி⁴க்க²வே, பி⁴க்கு²னோ அபி⁴ஜ்ஜா² விக³தா ஹோதி ப்யாபாதோ³...பே... தி²னமித்³த⁴ங்... உத்³த⁴ச்சகுக்குச்சங்... விசிகிச்சா² பஹீனா ஹோதி, ஆரத்³த⁴ங் ஹோதி வீரியங் அஸல்லீனங் , உபட்டி²தா ஸதி அஸம்முட்டா², பஸ்ஸத்³தோ⁴ காயோ அஸாரத்³தோ⁴, ஸமாஹிதங் சித்தங் ஏகக்³கங். டி²தோபி, பி⁴க்க²வே, பி⁴க்கு² ஏவங்பூ⁴தோ ஆதாபீ ஒத்தாபீ ஸததங் ஸமிதங் ஆரத்³த⁴வீரியோ பஹிதத்தோதி வுச்சதி.

“நிஸின்னஸ்ஸ சேபி, பி⁴க்க²வே, பி⁴க்கு²னோ அபி⁴ஜ்ஜா² விக³தா ஹோதி, ப்யாபாதோ³...பே... தி²னமித்³த⁴ங்... உத்³த⁴ச்சகுக்குச்சங்... விசிகிச்சா² பஹீனா ஹோதி, ஆரத்³த⁴ங் ஹோதி வீரியங் அஸல்லீனங், உபட்டி²தா ஸதி அஸம்முட்டா², பஸ்ஸத்³தோ⁴ காயோ அஸாரத்³தோ⁴, ஸமாஹிதங் சித்தங் ஏகக்³கங். நிஸின்னோபி, பி⁴க்க²வே, பி⁴க்கு² ஏவங்பூ⁴தோ ஆதாபீ ஒத்தாபீ ஸததங் ஸமிதங் ஆரத்³த⁴வீரியோ பஹிதத்தோதி வுச்சதி.

“ஸயானஸ்ஸ சேபி , பி⁴க்க²வே, பி⁴க்கு²னோ ஜாக³ரஸ்ஸ அபி⁴ஜ்ஜா² விக³தா ஹோதி ப்யாபாதோ³...பே... தி²னமித்³த⁴ங்... உத்³த⁴ச்சகுக்குச்சங்... விசிகிச்சா² பஹீனா ஹோதி, ஆரத்³த⁴ங் ஹோதி வீரியங் அஸல்லீனங், உபட்டி²தா ஸதி அஸம்முட்டா², பஸ்ஸத்³தோ⁴ காயோ அஸாரத்³தோ⁴, ஸமாஹிதங் சித்தங் ஏகக்³கங். ஸயானோபி, பி⁴க்க²வே, பி⁴க்கு² ஜாக³ரோ ஏவங்பூ⁴தோ ஆதாபீ ஒத்தாபீ ஸததங் ஸமிதங் ஆரத்³த⁴வீரியோ பஹிதத்தோதி வுச்சதி”தி. ஏதமத்த²ங் ப⁴க³வா அவோச. தத்தே²தங் இதி வுச்சதி

“யதங் சரே யதங் திட்டே², யதங் அச்சே² யதங் ஸயே;
யதங் ஸமிஞ்ஜயே [ஸமிஞ்ஜயே (ஸீ. ஸ்யா.)] பி⁴க்கு², யதமேனங் பஸாரயே.

“உத்³த⁴ங் திரியங் அபாசீனங், யாவதா ஜக³தோ க³தி;
ஸமவெக்கி²தா ச த⁴ம்மானங், க²ந்தா⁴னங் உத³யப்³யங்.

“ஏவங் விஹாரிமாதாபிங், ஸந்தவுத்திமனுத்³த⁴தங்;
சேதோஸமத²ஸாமீசிங், ஸிக்க²மானங் ஸதா³ ஸதங்;
ஸததங் பஹிதத்தோதி, ஆஹு பி⁴க்கு²ங் ததா²வித⁴”ந்தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. த்³வாத்³ஸமங்.

13. லோகஸுத்தங்

112. வுத்தஞ்ஹேதங் ப⁴க³வதா, வுத்தமரஹதாதி மே ஸுதங் -

“லோகோ, பி⁴க்க²வே, ததா²க³தேன அபி⁴ஸம்புத்³தோ⁴ஃ. லோகஸ்மா
ததா²க³தோ விஸங்யுத்தோ. லோகஸமுத³யோ, பி⁴க்க²வே, ததா²க³தேன
அபி⁴ஸம்புத்³தோ⁴ ஃ. லோகஸமுத³யோ ததா²க³தஸ்ஸ பஹீனோ.
லோகனிரோதோ⁴, பி⁴க்க²வே, ததா²க³தேன அபி⁴ஸம்புத்³தோ⁴ஃ.
லோகனிரோதோ⁴ ததா²க³தஸ்ஸ ஸச்சிகதோ. லோகனிரோத⁴கா³மினீ
படிபதா³, பி⁴க்க²வே, ததா²க³தேன அபி⁴ஸம்புத்³தா⁴ஃ.
லோகனிரோத⁴கா³மினீ படிபதா³ ததா²க³தஸ்ஸ பா⁴விதா.

“யங், பி⁴க்க²வே, ஸதே³வகஸ்ஸ லோகஸ்ஸ ஸமாரகஸ்ஸ
ஸப்³ரஹ்மகஸ்ஸ ஸஸ்ஸமணப்³ராஹ்மணியா பஜாய ஸதே³வமனுஸ்ஸாய
தி³ட்ட²ங் ஸுதங் முதங் விஞ்ஞாதங் பத்தங் பரியேஸிதங் அனுவிசரிதங்
மனஸா யஸ்மா தங் ததா²க³தேன அபி⁴ஸம்புத்³த⁴ங், தஸ்மா ததா²க³தோதி
வுச்சதி.

“யஞ்ச, பி⁴க்க²வே, ரத்திங் ததா²க³தோ அனுத்தரங் ஸம்மாஸம்போதி⁴ங்
அபி⁴ஸம்புஜ்ஜ²தி, யஞ்ச ரத்திங் அனுபாதி³ஸேஸாய நிப்³பா³னதா⁴துயா
பரினிப்³பா³யதி, யங் ஏதஸ்மிங் அந்தரே பா⁴ஸதி லபதி நித்³தி³ஸதி, ஸப்³பங்
தங் ததே²வ ஹோதி நோ அஞ்ஞதா², தஸ்மா ததா²க³தோதி வுச்சதி.

“யதா²வாதீ³, பி⁴க்க²வே, ததா²க³தோ ததா²காரீ, யதா²காரீ ததா²வாதீ³, இதி
யதா²வாதீ³ ததா²காரீ யதா²காரீ ததா²வாதீ³, தஸ்மா ததா²க³தோதி வுச்சதி.

“ஸதே³வகே, பி⁴க்க²வே, லோகே ஸமாரகே ஸப்³ரஹ்மகே
ஸஸ்ஸமணப்³ராஹ்மணியா பஜாய ஸதே³வமனுஸ்ஸாய ததா²க³தோ
அபி⁴பூ⁴ அனபி⁴பூ⁴தோ அஞ்ஞதத்து²த³ஸோ வஸவத்தீ, தஸ்மா
ததா²க³தோதி வுச்சதீ”தி. ஏதமத்த²ங் ப⁴க³வா அவோச. தத்தே²தங் இதி வுச்சதி -

“ஸப்³பலோகங் [ஸப்³பங் லோகங் (அ. நி. 4.23)] அபி⁴ஞ்ஞாய,
ஸப்³பலோகே யதா²தத²ங்;

ஸப்³பலோகவிஸங்யுத்தோ, ஸப்³பலோகே அனுபயோ [அனுஸயோ
(ஸீ.), அனுபயோ (ஸ்யா.)].

“ஸ வே [ஸப்³பே³ (ஸப்³புத்த²) அ. நி. 4.23 பஸ்ஸிதப்³பங்]
ஸப்³பா³பி⁴பூ⁴ தீ⁴ரோ, ஸப்³பு³க³ந்த²ப்பமோசனோ;
புட்டா²ஸ்ஸ பரமா ஸந்தி, நிப்³பா³னங் அகுதோப⁴யங்.

“ஏஸ கீ²ணாஸவோ புத்³தோ⁴, அனீகோ⁴ சி²ன்னஸங்ஸயோ;
ஸப்³பு³கம்மக்க²யங் பத்தோ, விமுத்தோ உபதி⁴ஸங்க²யே.

“ஏஸ ஸோ ப⁴க³வா புத்³தோ⁴, ஏஸ ஸீ²ஹோ அனுத்தரோ;
ஸதே³வகஸ்ஸ லோகஸ்ஸ, ப்³ரஹ்மசக்கங் பவத்தயி.

“இதி தே³வா மனுஸ்ஸா ச, யே புத்³த⁴ங் ஸரணங் க³தா;
ஸங்க³ம்ம தங் நமஸ்ஸந்தி, மஹந்தங் வீ²தஸாரத³ங்.

“த³ந்தோ த³மயதங் ஸெட்டோ², ஸந்தோ ஸமயதங் இஸி;
முத்தோ மோசயதங் அக்³கோ³, திண்ணோ தாரயதங் வரோ.

“இதி ஹேதங் நமஸ்ஸந்தி, மஹந்தங் வீ²தஸாரத³ங்;
ஸதே³வகஸ்மிங் லோகஸ்மிங், நத்தி² தே படிபுக்³க³லோ”தி.

அயம்பி அத்தோ² வுத்தோ ப⁴க³வதா, இதி மே ஸுதந்தி. தேரஸமங்.

சதுக்கனிபாதோ நி²ட்டி²தோ.

தஸ்ஸுத்³தா³னங் -

ப்³ராஹ்மணஸுலபா⁴ [ப்³ராஹ்மணசத்தாரி (ஸப்³புத்த²)] ஜானங்,
ஸமணஸீலா தண்ஹா ப்³ரஹ்மா;
ப்³ஹுகாரா குஹபுரிஸா [குஹனா (ஸ்யா⁴)], சர ஸம்பன்ன லோகேன
தேரஸாதி.

ஸுத்தஸங்க³ஹோ -

ஸத்தவிஸேகனிபாதங், து³க்கங் பா³வீஸுத்தஸங்க³ஹிதங்;
ஸமபஞ்ஞாஸமத²திகங், தேரஸ சதுக்கஞ்ச இதி யமித³ங்.

த்³வித³ஸுத்தரஸுத்தஸதே, ஸங்கா³யித்வா ஸமாத³ஹிங்ஸு புரா;
அரஹந்தோ சிரட்டி²தியா, தமாஹு நாமேன இதிவுத்தந்தி.

இதிவுத்தகபாளி நி²ட்டி²தா.